

甘肅全省新通志

卷肆拾柒

00180
3P
20-135
76587

甘肅新通志卷之四十七

戎事 回變

世祖章皇帝

戊子

順治五年夏四月甘州副將米刺印叛蘭州回黨響應閏四

月陝西總督孟喬芳遣兵討之

米刺印甘州回種也素桀黠以時方草創陰蓄異志乘闖賊餘黨不自安

遂糾眾謀叛會調兵出征喇印佯言兵變須撫置酒北城樓邀巡撫張文衡等會議而席其從者於城下酒既行伏兵突起文衡及

西甯道副使林維造參議張鵬翼總兵劉良臣涼州副將毛鑽肅州副將潘雲騰遊擊黃得功金印都司王之俊守備胡大年李廷

試李承澤陳九功俱被執遇害莊浪參將翟大有戰歿惟涼州同知徐自礪參將蔣國泰從逆受職刺印及其黨丁國棟等據城以

叛奉故明延長王朱識鑄擁涼州兵渡河而東蘭州回黨舉城迎賊遂南寇鞏昌盡陷洮岷河州諸城守備劉繼祖戰死殺岷州同

知杜懋哲閏四月總督孟喬芳遣副將趙光瑞遊擊楊相等由鞏昌夾攻斬賊百餘副將馬甯等又衝殺七十餘里斬賊三千餘回

眾悉潰馬甯又與副將劉友元遊擊張勇破賊於臨洮內官營等處總兵王思謙又破之於金縣川張勇又破之於馬家坪擒朱識

甘肅新通志

卷四十七

兵防志 戎事下

一

鏘斬之克復鞏昌城斬賊首土倫泰

五月回黨闖塌天據臨洮

臨洮回闖塌天等率眾殺城守官吏遂據其城官兵圍攻月餘始降斬逆首王道宏

餘遣歸田

侍郎額塞等大破逆回於蘭州遂復其城

賊既失蘭州擁眾奔至大通河岸冀威脅湟中回民

兵備副使馮如京擊敗之時孟喬芳至鞏昌督兵馳勦誅米喇印於水泉丁國棟距甘州遊擊張勇攻之奮勇先登城遂克國棟與

其黨黑承印奔肅州關內外回黨蜂起響應雍涼再震官軍四面圍攻深濠高壘以困之賊潰圍東走結蘭州土寇鈔掠武威張掖

敦煌張勇馬甯分兵夾攻賊大敗生擒丁國棟黑承印斬首五千餘級肅州平諸城次第克復 孟喬芳奏河西回民叛變提兵往

勦謹述情形 疏見藝文

秋七月參將曹希冬擒斬回黨闖塌天

闖塌天自受撫後潛居高山復集餘黨劫掠參將曹希冬

遣材官雷明偵之得實於是偃旗息鼓夜往擒之梟其首級餘黨悉平

癸巳

十年秋西甯回匪據孫家寨以叛副將狄應魁等討平之

西甯孫家寨回

匪據寨以叛副將狄應魁等擊敗之生擒逆黨郝敖牙固子等斬之犁其巢穴

高宗純皇帝

辛丑

乾隆四十六年春三月撒拉爾回叛圍蘭州大學士阿桂率

兵剿之賊黨悉平

撒拉爾者號黑帽回與白帽回異種居西甯循化廳俗介番回之間驚悍好鬪向奉墨克為教祖默

誦其經有安定回馬明心於乾隆二十七年遊回疆見西域回經皆明誦自謂得真傳既歸入撒拉爾倡傳新教舊教回韓哈濟等斥為邪說稟官逐之是年三月白莊工蘇四十三同清水四工韓勿等互相仇殺舊教死者四十餘人韓哈拉勿等赴省告變總督勒爾謹遣蘭州知府楊士璣河州副將新柱以兵往捕士璣行駐起台堡新柱至百子莊蘇四十三糾其黨暗帶槍械偽稱舊教回民跪迎道左新柱呵其爭教滋事逆黨大譟戕新柱殲從兵擁入起台堡殺士璣襲破河州城勒爾謹聞士璣等遇害飛章入告檄各提鎮兵赴河州會剿自率按察使福崧及督標兵五百人以往行抵沙泥驛聞河州已陷乃馳扼狄道州城賊訶知省城無備自唐家川至洪濟橋宵濟洮河取尖山子閒道潛襲蘭州焚阿干鎮

甘肅新通志

卷四十七

兵防志 戎事下

二

至省西川屯亂骨堆坪督標兵迎擊失利賊斷浮橋過河西援兵大肆焚掠攻破西關城據禮拜寺悉銳薄內城布政使王廷贊率官紳兵民固守賊用雲梯攻城兵民下石擊之復排墮女牆壞其雲梯賊積薪燒外圍入之內圍實土甚堅賊火攻不能入時甘州提督仁和援兵壁河北金城關但繪圖議戰無過河意而賊攻城益急用木驢掘土圍將穿且謀索馬明心初廷贊檄安定知縣黃道熒捕明心與其子塔送省城獄至是出其子塔予賊而使明心登城諭之賊望見攻稍緩皆伏地跪拜誦新教經明心俯向賊作番語色甚厲俄挽頭上巾擲城下賊嘯而起攻轉急廷贊已令人將城圍用石填圍遂戮明心誓死捍禦適連城土司魯璠涼州都司王宗龍皆以兵來援仁和使璠等濟河擣賊山上老巢許以甘州兵策應賊退援救老巢與璠等戰仁和觀望不進宗龍戰歿於陣璠大敗僅以身免士兵三百人皆死之次日固原總兵圖欽保率兵擊賊於西關賊棄禮拜寺退屯華林山明日西甯循化兵至勒爾謹亦自狄道馳還營於大教場 上聞蘭州危急詔大學士阿桂為欽差大臣自河南工次赴剿先 命戶部尚書和珅超勇侯海蘭察襄勇伯明亮等率健銳營火器兵二千以行赦李侍堯於獄以三品頂戴總理蘭州軍饟四月西安將軍伍彌泰陝西提督馬彪先後至時賊眾僅二千官兵至者萬餘畏賊莫敢先戰惟使土司韓煜率舊教回兵衝鋒而合西甯兵取道循化擒賊家屬

置諸獄遂復河州城勒爾謹方以恢復河州爲己功又因兵多賊少欲止京營兵及續調川兵聚議遷延軍心日懈賊皆新教死黨夙業射獵精火槍官兵與戰輒敗衄未幾和珅至軍欲專討賊功合海蘭察以老教回兵擊賊龍尾山殺二百人餘賊退華林山圖欽保率遊擊王三傑等仰攻華林山賊憑高下擊勢如建瓴圖欽保墮天橋溝與三傑俱戰死士卒亡者九百有奇和珅奏言賊據地勢我兵多不習戰請發侍衛三十員赴軍 詔逮勒爾謹以李侍堯代之 命和珅回京專任阿桂討賊阿桂旣至首營山腹斷賊赴城之路移城中城東兵紮山北至河岸以聯聲勢又奏調金川屯練番兵千名阿拉善蒙古兵七百助剿五月遣兵擊賊佯敗誘之賊來追截殺二百餘自是連日挑戰賊不復出惟賊巢東北臨崖西南設大卡守禦甚固然官兵退後守卡賊僅留數十人阿桂偵知之閏五月金川屯練番兵至乃伏精卒於溝中使大兵進攻佯退賊眾回巢伏兵突起盡殺守卡賊奪其險俯瞰賊巢築長圍絕汲道移兵進逼六月天大雨阿桂出賊不意使海蘭察明亮等突攻賊壘金川番先據賊濠各路官兵分據賊卡奮勇齊攻賊不能支巢遂破殺賊數百蘇四十三及其黨韓一提等俱授首餘賊奔據華林寺官兵縱火焚之賊突出官軍圍而殲焉

甲辰

四十九年夏四月伏羌回田五叛

初蘭州賊滅後李侍堯治新教餘黨吏胥肆擾於是伏羌回阿

甘肅新通志

卷四十七

兵防志

戎事下

三

渾田五等藉詞爲馬明心報復仍興新教於四十六年冬葺通渭縣之石峰堡爲巢穴次年聚謀禮拜寺造旗帳兵械至是先徙其家屬於石峰堡而分屯伏羌縣之鹿盧山靜甯州之底店山蟠隴山扼險號召五月甘肅提督剛塔等剿之擊賊伏羌城外略有斬獲首逆田五受槍死時李侍堯誅婦孺千餘賊黨馬四圭張文慶等流言官兵欲剿絕回衆煽黨肆掠賊氛益熾遂自伏羌寇秦安陝西總兵三德率兵來剿連敗賊於墨土岡賊宵遁三德將輕騎追之賊奔徐家城

逆回圍通渭

先是賊脅回民馬世雄叛雄不附舉家奔城內賊圍之官民登陴賊給曰出世雄即去衆不從世雄曰苟解圍

死亦甘心乃出世雄賊支解之復攻七日糧盡民疲城遂陷次日剛塔軍至賊遁入石峰堡

六月嘉勇侯福康安等討逆回於靜甯等處平之

上以總督李侍堯於近城之賊謀

叛二載毫無覺察及是又逗留請遠藉審訊餘黨爲名不親赴堵勒而剛塔等皆無方略致賊四出無遏截分別禡逮 命福康安及海蘭察會討領侍衛章京等二十八人並調阿拉善蒙古兵及四川降番甯夏滿洲兵撒拉爾老教回兵甘涼延綏各兵又 命大學士阿桂領健銳火器營二千以爲後勁六月福康安等分兵由隆德進攻底店山賊衆千餘從山梁馳下拒戰官兵槍箭齊施

文宗顯皇帝

己未

咸豐九年河州東鄉回馬阿卜都叛知州趙桂芳討平之

賊首二人往來指揮拜唐阿薩克丹布槍斃其一殺賊四百餘人奪其卡降賊二千餘黨潰遁遂乘勝圍石峰堡而阿桂率禁旅亦至堡踞萬山中四面削險溝塹縱橫乃掘壕絕其汲道秋七月朔賊驅出男女千餘官兵分伏四隘夜半賊首果冒死突圍截殲千計黎明乘堡四入盡俘首逆張文慶馬建成等十餘人釋其婦孺三千餘並分殲底店化平諸逆回賊悉平

卜都叛知州趙桂芳率兵役直抵賊巢手殺數賊生擒阿卜都等七人梟示亂遂平

庚申

十年循化巴燕戎撒拉回叛擾西甯

時撒回馬及三入河州積石關大掠而去

辛酉

十一年春正月撒拉回距西甯南川貢生趙志訓等練民團禦之

冬十月撒拉回焚掠西甯東南各川堡

是時署陝甘總督沈兆霖新蒞任而逆首馬及三嘯聚逆

黨法正清羅成伏等作亂湟中蹂躪幾徧進士楊興霖貢生趙啟賢李協中等集民勇分東西南三圍堵禦朝命丁憂員外郎吳可讀往辦團練同興霖等勦賊屢戰不利

甘肅新通志

卷四十七

兵防志 戎事下

四

穆宗毅皇帝

壬戌

同治元年春三月總督沈兆霖督兵討撒拉回降之

先是楊

詣督署陳馬及三逆狀請兵征討三月初總督沈兆霖率軍進駐碾伯檄在籍戶部主事王鑑塘吏部主事周光炯碾伯訓導顏文綯督標遊擊陳應春等分兵四路合剿以趙啟賢李協中率東團由天崇山進以吳可讀楊興霖率西團由克欠山進專攻外五工賊壘以知州趙桂芳統南團及省垣民勇由積石關進以副將趙秉鑑統標兵與青沙山番兵喇嘛囊索等由河州大關進直搗內入工清水沓撒坡老巢遣知府豫師辦糧臺紳耆等就地籌軍食時冰雪未泮益以山路艱險兵不得前至五月初南團始抵茶圃寨東西各團至雜巴城以次會齊連戰皆捷賊見官軍林立相率赴行營乞降兆霖不允會髮匪闖入潼關而陝回又與漢民仇殺兆霖恐甘回有變乃許其請

秋八月固原預望城回匪把總馬兆元叛

四月陝西逆回作亂秋鳳翔土回又叛兆元恃預望

距鹽固寫遠煽惑教眾首發叛端而固原阿訇納三清水回逆李得倉鹽茶回逆田成吉平涼回紳穆生花之徒羹沸而起河州東鄉回皆潛往助逆

鳳翔回酋寇兩當尋煽清水秦安等縣回皆叛義回馬獻瑞等死之

鳳酋鐵正國領馬步百餘人由鳳縣至兩當時兩當方繕城垣賊見徒役甚眾遂捲旗東走由大渠莊道利橋北至清水張家川煽誘鎮回西連秦安之隴山隴城二鎮回族一時俱叛義回馬獻瑞馬集祥馬正西馬長泰李文達蘇芳皆戰死三鎮賊攻陷南北山堡寨焚掠百餘里惟馬家堡堅守不下進攻王家堡馬家堡武生馬延泰率眾赴救敗賊於倒淋堡圍總增生馬營選督團眾趨擣賊巢不克營選戰死壯丁從死者數十人治坊團總武生張行五先與營選約并力圖賊及聞營選敗益奮厲伺賊南出率勇士胡寅田慶陳三夢等十八人邀擊於黃家嶺斬騎賊八名步賊五名奪旗幟十餘賊敗去窮追遇伏皆戰歿

閏八月知州趙桂芳率兵守關山

桂芳領兵三百守關山洪家灘鳳翔賊度隴趨張家川桂芳退壁弓

門寨賊夜襲其營陷之桂芳走清水張家川賊遂犯清水攻北城知縣童有齡率兵勇擊退之賊脅取城關回民而去

秋九月賊酋鐵正國攻隴山鎮鎮人巨海率眾擊之賊大敗走

隴山鎮當

秦隴孔道自賊初起鎮人巨海即糾眾守城至是同酋李承恩率眾數千引鐵正國往攻穿地道豎雲梯又使悍賊戴板掘城根海

甘肅新通志

卷四十七

兵防志 戎事下

五

皆應機拒卻攻三日夜不下賊引去踰月復來急攻海合守陣者偃旗毋聲率眾開門突戰城上擊鼓忽震眾殊死鬪殺賊數百賊大血奔退承恩與海夙讎憤海益甚月常五六至且設計斷其糧道隴城鎮亦厲眾死守屢攻不下賊遂攻黨家堡湯峪里義勇傅隨居傅漢章傅雙玉等率眾往救戰敗皆被擒而死

賊掠通渭馬營監千總劉舉率團勇戰於黑燕山監生魏友死之

冬十月張家川賊西掠金帶峽副將李玉珍參將范銘等擣賊巢敗

績玉珍等引兵五百趨剿張家川賊巢敗績清水汛兵王建中等十人從戰皆死而蓮花城土回叛應賊推回目穆生輝為帥焚掠

通渭高山鎮及黃家窰

河州東鄉回反省城戒嚴

時鞏秦平慶涇固甯靈各州縣逆回紛起響應鹽茶廳等處皆有回潛往助逆河州

東鄉故盜藪平日殺人奪貨閔不畏死及飽掠歸道經省城兵役捕獲誅之經省城南者羊寨民邀之將抵巢狄道甘崔楊三莊民又邀之盡失其所掠財物婦女遂以復仇為名揭竿並起先攻燬甘崔楊三莊焚掠鎮南壩等處總兵丹金札布遣守備蔣得魁以

兵三百人防摺橋賊大至兵無後援皆戰歿賊四出焚掠攻破羊寨及狄道之趙家鋪殺傷甚衆而狄道北莊教主牟佛提潛應其弟馬六爲逆首焚掠四鄉舉人張葆齡練團防守州城北鄉難民逃入省城告急護總督恩麟以漢回械鬪不足介意派兵五百防堵中鋪令毋妄動致賊猖獗賊遂沿洮河東西焚殺無虛日

貴州遊擊張華率黔勇至秦州助防

十一月賊攻狄道孫家集

連日賊攻燬高家辛家各集至是攻孫家集耆老劉光鑾與子佩環督衆禦之戰敗

光鑾被賊支解佩環突圍出走

賊陷秦州三岔廳城州判楊城與其兄皆戰死

時總兵楊永魁率標兵東討軍秦安之常

家堡賊詭詞求撫永魁信之不設備賊夜掩至官軍盡歿護總督恩麟檄鞏秦階道林之望總統諸軍專辦南路軍務駐師秦州

十二月平涼東關逆回叛

東關回突叛焚兩橋殺聲四起民皆驚逃城內舊住回民無幾漢民知東關被焚衆

憤莫遏搜殺城內回殆盡適署巴里坤總兵呂元率甘涼兵四百途經郡城遂入城彈壓東西路團練萬餘亦赴援衆皆烏合賊約

甘肅新通志

卷四十七

兵防志 戎事下

六

固原石家溝賊數百伏空堡中東路團練至東十里鋪被伏賊圍殺幾盡西團乘閒掘阿訇穆三祖塋焚骨揚之

張家川賊陷通渭南家石堡童生吳典義力戰被擒死之

賊陷南家石堡屠二

千餘人生員吳鍾清及妻女皆殉難其子吳典義力戰被擒支解死賊遂至黃家窰黃廷連戰死知縣余士毅籌捐修城製械稟留

甘州守備王吉利部兵四百會遊擊姚成性合剿

癸亥二年春正月河州回復叛

先是護總督恩麟委馬世勛署河州中營遊擊且議撫衆以大吏意不敢立異

撫局成至正月朔附郭八方回及四鄉回皆叛賊酋馬永琳馬永瑞率衆撲城南關商民二百餘家入賊弗及者屠戮無遺馬世勛

與城守營馬應宗皆回種仍議和未幾罷兵

固原回叛擄巡道萬金鏞以去學正岳鎮東死之千總張凌漢朱殿

勳等戰死

先是州屬石家溝口同楊達娃子等聞陝回變即恣意焚殺提督金文帶開缺赴省惟金鏞居守逆回乘間搆亂州

民詣金鏞告變者日萬人金鏞斥之以闢防請又不計越日傳集漢回紳耆入墮廟抱經爲誓兩不相害未幾賊殺掠四起揚言北

破七營鎮南破瓦亭然後屠固原人情洶懼急請選丁授械金鏞仍持前約不可且以素遇回厚必不我叛學正岳鎮東上書請乘回初變急請兵勦之不可養癰成患金鏞意在主撫謝之回日以金玉饋金鏞故金鏞袒回時西甯兵二百奉檄來防途經七營等鎮適賊攻鎮隊官張岳頗負威望麾下皆精兵即振旅迎擊賊遂星散各鎮犒軍攀留哭聲震野張岳謂須抵州城民攜眷從之軍至州金鏞以饒紉辭紳商乃捐銀巨萬糧數百斛金鏞迫於眾議允之迨下馬關預望城相繼陷勢已岌岌而城中以張岳軍在風鶴不驚於是回賊偽作平涼調援軍書金鏞旋諭紳耆謂張岳兵當赴援不宜久留有回紳阿訇等足資保衛紳耆皆大哭懇留金鏞卒不允知州賈元濤請急辦團防又請留張岳軍為金鏞所屏乃解組去金鏞委馬維岳知州事倚之如左右手維岳陝回馬百齡族姪既任事回敵愈張金鏞乃促張岳行戒勿持械以免沿途回眾驚疑岳啟行商民附逃者數萬行至白土口堡賊令疲老回目迎道左頂香為祖錢狀岳未及首肯而悍回從後突出刃岳於馬下伏賊俱發官兵軍械捆載後車茫無措手兵民悉為回坑金鏞聞亂仍持兩可守備尙虛旋聞瓦亭陷紳耆力扶金鏞籌防禦選壯丁五六萬人更代守城時元年十二月下旬也除夕金鏞忽令守者休息一二日俟年節後再辦不遵者以激變論一時守陴皆哭遂弛備夜半賊調集蓮花城賊千餘於城南二里雷壇廟時

甘肅新通志

卷四十七

兵防志 戎事下

七

掌南門管者城守經制妥貴亦回目也開門納賊右營把總仇占林先已投賊賊自南城殺入焚鼓樓金鏞方以元旦率屬詣壽宮朝賀見火起即歸署回隊塞署而入金鏞則白布纏頭謂需饒則內署黃白金萬斤需糧則倉儲萬石而悍回入署淫掠金鏞憤曰向聽紳耆言爾等何克臻此賊忽環槍刺之金鏞且鬪且乞憐賊舍之遂並其全眷擄去卒被殺知州馬維岳亦叛附逆學正岳鎮東全家殉難于總張凌漢率所部巷戰死貞生張鳳翹焚其全家於家祠持械迎戰而死義回馬義春不從賊被戕其妻王氏執廚刀子生彪姪生英各持槍殺賊數人力竭皆死時客土各回不過數千于總朱殿勳聞難赴中營參將景文所問方略至則景文已白布纏頭附賊矣殿勳即率軍旗於城西小教場聚眾得千人率往營庫授械遂亂次而進不服紀律爭先奮擊賊少卻殿勳益勵之賊驚且潰眾忽奔回顧眷口殿勳呼之曰今日之事勝則全城可保敗則靡有子遺宜急努力逐賊眾弗應殿勳呵止至聲嘶失音不能制團眾愈少而回賊益集殿勳乃麾眾使逃獨挺戈與賊戰猶手殺數人力屈被擒支解死城內官民男婦共死者二十餘萬人

賊掠通渭義岡等鎮遊擊姚成性敗賊於華嶺

蓮花城賊突至通渭義岡鎮民勇二百餘

人迎擊之敗績尋犯榜羅鎮李存忠戰死又掠鋪路鎮知縣余上穀合防兵進剿至奇峰山望賊而還賊遂至馬營姚成性與戰於華嶺斬賊首十餘級賊敗遁

知秦州托克清阿率團勇進規蓮花城次劉家鋪與賊戰陣亡先是縣北

七十里之蓮花城陷賊立堅壘與張家川賊南北相犄角托克清阿謂不犁蓮花城則賊巢不掘乃約趙桂芳督文縣勇往攻自率團勇合張華所部黔軍取道秦安東山次劉家鋪黔勇散赴各村藉樵薪為名搜括財物營壘半空賊雪夜至破其營乘勝薄趙營文勇亦卻退托克清阿方督勇力戰而孑然一營圍已數重遂升高覘虛實或勸免冠勿為賊識不聽親握旗指揮賊多死傷忽點賊覘知伏溝內以槍注之中托克清阿目並穿左頤創重不能言猶手驅部眾殺賊趙桂芳激厲各團奮戰張華亦收散卒助之移時賊始退托克清阿旋卒勇目軍功胡建忠經制萬福等戰死者三十六人

涼州鎮總兵萬年新援固原戰死於李旺堡萬年新駐防鹽茶聞固原陷馳勦至李旺堡逆

目穆三遣人乞撫年新知其詐令鹽茶回王大桂說之大桂先為叛回馬光元所推已而悔之遂殺光元反正至是往說賊不從賊

甘肅新通志 卷四十七 兵防志 戎事下 八

旋攻殺年新大桂返團莊集眾拒守賊眾至鹽茶擒大桂脅降不屈被害 詔調延綏官兵並阿拉善王東西兩旗家兵星速赴圍飭總督熙麟駐慶陽督催各路兵張家川隆德等處合道員林之望相機辦理時甯遠縣新市鎮回目張滿拉入西和縣之鹽關鎮與蘇家城武舉蘇東來潛結謀逆連鎮東西八堡回民俱反殺義回武生毛大魁自是秦州三面皆賊巢州境及禮縣西和清水秦安各村堡被賊攻擾不可勝紀

三月賊陷鹽茶廳城即今海城縣同知裕崧被戕前任都司高如崗戰死

遂犯打拉池賊攻鹽茶廳城同知裕崧率兵民固守城內回叛應賊城遂陷裕崧被戕前任都司高如崗與其子皆戰死士卒死者數千賊遂犯打拉池靖遠民團禦之眾寡不敵死三千餘人賊分擾鹽灘等處民人死亡數萬

賊圍平涼賊圍攻平涼城白吉銅城之回潛往助逆者逾萬時甯州亦有賊蹤出沒

河狄逆回破皋蘭羊寨護總督恩麟錄遣犯立宣威軍三營合候補

知府張瑞珍統之

賊據西和鹽官鎮團紳段克廉等戰死張滿拉句結成禮二縣逆回

攻據鹽官鎮四鄉民團擊之
敗績團紳段克廉鐵人棟常
祿楊維華王建寅皆戰死

秦州青石里鄉團攻鹽官鎮不克賊東寇天水鎮遂陷牟家等堡青石

鄉團數千人取間道攻鹽官不克鹽官賊東寇天水鎮近鎮回民俱叛遂陷牟家堡堡長牟創業戰死進陷劉家堡又圍侯家堡各堡集團赴救遇賊寺門川團總董俊和王進前等戰歿堡圍亦解旋攻羅家堡不下尋復大舉急攻掘穴垣角垣崩數丈賊擁入堡民併力堵擊殺賊百餘賊退堡長命以竹箐塞崩垣堡復完固

巡道林之望遣兵駐天水禦賊委員黃元慶被殺之望遣張華領黔勇駐天水禦賊委

員黃元慶亦以文縣勇往築壘未就賊猝至文縣勇見賊即潰被殺百餘元慶中槍死華率黔勇禦之於西門外賊敗走乘勝逐之被創而返

三月鹽官賊陷禮縣鐵集寨知縣劉榮亮率民團擊賊長道鎮敗績

甘肅新通志 卷四十七 兵防志 戎事下 九

賊遂陷成縣尖山堡徽縣唐集寨火燄山堡

夏四月鳳翔賊犯兩當縣鳳翔賊楊生工率騎三百至兩當城下脅索城中回民於是搜城中回民男女數十

口繼出與之賊沿途大掠而去

秦安民團勦張家川賊不克秦安隴城鎮梁家等堡民團勦張家川賊不克死者百餘人時龍山鎮團長鄭

發成率團邀賊於大鼎山在延考率團邀賊於邪頭山皆敗死

巡道林之望率兵屯天水敗賊於萬家背堡之望率新健營及勁勇親兵進屯天水鹽官賊

越萬家背堡謀劫大營之望先令大兵藏堡內以數百人陣堡外誘之賊至與堡眾內外夾擊大敗之殺賊五百餘後數日賊焚燬

龍池灣使黔勇追敗之

陝回犯清水民人林效儒等擊賊於清水河被執死之張家川賊以陝回寇清水

縣盤踞城北賊騎時繞城挑戰城內惟閉門堅守越三日乃去縣民林效儒梁庚等率鄉團追擊於清水河擒其梟旣渡河眾忽潰

效儒等被執賊截其手足不屈而死

總督熙麟遣軍援平涼中途失利知府和英等死之

時平涼圍已數月總督熙麟駐

慶陽合參將馬天祥率勇五百阿章阿統延綏兵八百平涼遊擊李王安率部兵三百涇州都司范銘率部勇五百俱隨慶陽知府和英副將任國治等進援沿途屢獲小勝進至平涼四十里鋪和英不急解城圍頓兵數日各處援賊麇集官軍寡不敵眾既戰范銘兵敗退山上延綏兵陣亡過半馬天祥和英俱退保山頂賊合圍五日夜士卒飢困求勺水不得馬天祥和英合暗掘地道夜半率眾殺出和英任國治阿章阿及守備張士俊把總紀貞祥丁應南外委賀殿相劉鳳雄萬天佐沙銳張宗順張靜神等均血戰陣亡平慶勢愈岌岌 詔將軍多隆阿派勁旅數千交雷正綰援甘並著駱秉章派川勇由白馬關赴甘助剿而多軍猝難抽調乃合渭南團總馮元佐率勇三千赴甘助剿元佐遣武生王生吉統練勇三營馳慶陽自率五營與任鳳翔繼進然自平涼援軍失利慶陽戒嚴白吉原同逆勢甚猖獗攻掠無虛日漸逼慶陽 河州鎮總兵曹克忠破之賊始沿西峰鎮西竄

伏羌土回反

伏羌同反據縣南關及城西之沙溝口城東之泰山廟日夜環攻城甚危蓮花城回匪二千復往助逆分股東

甘肅新通志

卷四十七

兵防志 戎事下

十

犯關子鎮焚掠街市驅各莊回民以去

五月岷州鄉團擊寫溝逆回鄉團潰

寫溝回反岷州東鄉各團集紅崖堡先屠堡內良回民百餘人

遂陣於白露山時民團約三千人逆回迎戰者不滿二百未及交鋒民團先潰傷團首陳田以下數十人

遊擊張華率黔勇入秦州

先是秦州西境陽山山回逆反引伏羌叛回犯秦州總統林之望遣川勇千總楊葆

清等各率勇赴援併歸知州談葆和統帶葆清等逗留久不至又遣張華率黔勇繼往至是張華入秦州葆和亦自甯遠續至次日葆和率川勇及民團與賊戰團勇潰敗葆和戰歿黔勇連戰日獲小勝時伏羌艾家川團總鞏林堵勤伏羌賊戰敗於清平梁團眾死者千餘林亦敗死

河州回復叛

逆回復叛城軍擊賊於北原陣亡百餘人馬世勛等復倡和議眾以援兵不至不得已從之疾世勛為間諜世

勛因解職

秦州民團攻鹽官賊巢不克

劉家溝團首劉登禮劉寶率各莊烏槍手數百趨擣鹽官賊巢轟斃悍賊十餘

槍熱藥盡
皆死之

成縣鄉團攻何家莊賊巢敗績

貢生汪士鏞率汪川鄉團及徽戶攻小何家莊賊巢焚其廬舍殺賊數十

後隊忽潰遂敗
績死千餘人

賊陷龍山鎮

龍山鎮陷巨海舉族死之團丁戰死者一百七十七人

六月伏羌賊西遁城圍遂解

時賊圍伏羌日久城中乏食遣縣民渡渭走北川諸寨羅糧將及楊家場賊伏

突發殺千餘人未幾賊空壘西遁分為二支
一赴河州一赴鹽官踞祁山堡城圍遂解

禮縣甯遠民團會攻祁山堡不克

東鄉團總生員韓紹宗馬自名各率鄉團千餘屯縣東高坡山截鹽

官賊西犯之路尋奉總統檄令與甯遠團總劉正修會勦祁山堡正修先據劉家塔邀賊紹宗自名徑趨祁山列陣未成賊忽大至正修亟馳赴援野戰半日殺賊數百賊騎突出衝之團勇遂亂紹宗自名正修皆戰死團勇死者三百四十八人

洮州東鄉民團擊賊於三角石失利

團勇死者四百八十三人

甘肅新通志

卷四十七

兵防志 戎事下

十一

秋七月河州賊掠皋蘭縣屬西南鄉噓咻囉團勇禦於洮河沿敗

績

賊犯天水鎮黔勇迎擊遇伏奔還

賊犯天水張華率黔勇禦之遇伏奔還越數日賊復大至華偃旗閉

壁以待度賊倦且懈
選銳卒出擊大破之

賊攻慶陽府城渭南圍總馮元佐武生王生吉率勇擊走之

馮元佐王生吉

等先後抵慶陽總督熙麟令元佐統五營防慶在鳳翔所部一營赴環縣防勤以王生吉統馬隊巡防賊聞鄉團至圍攻府城馮元佐王生吉率隊迎戰賊衆八千餘蜂擁至官軍戰愈力施放噴筒火箭賊棄械而走斬首四百餘級官軍陣亡百二十人

武生王生吉擊破崇信縣賊克復銅城鎮

崇信縣城被圍王生吉率隊赴援賊方攻城生吉奮

戰賊敗竄銅城鎮遂入城夜令士勇伏南山要隘槍火亂發賊驚懼不敢進五鼓官軍分二路出隊賊萬餘迎戰自辰至午不退生吉令哨弁張虎率勇由北山後焚攻賊巢前敵又用噴筒火箭火焚殺賊始敗竄平涼遂復銅城鎮又攻克馬家溝丈八寺左

溝等處賊巢斬甚眾奪獲器械牲畜無算官兵陣亡三十四人於是崇信全境肅清生吉奉檄赴涇州防勦

鹽官賊犯禮縣城知縣劉榮亮禦之

鹽官賊掩至禮縣烽火彌天人

榮亮率眾登陣守禦賊脅取城關回民而去

八月賊陷狄道州城署知州屠旭初都司陸陞吏目英裕學正王林

桂團紳張葆齡等均死之

初護總督恩麟委已革提督成瑞道員和祥與賊議和賊扮官兵乘間欲入州城臨

洮營都司陸陞識其詐拒弗納時四鄉盡為焦土孤城危甚知州房廷華赴省請援歸阻於金縣回酋牟佛提陽為保護陰謀掩取外困日迫內應竊發陸陞與署知州屠旭初督營兵及團勇勦清內賊登陣固守賊攻城愈力血書十三上援兵不至堅守三月糧盡人疲至是城陷屠旭初陸陞俱戰死學正王林桂自經於大成殿吏目英裕手刃一賊被戕團紳張葆齡血戰死居民十餘萬盡殲於賊時恩齡遣蘭州知府豫師率鄉占先騎勇千人馳援行至新營狄道已陷未至而還

賊陷平涼府城

先是教諭王汝揆議盡拆城外民房為紳士所阻至是被圍七閱月糧盡援絕賊果伏民房掘地道發地

甘肅新通志

卷四十七

兵防志 戎事下

十三

雷陷西南城冒煙突入城遂陷知府田壽增經歷祥麟知縣張仁源典史焦國照俱全家殉教諭王汝揆訓導孫廷筠以身殉流寓總兵呂元血戰城缺處被賊擁出勸降元怒擊逆首那三被殺千總徐魁把總朱順外委朱英等率兵力戰陣亡官員死節者百餘士民死者十數萬

河州賊酋馬悟真閔殿臣復圍州城

馬悟真等復圍攻河州城總督

撫以羈縻之賊欲懈我守備詭言受撫於是撤兵民下城歸軍械於庫僅留巡更兵以示不疑

九月賊犯徽縣麻沿河破其堡

蓮花城賊犯秦安縣

賊犯秦安縣城北圍首王義胡承膺率團勇擊之賊敗走追至杜家窰以無援敗歿

賊犯靖遠境民團禦之於東關門敗績

陣亡百餘人

冬十月岷州學正劉鈞率義勇攻寫溝賊巢不克死之都司鄔連登

遁去

劉鈞與鄔連登率岷山義勇及番汛兵約二千人由二槐溝進攻寫溝賊巢既戰番汛兵先潰民團遂亂鄔連登逸去劉鈞力

戰死焉

賊擾華亭竄觜把總顏永福等戰死賊掠竄觜把總顏永福率民團往擊與汎兵郭典何遇隆等皆

戰死

賊犯通渭鐵櫃堡賊自碧玉鎮至王家川攻鐵櫃堡不克大肆焚掠取道南澗而去

賊陷甯夏府城先是城中漢回互相攻殺巡道侯登雲知回叵測欲嚴懲之甯夏將軍慶瑞力持議撫勒令漢民散團繳械撤防回知城虛無備暗結馬化澂夜攜雲梯登城城陷火光連天漢民十餘萬被屠殆盡甯夏知縣彭慶彰降賊巡道侯登雲前知府明崑署知府呂際韶新任知縣趙長庚教諭滕樹標皆死之

賊西馬化澂陷靈州賊自九月圍城知州鍾蘭與前知州納穆棟額尹泗等固守賊攻不能下復掘地道以火藥轟之鍾蘭率兵民於關口且戰且築賊不能進至是馬化澂率黨攻陷城鍾蘭與守備葉生蓮均戰死吏目張維清與其母王氏不屈死城中民人死者二萬餘賊旋攻玉泉營守備劉致福與趙周諧王子振俱戰死賊知滿城無備又欺慶瑞無能梯垣而入殺傷無算搜掠一空牛彘章京多戰死慶瑞獨免不得已奏聞詔切責之命直隸總督劉長佑率勁旅二千由歸化城趨甯夏並促麒麟赴蘭州接督篆時提督雷正綰連獲大捷進勦涇州一帶攻克平涼四十里鋪賊巢陣斬賊目楊自明等數千人賊酋穆三懼而自縊回氛稍挫

十二月鹽官騎賊寇成縣賊騎千餘寇成縣遊擊龔明臣率勇千五百人由徽縣赴援賊退踞徽屬江洛鎮知縣古一忱遣義勇及民團擊走之

河州賊酋馬占鼇等襲破州城守備郭陞戰死僧光瑞率眾擊走之馬占鼇等突反夜襲西城殺巡更兵火城樓官民驚起倉皇登屋柵街以守遲明賊焚掠西南街左營守備郭陞戰死自辰至午賊勢益眾適東武廟僧光瑞率眾奮擊所向披靡時南城兵亦突過城樓與道正司馮永昌眾合連龔五賊勢益奮厲兩路夾攻至西南隅賊紛紛墜城下死者以千計城中賊望見之咸棄所掠狂奔軍民呼噪乘之男婦升屋擊賊磚石交下賊鮮脫者城遂復僧光瑞亦中礮死是役也龔賊二千餘兵民亦多傷亡西南街最慘自是日戰夜守延頸望援

甘肅新通志 卷四十七 兵防志 戎事下 三

賊圍西甯府城

初花寺回藉爭殺肆行殺掠青海大臣玉通合同日馬文義和解各回伴諾而桀黠者及撒拉回殺掠如

故西甯南川塔爾寺阿家呼圖克圖所屬番民被害尤甚至是賊圍府城玉通乃以逆首馬桂元權西甯府篆其弟本元權遊擊護

總兵城內士民被蹂躪不堪言狀無異於城陷桂元又噉其黨時出擾掠殺戮甚慘

甲子 三年春正月提督雷正綰軍至平涼

雷軍至平涼有逆首數人立馬大呼曰老師初到甘良勞

苦願各選健兒鬪以博帥歡言甫畢一悍回出武生王生吉與之鬪良久各鳴金退時安化西峰鎮新陷總督熙麟調生吉赴官軍

助勦賊敗走逐北兩日夜又敗之鎮原縣黑水河孟壩等處殲賊二百餘奪騾馬軍械五百餘件

二月張家川賊攻清水城知縣童有齡率團勇守禦之

賊掠通渭麻溝鄉民與戰不利多敗死

安化環縣團勇禦賊環固閉敗歿董福祥等復圍難民拒回

環縣知縣翁健

遣子整募勇三百餘以固原人徐明等充哨長與安化團犄角禦賊環固交界賊數千突至整伏草莽閒不知所為徐明率諸團奮

甘肅新通志

卷四十七

兵防志 戎事下

西

擊賊棄輜重走整不追賊反收輜重徐明諫不聽各團大譁而散賊縱騎乘其後防兵團眾皆覆歿整僅以身免自是回氛愈熾當

時糾難民以拒賊者姚魁姚旺蘇存宏高二沙三董福祥張俊李雙梁杜奶子等各以其眾出奇制勝屢挫賊鋒賊亦憚之如勁敵

然然烏合之眾猜嫌易起高二隸存宏而殺存宏沙三等隸高二而殺高二張俊惡其反覆不能統一手刃沙三推福祥為團總與

雙梁奶子各分其眾而副之董團之名大震賊畏之避入環慶間凡陝甘北山難民歸董團者且三十萬姚旺後歸雷正綰軍編入

礮隊福祥等歸劉松山立董字三營卒成平回之功

三月狄河賊竄入隴西縣團勇擊卻之

狄河回逆竄入隴西西鄉所過殺掠一空進撲關城團勇

開礮轟之斃賊首一悍賊十餘賊遂遁去

鹽官賊焚掠鐵鑪寨進攻崔家磨等處不克遂北犯伏羌

賊至鐵鑪寨大肆焚

掠進攻崔家磨史家審皆不下遂分股北犯伏羌至五里鋪被團勇擊退渡渭東竄一股自秦州西三十里鋪入普岔峪而去

秦州民團禦鹽官賊於高樓莊敗績

青石里文童安贊堯安玉堂武童武衛武欽天水里團首石禹

川率鄉團禦鹽官賊戰敗於高樓莊皆死之時汪士鏞率汪川團擊賊羅家堡前隊已抵高樓莊賊伏騎驟出衝突眾潰後隊陣稠泥河岸槍斃數騎賊眾爭奪馬而亂賊乘勢縱擊自天水來援之黔勇亦不戰而退民團遂大敗

秦安民團禦蓮花城賊團首景增魁等皆戰死秦安小張家堡團首景增魁率眾禦蓮花

城賊力戰死圍丁死者四十三人靳家崖團首陳瑞靳振康連雲與賊戰於陽兀川眾潰死之常家堡團首常克己亦禦賊戰死

鹽官賊攻龍池灣堡堡長劉惠元礮斃賊百餘賊遁走

撒拉回陷循化廳城訓導何雲翹死之街子工撒拉與保安賊合夜梯城入焚掠殆盡同知陳秉

彝先赴省署參將陝成英應變無方城遂陷訓導何雲翹仗劍迎敵賊殺之漢番死者無算

夏四月參將馬天祥屯西峰鎮天祥率兵屯西峰鎮賊畏之不敢犯然輒飽掠而去天祥佯為尾追不能

也

撒拉回酋馬文義圍攻丹噶爾廳城同知富亮徵鄉團夾擊大破之

甘肅新通志 卷四十七 兵防志 戎事下 五

又敗賊於西納川丹噶爾回民約分兩教日大會曰花寺始因辯教互爭繼而花寺回匪句引撒回馬文義即馬尕三

率眾來丹意欲挾制大會而大會與漢民合謀納賄於文義既而撒回退大會殺花寺回目百餘人其餘悉逐出境文義因仇大

會屢糾撒回來攻廳城大會與漢民同心捍禦至一年之久嗣大會見回氛日熾漸蓄異謀潛招北川回丁千餘人分匿城中麇集

大寺內者二三千人義回法守忠首先發其謀紳民潛調鄉團赴城嚴防復往大寺與回民調停察其動靜幾遭不測狼狽逃歸連

夜布置黎明紳民率勇從北城上放火焚燬大寺鄉團以火槍列於寺外盡殲回眾捕搜外來回丁悉行斷誅次日援賊雲集以內

應已失遂敗退至是馬文義率賊三千餘三路來攻焚殺闕廟環城數而日夜進攻同知富亮募死士宵繼持諭徵四鄉團勇及青

海番兵至內外夾攻大破之斬賊千餘級文義幾被擒未幾文義復聚數千賊於西納川拉沙爾莊將來侵團勇偵知進攻鏖戰三

日又大破之斬賊三百餘級奪獲戰馬數十匹後賊攻哈住寺團勇往援殺賊二百餘陣亡團勇九十餘名又援白崖寨失利陣亡

百三十名

甘肅提督陶茂林率所部援甘時陝境稍靖詔促雷正綰會同甘肅提督陶茂林河州鎮總兵曹克忠

率所部援甘時訥欽卸辦甯夏軍務 詔令都興阿由京赴定邊
接訥欽所部各軍進規甯靈正綰奏請 敕撥多隆阿所部數營
歸都興阿統率並自請 敕撥馬隊數起以厚兵力適茂林肅清
隴州神峪河竄匪亦率所部由華亭與雷軍會籌攻平涼府城總
督熙麟亦委甯夏道三壽由慶陽至軍平涼回逆結固原賊馬步
萬餘迎戰正綰合馬步各營分左右接戰自率魏添應胡大貴鄧
全忠陳義等四軍迎擊茂林偵米家川內有伏即合張在德率五
營繞其前而自督親兵及陶兆熊所部由米家溝前進賊隊旌旗
林立溝川皆滿陶軍奮勇直前施連環槍斃賊千餘賊奔潰上原
張在德伏兵齊起四面鞠殺賊折向大和溝茂林督兵由左堵擊
張在德兵追其後正綰軍拒川口又合雷恆劉效忠馬隊張在山
余萬明步隊左右圍擊賊衆大敗屍橫川谷官軍追至紙坊川生
擒一百三十四名誅之官軍陣亡三十名自是平涼城外回逆援
絕大軍直抵城下東南北三面合圍時克忠軍攻長甯驛馬麻嶺
賊巢斬賊
三百餘名

五月鹽官賊踞秦州天水井

賊踞天水井尋渡藉水而北驅高陀後
寨庵溝回民以去西破李家臺殺百餘
人又掠杜丹圍團總姚賓姚際泰率
衆據隘邀擊殺賊多名衆潰死之

甘肅新通志

卷四十七

兵防志 戎事下

六

雷正綰陶茂林克復平涼

是時兩軍圍攻平涼已而月城內食盡攻
愈急賊不能支大開西門向瓦亭奔竄官
軍追殺遂復其城次日進逼瓦亭驛路稍通當平涼未復時靖遠
李俊堡回目張保隆投誠又以計取鹽固二城生擒叛目花萬六
等八名搜獲
印信十顆

蓮花城賊掠秦安魏家店北鄉團總丁慶說率團截擊於牛家坡力
竭死之

陝回屯通渭吉川秦州通渭各團擊之敗績賊遂攻牛家坡堡團總

苟奉祖禦卻之

陝回屯吉川秦通民團千餘人次於金城鎮北山鐵
櫃團前驅迎戰於老君廟後援不至賊分騎截擊團
遂大奔入牛家坡堡次日賊圍攻諸堡
團總苟奉祖選壯丁發礮擊之賊始退

前徽縣知縣趙必達率勇援河州與賊戰於白塔寺川敗績半箇川

團勇禦之陣亡甚衆

趙必達募川勇由皋蘭半箇川進援河州與賊
戰於白塔寺川敗績部勇潰散略盡半箇川團

勇禦賊於噠叶呼囉陣亡五百餘人賊乘勝攻破西南山二十四莊屠戮甚慘

雷正綰遣曹克忠率師擊張家川賊

正綰遣曹克忠率師至馬鹿坡張家川隴城賊數千合攻其營

官軍分隊迎擊敗之於橋西山頂斬首五百餘級正綰茂林之師繼至

鞏昌西鄉團總李耀榮率眾襲殺鞏昌城回餘賊奔寫溝

時因回亂四起各堡

所練民團多散漫無紀律李耀榮以隴西武生為西鄉團總獨能整練其眾鞏回惡之揚言耀榮招集無賴其心叵測知府斌某即令隴西縣黃國錦率城關漢回各團千餘名前往彈壓鞏昌營遊擊周勝恐激變亦率營兵隨往行至二十里鋪回團逸入麥田殺二農夫周勝見回團不遵約束即商於國錦收隊入城屍主鳴冤府縣不能究耀榮集團至城下晝則息鼓偃旗夜則號火燭天人莫知其數是夜耀榮團眾在城中者暗開南門納耀榮入斫北門出盡北關所有之回而殺之逃逸者五六百人於是官紳設籌防局請留赴省川勇二百名守城未幾逃回結黨焚殺東川一帶盡成焦土周勝率營兵同川勇出戰不勝賊越宿乃西去

六月雷正綰同曹克忠軍勦賊於窟托坪大破之

甘肅新通志

卷四十七

兵防志

戎事

七

蓮花城賊犯秦安縣城擊卻之團首高升李潔柴錫壬等追賊皆戰

死

賊擾秦安已而月歷攻遂家堡何家坪宋家河灣破魏家店而北鄉伏家川楊家坪田家山魏家店胡家原太平堡壯猷堡朱家坪

等處民團迭與賊戰周元盛等皆戰歿

洮州西南鄉團勦賊於昌馬溝敗績

傷亡七百人

鞏秦階道林之望遣遊擊文相奎等率川黔勇駐鞏昌知府趙桂芳

統兵駐北關

遊擊文相奎鄒占先等率川黔勇一千五百名至鞏昌駐守時趙桂芳來理府事統忠義五營號黑頭勇駐北

關先是都司潘祿於元年張家川回逆蠢動時奉檄率狄道民勇五百人赴勦及托克清阿陣亡退防秦州與統帶黔勇張華相關為張華所殺其勇逃逸者悉入忠義營至是來鞏視黔勇如仇因沽酒起釁各出隊械鬪黔勇被殺過半已而趙桂芳接篆聞城部勇又尋前隙殺川勇大半鄒占先呼殘勇擁上威遠樓與桂芳尋衅遊擊周勝為之排解始息

秋七月賊至鞏昌南鄉團勇擊之敗歿

賊分掠南鄉城中團勇黑勇及營兵均出隊探勦團勇至

小西路段家峴前鋒接戰後隊忽亂比黑勇接應民團已覆歿黑勇乃退入城次日賊退去

八月雷正綰攻張家川賊巢克之

雷正綰攻破瓦亭進規張家川賊率馬步萬餘迎戰敗走退入木城

官軍蕩平各小壘焚燬木城進攻土城槍礮齊發火及藥庫轟擊逆黨無數賊驚潰由西門奔竄龍山鎮官軍前後夾擊斬首五六千生擒二百三十一名奪獲軍械牲畜無算

雷正綰攻克龍山鎮賊竄蓮花城

陝回復陷固原城

陝回孫義寶率賊四五千暗逼固原西門蜂擁梯登城中回黨赫明堂開東門應之賊眾遂入固原

復陷

雷正綰攻蓮花城敗績

正綰督諸軍進攻蓮花城深入賊境伏發正綰受矛傷猶裹創力戰賊至益眾軍遂敗績

陣亡官軍千餘事 聞詔將軍穆圖善迅率所部赴援助剿

賊陷渭源縣城

狄河回逆至渭源境分為二股其一先抵賊東南以甘言愚居民其一潛由西北魚貫而登城城遂陷知

甘肅新通志

卷四十七

兵防志 戎事下

六

縣張大溶訓導劉榮基典史竇樹槐俱殉難

河州賊破洮州圍城寺

九月蓮花城賊潛襲龍山鎮官軍圍剿之斬獲甚眾

先是蓮花城賊驟勝而驕日分

悍黨撲官軍營陶茂林營尤近敵堅壁不動俟其力懈出精銳擊之連日殺賊千餘名時正綰傷已稍平回逆分馬步繞越旁面兩山直窺後路正綰偽令扶昇出營周視合諸軍外示以弱而嚴陣以待俟賊將近合縣丞雷聲遠設伏夾擊賊驚潰擒斬甚眾數戰之後軍氣益壯遂滾營前進逼城數里列營至是賊分股由白羊山繞數十里外撲龍山鎮軍營官軍四面圍截賊拚命衝突官軍圍剿陣斬無算當固原復陷之時正綰料賊必襲平涇豫由平涼十營內抽調參將馬天祥駐涇州北原之合道街又由行營抽派譚玉龍袁朝貴劉勝元等三營馳回涇州固原之賊果至平涼賊萬餘踞黨原圍合道街營譚玉龍等用奇設伏殺賊八百餘名生擒四十名奪獲馬匹甚多賊竄鎮原縣

鹽官賊攻禮縣城知縣何冠梧擊走之遂奔通渭焚掠西關而去

雷正縮克復蓮花城

曹克忠率所部至蓮花城連戰皆捷正縮同曹陶二軍攻破蓮花城殺賊二千餘敗賊入北山

分股赴秦州與鹽官賊合踞王家磨渡藉水焚泰山廟民團出擊之賊自北嶺遁

鹽官賊犯徽縣團勇擊走之

賊掠徽縣屬之栗亭索羅鋪長峪鋪伏家鎮銀杏鋪團勇禦之賊敗走尋犯東

南關脅索城回不與發巨礮擊走之

曹克忠軍至秦州盡殲鹽官賊

克忠率所部七營先至秦州營城南天井時鹽官賊踞甘泉寺鎮四出

殺掠林之望遣遊擊縑連魁率勁勇二百為鄉導克忠遣參將龔良臣雷長庚等夜趨甘泉賊方酣睡良臣等督兵奮擊逆賊二千

餘殲焉克忠遂駐兵秦州以待大軍

狄河賊襲陷金縣城

賊數千騎夜襲金縣城陷之知縣蔡同把總牛文海經制彭維邦俱巷戰死士庶死者萬餘

冬十月通渭縣石溝賊焚掠白宋莊據瓦石灣

賊陷河州城

自趙必達失利河州援絕糧盡人相食至是城陷眾猶力戰死者逾萬官吏將弁俱殉難惟總兵丁希鳳知州

甘肅新通志

卷四十七

兵防志 戎事下

充

毓祥都司馬映宗乘閒逸去

賊焚通渭中林山營弁胡海率黔勇追擊於羅家峽軍功楊福元從

右峽夾攻賊大敗

蓮花城賊犯通渭團勇擊之敗績

賊至中林山王國祥等率團勇往擊於陳袁家山賊設伏突衝敗績

黔勇繼之亦敗賊追至青土莊適陶茂林前軍至賊始遁陣亡民勇三十六人次日陶軍至通渭分駐東西川時寺子川義剛川石

溝等處賊聞風北竄茂林遣數百騎追至鋪路鎮賊遁

十一月曹克忠軍壁天水鎮

克忠進壁天水鎮林之望率都司張玉春文相奎繼進鹽官賊五六千自南北

山趨攻大營克忠迎擊陣斬百餘人追至高樓莊官軍佯退突轉擊殺二百餘名

曹克忠破賊羅家堡追至高樓莊而還

克忠進軍羅家堡築壘未就馬步賊六千餘三路來攻克

忠分軍截擊潛遣勁勇二營從山後繞出林之望亦遣張玉春文相奎由間道上北山夾擊克忠督隊力戰賊尤悍鬪不少退俄而

山後勁勇自嶺右轉出乘高馳下賊始大潰追至高樓莊而還按鹽官地勢平坦倚大小何家莊爲要隘二莊尤恃山上之毛峪墩河壩之高樓莊以爲固

官軍攻拔何家二莊鹽官賊巢餘巢皆下時夜四鼓克忠軍自南北二山繞出高樓莊之前林

之望以黔勇三營繼其後黎明齊集鹽官鎮及大小何家莊賊萬餘來援戰逾時官軍益厲殺賊數百人賊敗奔分軍截追殿後悍賊千餘被追折入莊內大兵四面合圍分攻大小何家莊皆拔之時鹽官賊空巢宵遁克忠入其城分兵徇高家莊鄭家磨新城惠家莊毛家莊虎家莊蘇家城祁山堡各逆巢皆下初克忠至天水贍不久將棄巢西遁必道永平峽其地水迴山險若分兵出北道預伏千人可盡殲也克忠躡之而不果用至是鹽官賊果道永平寨民憑高一呼賊大驚擾自相踐踏墮崖死者數百人

曹克忠攻拔高樓莊誅逆酋張滿拉等大軍自合圍後日豎雲梯仰攻皆被賊擊墜裨將龔良臣

以下受重傷者十餘人乃命添修木城又起礮臺於莊西施放連珠槍日夜攻擊自臺下掘地道納火藥於莊垣下至是地雷發垣

甘肅新通志 卷四十七 兵防志 戎事下 三

崩十餘丈克忠親督諸軍挺矛衝煙而進賊猶拚死血戰日中始盡殲焉逆酋張滿拉自縊死何潮高老九何蛟馬三暨滿拉二子皆斬梟示伏匿之賊亦搜斬無遺逆首武舉蘇來東自克忠抵天水後即出降汪士鏞高樓既破士鏞挾以歸林之望斬之克忠留一營守秦州統眾北還之望亦率軍赴階州按是年賊據秦州西南鄉自楊家市至橫河鎮破堡三十餘所人民死傷無算

十二月陝回楊文治馬士彥等自金積堡竄擾紅水分縣境

雷正綰遣提督劉正高等進規固原城是時正綰回軍平涼令提督劉正高總兵胡大貴譚玉龍

等各率所部由瓦亭節節進攻至固原屬之開城斬獲甚眾平逆壘十九座

曹克忠攻拔高家堡賊竄走遣將追之克忠攻克高家堡又敗賊於楊家山陣斬五六千人生擒

三百餘人其竄走平涼者雷正綰督兵晝夜追之敗之花鎮所竄走華亭者遣魏得春陳尙文率馬隊追之敗之華亭遂竄入靈臺境得春等猶尾追之

賊襲靈臺縣城知縣祝賓賜死之賊走涇州余萬明盡殲之於黨原

賊之竄靈臺也日夜狂奔官軍誑入城知縣祝賓賜巷戰死比魏得春追兵至賊將飽掠颺去急擊之斬首過半餘賊奔涇州思由荔家堡西竄余萬明要於黨原盡殲之

雷正綰還開城

正綰還開城議合曹克忠攻硝河城以所部攻張義堡二堡為回逆眷屬所居攻其必救可乘間復固

原也時前陝撫張集馨率三營赴甘會辦軍務行至隆靜乏糧雷正綰因奏留行營並調洮州土司番兵千人助勦

賊犯鞏昌狄道舉人張椿齡率靖逆勇追擊戰歿

初賊陷狄道齡全家死難誓圖報復

旋奉雷正綰檄募狄河難民數百號靖逆營以胡子芹王生成為哨弁敗賊鞏昌西二十里鋪明日與于芹等分道進攻次紅崖山與賊遇又敗之于芹等因失期不至戰歿

河州賊掠通渭榜羅鎮進薄党家堡

丑乙四年春正月開城潰賊竄入張家川焚掠而去

雷正綰遣兵攻張義堡賊平之

正綰合提督沈懋貴由六盤山取張義堡提督譚玉龍劉正高各率所部

甘肅新通志

卷四十七

兵防志 戎事下

三

攻固原懋貴軍威甚壯直抵張義堡賊棄堡遁遂平其老巢及回莊十餘處殺賊二千餘時曹克忠亦擣平硝河城附近高家堡紅城子等同巢斬賊百餘名降千餘人於是隆靜一帶稍靖遂進取固原

二月雷正綰克復固原城

正綰督諸軍滾營直抵西南城張保隆率降回助戰時陝回孫義寶率眾固守官軍

晝夜環擊賊五六千突出迎戰官軍縱橫盪決獲偽元帥馬得力賊大敗追至城下擒殺八九百名獲馬六十餘匹土回潛降內應正綰督軍由西南角登城合胡大貴饒得勝等攻其東沈懋貴余尚高攻其西城上礮石如雨譚玉龍劉正高督軍冒石矢殲升土回開城納官軍逆首孫義寶率騎賊三四千向黑城子遁官軍追殺千餘獲軍械無算搜出固原地方官印三顆於是固原再復

曹克忠拔硝河城

克忠軍赴馬家嘴與賊戰擒斬甚多遂平新店子唐家莊廉家莊等處賊巢進至將臺堡遇陝騎賊

追勦三十餘里斬悍賊三百餘名生擒四十三名掃除張家嘴隆德堡賊巢進駐隆德堡硝河城回將乞撫陝回聞而攻之克忠分兵進勦陝回遁追殺五六十里斬賊六百餘名賊走夏家堡伴敗以誘之又斬三百餘名仍移營隆德堡硝河城回詣營乞降時張集馨胡大貴等率所部由靜甯州前進疏通省城驛路攻克青家驛由威戎鎮直至洛門沿途殲賊殆盡通渭甯遠會甯隴西境俱

無賊蹤提督周顯承總兵劉效忠等勦竄賊甯州鎮原正甯境內
屢獲捷旣而聞鞏昌府城有賊竄擾乃咨集馨折回會甯防禦時
茂林收復金縣進勦靖遠賊連戰皆捷又合
茂林軍駐安會之間以資控制兼顧省城

陝回犯通渭榜羅鎮

大河灘生員焦銳暨同族三十餘人皆戰死

肅州回叛據州城

先是隴右回變河西漢回猜疑日甚三年二月古浪縣之大靖堡民團夜屠回且盡於是古浪永昌

山丹甘州繼之其幸脫者東走甯夏金積堡南走西甯之大通本年正月涼州東關回叛城回馬忠應之至是肅州南山獵回先叛陷嘉峪關巡檢張開喜死之有告肅回將叛者安肅道恆齡總兵陳某密謀召囚鄉團勇層回已訂期矣知州陳墉謂叛無實據請藉他事出城覘之回眾置酒擁留假藉輿蓋旗燈扣門而入鎮標兵城回皆從賊鄉團見城中火起各鳥獸散總兵陳某踰城走恆齡與前任總兵德祥遊擊尤光祖英蘭巴克興布守備夏承恩都司姜夢蘭烏為珍王子莊州同嚴逢禱皆戰死前安西直隸州李顯學正邢紹祖前任玉門縣于銓俱殉難銓妻劉氏罄貲募勇為夫復仇請銓故友李毓華千總張大倫率兵四百與賊戰均中礮陣亡十民遇害者萬餘賊招嘉峪關獵匪馬文祿等與之合據州城為巢四出焚掠河西幾無完土

甘肅新通志

卷四十七

兵防志 戎事下

三

三月雷正縮張集馨攻黑城子克之

正縮督諸軍埽盪黑城子附近及大北山廠一帶賊壘十餘處

曹克忠所部亦平鎮祺營黃羊坪各賊巢逆眾退入黑城子鹽茶老巢眾逾二萬時張集馨亦率軍自會甯至遂進圍黑城子賊出巢迎拒官軍及降回馬保澂等馬隊奮擊賊漸卻大軍乘之殺騎賊三百餘追至城下賊不及入向北狂竄追殺二十餘里而還城中賊詐言乞撫官軍四面環攻東草填壕而進張集馨所部擲火彈焚西門賊卡豎梯蟻附而登周顯承等由東門入劉正高等自南門入殺賊八百名餘賊出北門竄同心城等處又追殺千餘擒賊目百餘獲牲畜器械無數

曹克忠攻拔鹽茶廳城

克忠進攻鹽茶絲南山行回逆李得倉等率馬隊環擊斬首三百餘追至城下合圍數日援賊三千從鹿溝來襲官軍擊之大敗而遁克忠分兵三路攻城賊發礮石如雨官軍

突焚南門而入逆回死拒守備周文貴千總陳光明把總余永盛軍功丁東生周永貴先後陣亡克忠怒自率王得勝等衝煙而進賊潰自相踐踏搜誅幾盡遂復廳城餘賊遁走又追敗之

西甯賊圍府城

時西甯回攻陷大通縣圍逼府城辦事大臣玉通奏聞詔責其議撫散團漫無準備合楊岳斌撤道員

蔣凝學
進勦

陶茂林軍譁潰

運道不通茂林軍因飢譁潰及勦安定賊失利潰者益眾時雷正綰破黑城子李旺堡曹克忠克同心城

獲糧均無幾軍士每有飢潰之虞

夏四月賊犯通渭隴陽鎮官軍敗績

五月岷州賊竄踞甯遠新市鎮林之望遣勇目張魁率兵防堵

初鹽官既

克餘賊大半入岷州至是竄踞甯遠新市鎮擾及縣西而張家川蓮花城餘孽流竄北山者亦時往來甯伏二境閒甯遠飛書告急林之望遣張魁率親兵百名赴甯遠助防

陝回陷皋蘭紅水堡北山紅圈回應之閏五月團勇敗於水阜河總

兵鶴齡往援破其巢

陝回攻陷紅水堡士民殉難者二千一百四十餘人北山紅圈回叛應之似蘭溝團勇禦於水

阜河敗死甚眾適川北鎮總兵鶴齡率四川兵千五百人往援大破之毀其巢餘賊竄附陝回

甘肅新通志

卷四十七

兵防志 戎事下

三

賊犯丹噶爾廳把總李長春戰歿

是時大會花寺兩教回匪合謀攻城並陷李大莊拉拉石崖三條溝

各莊把總李長春禦之陣亡城鄉團勇合力奮擊賊遂敗走從此時來擾掠防禦鮮暇

甯夏賊掠花馬池

賊掠花馬池等處遊騎仍出竄環慶開村鎮時被焚掠魏添應軍駐環縣曲子鎮及慶陽府西川一

帶閉壘自守任賊飽掠而去府城戒嚴民間有魏虎通賊之謠

曹克忠進兵甯安堡雷正綰攻拔預望城下馬關

先是金積堡逆回分股竄擾中衛之

石空寺勝金關等處攻提督梁生嶽軍克忠乃擬進駐中衛之甯安堡爲援時雷正綰將攻甯靈飛咨慶陽糧臺臬司楊能格令魏添應一軍由環縣紅德城紀家原趨鐵邊城防勦東路自督各軍進攻預望城俟各路糧運稍集進兵甯靈會同都興阿分途勦賊及正綰攻克預望城下馬關克忠亦平毀螺山麻砭塔大小賊壘殲賊三千有奇退駐甯安堡聲言渡河援中衛寶乃直趨金積堡賊聞風遁中衛之圍亦解遂由白馬寺滾泉一帶進抵強家沙窩正綰由下馬關進駐滾泉

六月雷正綰等進攻甯夏金積堡敗績

正綰與曹克忠由強家沙窩會勦連獲大捷殺賊二千餘

其地距金積堡僅十五里賊壘林立黃渠水鹹苦飢軍飲之立泄道殫相望初猶茹青草繼則草根亦盡賊知官軍乏食率逆黨二三萬連日撲營又以萬餘截運道克忠激厲將士相持半月計惟破賊巢或可因糧以濟飢適魏添應所部四營由東路至屢破賊卡三斬賊千餘連日進勦破賊卡傷亡略與賊等而獲糧仍無多士氣益餒初七日昧爽克忠正綰總兵劉玉昌等擊破賊卡五直撲老巢賊伏馬隊二萬從後十里外抄來金積堡賊馬隊全出官軍腹背受敵鏖戰三時大敗陣亡弁勇三四千名失軍火器械無算是日克忠攻克強家沙窩賊巢及高章三堡殺賊七百名正進攻間忽塵埃蔽天雷軍敗勇來奔乃急收軍賊乘之傷亡弁勇數百名營官易定發周有貴秦久勝朱有文董逢春保朋等均陣亡乃退舍二十里事 聞雷正綰曹克忠均以戰功素著免議責後效時將軍都興阿由花馬池進勦亦失利張鵬飛中矛死李新明戴得勝張連陞等陷陣力戰皆陣亡都興阿退屯花馬池正綰退屯固原 按雷軍屢勝後各攜眷置韋州遷延多日始至營繼以糧運不至遂致挫敗

總督楊岳斌率楚軍涖省撤宣威軍調督標兵登陴防守

河州逆回攻破洮州着遜堡及水磨川堡 賊破着遜等堡殺土司楊繡春貢生楊登名居民四

甘肅新通志 卷四十七 兵防志 戎事下 十四

百餘人崔永祿何建威率黑頭勇來援賊遁走時鐵殍載道饋饌不繼崔永祿等搜羅軍食攻堡寨毀室廬不可勝計沿河居民有

賊梳兵 篋之苦

賊犯甯遠張魁率兵擊卻之 賊由廣吳坡至城下勇目張魁率眾戰於紅石觜賊敗走渭北與北山賊合趨

伏羌境時安定自陶軍潰後待援孔急 詔成祿抵甘督同鶴齡取道安定先解城圍再移師進勦肅州

秋七月雷正綰復由固原進兵趨甯夏 正綰整軍復由固原轉戰而前屢獲捷回逆數請降未許

時楊岳斌勦平番縣屬大松山既訖知岳斌旋省復屠掠而南 軍至竄踞平番縣屬大松山既訖知岳斌旋省復屠掠而南

狄河賊復犯甯遠縣 賊復由鞏昌窺甯遠林之望遣遊擊縱連魁率勁勇五百馳往渭北賊踞城北狄河賊踞城西

連魁據紅石觜擊城西賊破之城北賊亦遁度廣吳城南去與新市賊遙應踰月渭北賊復圍甯遠守備縱連登戰卻之賊趨洛門

竄伏羌至秦州關子鎮折回襲洛門破之堡客民楊麻巷戰死焚掠過半遂入大南峪時馬營監義崗川等處賊復竄張家川甯州

賊圍鞏昌府城 賊二萬餘人至鞏昌北抵馬營通渭東至榜羅洛門南竄新寺漳縣等處破府東二十里三十里鋪河北

文米家門唐家寺殺二萬餘人遂圍府城是時民生危迫外則回逆逼攻內則黑勇搜糧惟忠義右營姬伏信時出擊賊日久乏糧亦不出戰日在城上望炊煙起處攫食幸遊擊周勝嚴密防範未得與賊句結賊每豎梯登城均為守陣兵民擊退之

賊圍甯遠縣城 賊圍甯遠城勢甚危迫官民請援總督楊岳斌奏請救曹克忠撥數營防甯遠其全軍悉赴鞏昌俟南路稍緩再赴中衛勝

金關得 旨報可

雷正綰軍潰降回赫明堂復叛陷固原城 正綰麾下統帶馬隊雷恆因飢煽惑全軍降回赫明堂乘間復叛陷固原城雷恆殺遊擊金占鼇遂與賊合正綰追潰軍至平涼收集十餘營餘奔涇州投譚

王龍時王龍與周顯承赴涇督辦糧運事 聞詔楊岳斌查辦

賊攻甯遠縣城不克遂破洛門堡 南路賊齊集甯遠城緜連魁禦之敗還張魁負重傷勇丁陣亡三十餘人越二日河州賊五千餘踞城南山下瞰攻破附城堡寨時林之望已奉文遣散步勇僅留三營連接甯遠警報急遣張玉春交相奎率兵西進賊日夜急攻掘陷城根丈餘連魁擲篝火發巨礮卻之賊敗走進破洛門堡

甘肅新通志 卷四十七 兵防志 戎事下 三

陶茂林兵變攻通渭碧玉鎮舉人郭建極等戰死 茂林軍安定兵變極以數百人守中堡選壯丁伏山谷叛兵攻堡不下遂去是夜建極鼓譟入其壘縱火焚之叛兵皆裸而逃追殺甚衆至是叛兵五百餘騎至碧玉鎮建極率衆卻之未幾復大至戰於通安堡川建極左脅中彈死

九月陝回馬士彥等復陷紅水堡 陝回陷紅水堡擄千餘人據堡為巢四出劫掠兔窩石腰溝井民禦之死者數百人

金積堡賊焚中衛勝金關 自雷軍潰後金積堡賊焚中衛勝金關肆敗兵先駐鹽茶廳移駐靖遠縣賊勢復熾 詔曹克忠整併數營扼劄勝金關杜賊西竄並 詔責雷正綰立功贖罪

林之望遣張玉春等破賊甯遠隆安堡 張玉春文相奎率所部至洛門破賊隆安堡外遂遣張自魁乘夜間道入甯遠城玉春等督隊繼進黎明至城下賊撤圍西遁一走河州一走新市鎮是月林之望赴省新市賊仍不時出擾

漳岸 各莊

冬十月賊至通渭悠江鋪張雙鉤戰於鳳凰堡力竭死之

曹克忠敗賊漆麻川

克忠率馬步十六營進接鞏昌行抵馬營監進破通渭漆麻川分掠之賊斬首二千餘級所獲

器械甚夥

曹克忠解鞏昌府圍

克忠軍抵鞏昌營壘未就賊突至官軍迎擊敗之黎明伏兵兩路夾擊又佯敗以誘之斬擒百

七十餘名追至官道溝而還獲戰馬四百餘匹器械無算賊乘夜遁入南山知府趙桂芳以所統忠義五營交克忠統領管帶左營

王建不守營規斬之一軍肅然黑勇始畏懼焉

甘涼道黎獻擊肅州賊

獻率兵進剿肅回屢獲勝嗣聞南山回逆謀竄大通合遊擊楊天興率馬步兵五百往禦

賊夜襲之敗績

米拉溝賊劫臨水糧臺

陝回掠蘭州秦王川一條城蔡家河水阜河各村堡

自逆回稔亂西河及東路糧道

甘肅新通志

卷四十七

兵防志

戎事下

美

阻絕省城仰給惟北山一隅是為賊盤踞軍民交困明年遂有綠營之變

十一月楊岳斌遣總兵李助發破賊乾溝驛

總兵李助發率所部行抵會甯偵知大股賊盤

踞乾溝驛夜分三路進騎賊七八百來自河西步賊二千餘伏河東木卡乃合左營吳文瑞攻騎賊右營劉清和前營李青海夾擊

木卡焚之乘勢擒殺數十人賊向北小路敗竄官軍馬步夾擊又敗之由郭城驛而遁

總兵劉祥勝等擊賊於安定李家堡等處

祥勝派兵護送克忠軍裝赴馬營監賊要之韓家埠

參將黃德純迎擊之駐軍紅土窰賊圍之官軍奮擊賊反棄所獲之糧而走追斬百餘人時祥勝率兵往剿賊踞安定李家堡乘夜

出其不意攻之賊敗竄追至紅土窰反為賊大股所圍急突圍而出未至控

河狄賊掠皋蘭東南鄉攻甘草店營壘守備向連城等死之

賊掠皋蘭貢馬

并新營各村堡進攻甘草店分防營壘向連城余華龍中槍死弁勇死者二百餘人賊大掠而去總督楊岳斌因奏調朱蘭桂等援

勦疏略云臣抵甘後因糧饟缺乏原欲就現有兵力以圖進取自陶茂林軍潰於前而兵不足雷正綰勇變於後而兵愈不足是以

不得已而有增兵之請乃周達武因進勦番匪而不克來蕭慶高因防守陝邊而不果來而鮑超則調赴江西矣李鴻章則奏留江南矣蔣凝學則請假回籍矣金國琛則因事留皖一時未能赴任矣鄰省既乏援師而東南各軍之准調赴甘者又復不能應手現在河狄之賊擾於南平固之賊擾於東甯靈之賊擾於北涼肅之賊擾於西幾於勦不勝勦防不勝防臣若株守省城則飢軍終成坐困若出省勦辦則根本時虞動搖外察賊勢內度兵力實屬不敷分撥查記名提督朱蘭桂記名按察使劉連捷勇略兼備素所深知聞現在江西防堵該省兵力有餘相應請旨敕該二員即率所部馳赴甘省以資援勦

鹽官賊導河回犯禮縣知縣聯凱禦之

鹽官賊竄入河州導州賊犯禮縣境擁衆撲城知縣聯凱

禦之轉入四鄉大肆焚掠尋新市甯遠賊入縣北境沿途攻破大行山清林寺圓頂山等堡殺擄無算盤踞縣川聯凱督衆登陴發巨礮遙擊數日賊始去

曹克忠勦賊甯遠新市鎮

克忠解鞏昌圍攻克鴛鴦鎮熟羊寨賊退新市鎮克忠往勦賊又逸向漳縣一帶遂

殲其餘黨數十人副將傅先宗追至漳縣賊聞風復遁先宗緊蹙二十餘里三岔河賊分路來鈔先宗分隊應之斃賊數十人賊退

甘肅新通志

卷四十七

兵防志 戎事下

三

去乘夜西竄甯遠肅清因合張在山六營進駐通渭馬營監彭忠國五營進駐棲烏嶺適通安驛賊由支山峽向馬營北竄張在山出勦曹克忠及提督陳開泰等策應出其不意斬賊五百餘人賊越山而遁遊擊周玉元守備張定謙把總張文俊康學海馬福槐伏義隆等均陣亡又破賊於牛營斬賊三千有奇獲牲畜無算

西甯賊攻碾伯縣東老鴉堡把總張永林及子廷輔戰敗死之

黎獻率師駐肅州尋潰

獻率師駐肅州東北温家莊以十營聚一壘賊懼釋陳墉乞撫納糧饒贖罪獻玩不設備

賊有復叛意軍中間之驚潰械饒盡為賊有自此賊輕官兵益分黨四出劫掠為持久計

五年春正月總督楊岳斌奏請出省督勦

附奏疏 竊甘省回股林立通省沸騰生靈荼

毒之禍愈慘愈深兵勇供饋之需愈繁愈窘賊一日不戢其饑民一日不遂其生即兵事迄無了局此實臣專責而不可以頃刻自逸者也願自抵任數月軍政隳壞潰亂踵興整飭撫綏已需時日而又一制於軍食窘絀一制於省地艱危跬步之間動形掣肘故雖再次出省終因外無援濟內無主持未敢久離重地伏念軍情瞬變未可坐圖將士久疲並須激勵况逆回狡狠百出官軍凍餒

交乘尤非尋常軍務所可比論若不躬親督勦恐難窺賊勢而振軍心籌思再四不得已檄調川北鎮鶴齡帶領所部援甘川兵一千餘衆於上年十二月二十五日到省駐紮以重根本並合署藩司林之望署督標中軍副將記名提督羅宏裕率同在城文武官民及督標各營嚴密防守布置既定準於初八日出省取道鞏昌與提臣曹克忠面商機要次至涇州卽妥安查勘從前收集各營蓋涇軍屢有稟報與固原提臣雷正綰甚爲水火其可否合併之處尙須親自到涇相機辦理一俟部署略周軍糧稍可集事卽行調集兵力隨卽勦辦其出省以後各情形沿途隨時具報再臣親帶關防出省所有本衙門日行尋常各案委藩司林之望代拆代行其要緊事件及各路軍情仍送臣行營隨時辦理

楊岳斌抵鞏昌賊復陷洮州廳城

岳斌至鞏昌適賊又陷洮州乃留提督羅進賢所部馬步三營於鞏

備勦自率提督張在山等赴涇州查辦事件通東南運道

總兵彭楚漢敗陝回於皋蘭縣水阜河

自岳斌出省東行各回四出殺掠總兵彭楚漢以所部擊

賊水阜河殺三百餘人擒十八人奪獲牲畜甚夥

甘肅新志

卷四十七

兵防志 戎事下

三

曹克忠督軍至洮州回目馬芳等乞降遂復其城

克忠旣復洮州誅首逆了重選等遂

移軍還駐鞏昌

二月彭楚漢襲賊棗樹坡擒逆首馬從容等

楚漢聞賊騎千餘擄糧歸伏兵棗樹坡擊殺賊

數十擒逆首馬從容等七人

賊犯通渭縣焚西關及西北諸村

賊自後川鋪直抵城下焚掠西關及西北諸村次日又至楊家川權

家山袁家硤等處搜擄殆盡

提督陳開泰破賊於通渭羅家峽

二月提督成祿總統西路馬步兵屯蘭州黃泥鋪

河州賊犯省城掠西南鄉總兵鶴齡副將張遇春擊卻之

陝回馬士彥因省城

已叛回兵招誘自鎮虜堡驟至河北廟灘見城守甚固陽乞撫禁其衆不得過浮橋聽飢民以衣物易糧川北鎮總兵鶴齡率紳士

顏文綯等往撫士彥聽命猶徘徊不退省城逼濟門回族潛掘城門之士欲啟關迎賊林之望密遣人夜斷浮橋賊乃盡去回兵見陝回受撫退復往句河州賊焚掠堡寨漸逼省城西川破袖川所陳官營翟家營鍾家河諸村堡登泉蘭山焚三台閣俯瞰南園張遇春擊卻之又擾東川鶴齡擊卻之遂破西柳溝柳家灣村堡城中人相食死者不可勝計陝回復由河北上沙溝出與河州賊會語掠沿河各村堡河州賊竄踞城畔海家灘之禮拜寺督標兵同川兵春奎勇出勦賊退屯岡家營使其黨至城下乞撫之望遣紳士顏文綯等往諭之始相率退去是役賊焚掠十餘日戕數千人自袖川以西百餘里俱為灰燼

曹克忠羅進賢敗河州賊於驢馬溝克忠進賢既敗賊進軍直逼華家嶺平大小豹子川毛牛川賊

巢方築營壘賊萬餘來攻克忠進賢南軍內外夾攻大破之賊繞山遁

提督張在山敗慶陽高嶺子馬家河竄賊駐防慶陽張在山勦高嶺子馬家河竄匪敗之又破

於寇家原焚逆壘十四座擒斬甚衆

陝回陷靖遠縣城陝回結靖遠城回為內應攻陷其城靖民逃出者十之一二

甘肅新通志

卷四十七

兵防志 戎事三

完

夏四月陝回陷隆德縣城賊首孫義章崔偉竄隆德城下請知縣宋昌曰孤城難守盍速避昌曰吾乃官也食

國祿而避難不忠城臨危而棄民不義城在官在吾安去乎賊怒圍之及城陷昌與典史王三綱守備余懷恩均殉難前任把總董化必及弟化固巷戰力竭陣亡士民死者千餘時莊浪華亭均被圍勢甚危急又分股擾慶陽西峰鎮焦村欲竄陝境曹克忠飛緘楊岳斌謂逆回逼脅靜甯州確河城等處降回起事今宜姑置蘭州專用兵東北杜平固出竄之路通慶涇饋運之途與陝撫劉蓉意合蓉即以入告旋詔曹克忠進駐省城

西路賊陷涼州鎮兇城把總趙銘戰死

河州賊掠皋蘭東南鄉屠買子堡

布政使林之望遣回紳赴西甯招諭撒拉回回婦馬七氏及回紳馬某等請赴西甯招諭撒

拉爾馬七氏者遊擊馬永泰之妾西甯逆首馬桂元馬本元撒拉爾逆首馬文義皆永泰子姪護總督恩麟嘗遣及往諭至是司道復遣之未幾旋省被賊夜刺死時東路回氛甚熾省城值標兵變後距省六十里金家崖逆回不時竄擾彭楚漢馳勦遇狄道大賊

賊掩其不備斫壘入樊賊數十名遊擊劉南瑞陣亡賊撲車道橫營壘楊明海督副將張定元遊擊屈國香率馬步迎戰移時賊敗官軍追之賊忽回拒槍彈雨注張定元及參將曾國福陣亡楊明海揮隊橫截賊始退而安定會甯之間無日不有戰事曹克忠分撥提督王得勝等軍駐秦安蓮花城陳開泰軍駐通渭黃家窰遇賊東西竄路自駐馬營監將遵旨進省時兵食愈匱謫言囚起司道等密函趣之賊探知分途窺伺並擾及通渭克忠急合傅先宗等赴通渭勦賊於金家店李家寨等處平其四巢餘賊竄官軍力追遇伏先宗勵士率力戰四時殺賊目一賊始退遂還軍通渭克忠乃馳至省以所部兵易標兵守陣

楊岳斌以雷正縮軍防守平慶以張在山軍進勦狄河譚玉明駐防西峰鎮之後

營兵變岳斌誅首惡五人亂乃定通炭山回竄西峯鎮擾及柔遠川張在山以防慶軍進勦失利守備楊正興陣亡慶陽之防日急省城標兵新變又慮狄河回衝突省城岌岌不可終日時甯靈廳回新就撫岳斌以雷正縮所部十七營專顧平慶以張在山軍專勦狄河願省城

五月成祿率軍攻八里橋敗績成祿自臨水攻八里橋賊分隊死戰官兵陣亡千餘人不克而退息兵半

甘肅新通志 卷四十七 兵防志 戎事三 三

月進屯草湖灘以扼賊東竄

賊攻通渭蔡家堡堡民包掌兒戰敗被擒不屈死賊圍攻蔡家堡甚急堡民包掌兒見

勢危屠薪率衆出戰賊已敗伏賊突起衆懼而潰掌兒左右衝擊殺賊無數賊執之不屈而死

六月譚玉龍攻華亭上下關克之玉龍率兵抵隴州時賊盤踞華亭上下兩關聞官軍逼近傾巢而出

方得元直入賊陣手刃數賊中矛死劉厚基奮勇進戰攻克上關乘勝至下關破其巢穴擒斬千餘賊遁尖骨山玉龍遂駐軍下關連日痛勦斃賊數千燬巢十餘處適安肅道蔣凝學奉檄赴秦州行抵華亭賊攻城甚急凝學揮軍進勦賊大敗走時華亭之仙姑山龍眼鎮四條嶺馬峽口高山堡等處賊巢林立蔓延至崇信縣境凝學遂駐華亭乃由陝調軍助勦

蔣凝學雷正縮勦賊張家原被圍失利時慶陽圍急甯州同尤猖獗詔穆圖善率所部赴援

秋七月楊岳斌率師赴通渭勦賊譚玉龍等擊賊於尖骨山一帶適奉檄回陝賊復竄崇信華亭岳斌

見東南軍情喫緊遂復率師赴通渭由蓮花城進勦賊聞肯遁時新授慶陽知府鍾瑛奉檄赴西甯招撫未至變作岳斌檄瑛還行

抵花豹嶺賊追至脅降瑛怒罵賊叢刺死隨員貞慶沈家瑛並僕從俱遇害

八月楊岳斌勦賊張家原等處屢獲大捷華亭防軍尋失利

岳斌督彭忠國

等軍勦賊於張家原鏖戰兩時傅先宗負創王得勝繼進奮衝賊始退追殺十餘里賊屯焦韓店各軍進攻賊潰竄官軍追及張麻鎮殺賊八百餘彭楚漢等勦賊於店子峽斬獲甚多賊分二股一竄華亭一竄隆德靜平之間岳斌合先宗率軍赴通渭攔截隆靜竄逆其華亭一帶踞賊被陝軍扼之於東甘軍雷正綰張在山蔣凝學等扼其北陳德隆扼其西南彭楚漢李助發扼其南王得勝扼其西節節進逼屢獲大捷張在山進抵華亭縣築壘未就賊屢來撲均擊敗之助發楚漢等夜襲賊於黃崖堡劉家店王得勝攻白岩河賊巢破四十餘壘殲賊千餘千總林富順都司田子貴把總陳得勝陣亡連日賊犯華亭在山禦之皆捷賊宵遁張在山星夜追擊糧盡遇伏大敗總兵杜連升張得勝副將范清元遊擊魏金明俱戰死弁勇陣亡三百餘名

賊陷鞏昌府城傅先宗擊走之

知府斌某素撫回厚於漢回民沙文炳等請懲亂首馬貴等以弭變斌執

不可及回叛端已發團總李耀榮率眾勦殺之餘奔狄河斌大怒收耀榮於獄狄河回攻城始釋之而團已解散新任知府王錫齡

甘肅新通志

卷四十七

兵防志 戎事下

三

率民固守賊夜緣城而登城遂陷遊擊江成萬越城赴傅先宗營求援王錫齡自刎知縣孟鍾瀛率民千餘人登鼓樓與賊相持六日先宗援兵至賊敗西竄成萬擒逆首馬彰善等誅之鍾瀛見援兵至歎曰爾等得生矣吾目覩生靈慘死肝腸寸斷言已氣絕訓導武濂典史雷生春俱殉焉郡城雖復士民死者已數萬人

賊掠清水縣樊家莊陷二堡

九月鹽官賊遁入秦州

楊岳斌率師由通渭旋省

岳斌合陳德隆守鞏昌張在山劉效忠馬步各營防勦涇慶彭楚漢李助發扼隆德

杜賊西奔王得勝傅先宗堵勦北路而自率兵由通渭旋省

沈大興勦慶陽洪河川賊失利

大興兵敗糧絕為賊所乘機變譚玉龍撫定之

慶甯賊竄固原彭楚漢等進勦賊退乞撫

慶陽甯州回氛復熾李得倉一股分竄固原彭楚漢

等進勦賊退至靜甯州乞撫

涼州鎮總兵楊占鼇等勦西路賊賊退踞鎮虜堡

西路逆回馬瑞興楊文治等分股往

來平番古浪之間楊占鼇及統領仁字營王仁和迭勒之梅開泰亦渡河西向賊退踞鎮虜堡

冬十月蔣凝學率安字四營至省城

陝賊陷寬溝堡洪水縣丞沈招祿死之單墩堡團來援賊棄堡遁

洪河川賊陷平涼府城提督周顯承雷正綰軍復之

洪河川賊二千餘竄至平涼時

郡城當再陷之餘戶口寥落遊擊劉玉昌率兵守城勢不支賊破北門入城復陷駐防涇州周顯承率所部會雷正綰軍進復郡城

賊敗西竄

洮州回員丁永安叛陷廳城殺都司雷興隆執副將馮光明教授劉

升嶽不屈死

回員都司丁永安率回民叛副將周潮旺適由岷州統兵至賊夜襲官軍潮旺擊走之喇嘛川等處賊猝至官

軍腹背受敵陣亡勇丁百餘人丁永安乘勢入城戕舊城都司雷興隆脅洮岷副將馮光明洮州教授劉升嶽迫降不屈皆死漢民

甘肅新通志

卷四十七

兵防志 戎事下

三

死者百餘戶於是洮州新舊兩城及太平寨汪家窩喇嘛川等處賊巢毗連狄河賊亦往助逆同知熊其光避居卓泥以圖苟免

十一月西甯賊掠高臺各堡寨

狄河賊掠皋蘭縣西南鄉

十二月賊陷毛目城縣丞巴哈布等死之

回犯毛目雙樹屯縣丞巴哈布調鄉團追之賊渡河

去哈布至署勞民團而遣之賊聞團散復至哈布被執不屈死前署高臺營都司吳樹把總徐進魁外委嘉謨等均殉難

狄河賊復掠皋蘭縣西川至七里河提督羅進賢禦之戰歿

陝賊據董志原

賊據董志原號十八營其酋最著者馬正和崔偉白彥虎禹得彥余彥祿虎元帥陳林等星羅棋布北至

驛馬關南至甯州邱家寨西至蕭鎮東至西華池延袤三四百里北通金積堡以為聲援

周顯承援慶陽遇伏戰歿

先是雷正綰遣雷聲遠分防驛馬關賊至棄關而遁郡城戒嚴知府支昭辰以防兵

不足恃督紳民登陴防守馬正和等率步騎五六萬圍城月餘周顯承由甯州進勦中途遇伏陣亡雷正綰張在山移軍泰昌鎮僅

保甯州陝撫喬松年乃奏請穆圖善先援慶陽

丁卯六年春正月曹克忠軍復靖遠縣城

初靖遠城陷紳士呂蕙范萬選各捐金三千濟曹克忠軍

饒請留部將金麟圖恢復至是城始復

賊至通渭蔡家鎮東鄉十八堡民團禦之敗績

楊岳斌奏請鮑超入陝防禦

岳斌慮回捻向結請左宗棠已奉總督陝甘之

命奏進兵

甘肅必先清陝西之賊駐兵蘭州必先清各路之賊詔加左宗棠欽差大臣督辦陝甘軍務並合率所部先駐西安以劉典幫辦軍務時雷正綰被圍泰昌鎮已而月驟馬宰食幾盡賊聚愈眾正綰會同張在山軍力破重圍而出賊俱奔慶陽正綰屢請濟師

二月鹽官竄賊犯秦州官軍禦之遁

賊入秦州西鄭旗寨自三十里鋪將趨州城防軍禦諸平潤溝

口賊焚三十里鋪自普岔峪入鄧家門西去

西甯賊犯貴德廳城同知承順戰死

西甯同馬文義潛引陝回七八千犯貴德同知承順督團出戰

甘肅新通志

卷四十七

兵防志 戎事下

三

敗死訓導楊永平聞順戰死召漢番五百餘人謀復仇未逾月馬文義復率撤拉回三四千抵城下城回開門納之賊至學署永平罵賊不屈死妻子俱被害承順之全家亦殉士民殉者八九千人

慶陽賊東竄

穆圖善將由中衛赴慶陽適賊東竄乃不果行時北路賊雖安撫而包藏禍心不繳馬械鎮番縣數被圍知縣

余宗祺遊擊陶世貴率兵勇鄉團固守幸未失陷

賊陷通渭花亭堡稠泥營党家堡黑峰堡層奇峰義鎮等堡

三月賊破通渭熱河石峽花蘭寺等堡

西鄉十餘堡皆陷殺傷萬餘人

夏四月賊陷安定縣城

先是賊萬餘攻安定知縣多齡與教諭藍毓青守備秦兆祥率兵民固守時李助發統勇

十二營駐西門外因乏糧作壁上觀及是賊乘夜登城多齡藍毓青秦兆祥及把總孫光英經制李含春皆戰死士民死者六千餘人李助發避走北山弁勇四散

河州賊犯秦州夕陽川饒得勝尾擊之敗死

賊掠夕陽川時防軍屯州西四十里圓靜山斂

兵自固欲賊過壘而斷其尾及賊前隊已過饒得勝率軍鳴鼓趨之賊後隊繼至前隊忽轉而夾擊各軍先遁饒軍戰敗得勝馬陷被殺越二日防軍皆退屯州城外

五月賊破洮州磨溝堡

先是狄河黑勇弁目何建威破洮州占旗堡殺紳民幾盡民恨之時有召回逐勇之謠回乘機據磨溝堡提督范銘收潰勇敗走之遂竄河州

六月西甯威遠營經制李明強擊賊不克自殺

西甯逆回馬桂沅攝

擾掠陽令李明強出戰明強以眾寡不敵遂自刎而死

以甯夏將軍穆圖善署理陝甘總督

總督楊岳斌先以病乞歸至是聞左宗棠將至乞歸益力 詔

甯夏將軍穆圖善署督篆時省城人苦乏食穆圖善函致阿拉善王合進邊蒙古運糧至省城河北與軍民交易民食乃濟

河州賊掠通渭安遠義岡金城等鎮堡

秋七月賊陷通渭大寺峴諸堡

甘肅新通志

卷四十七

兵防志 戎事下

四

八月河州賊襲蘭州省城

先穆圖善遣紳士曹熙等赴河州招撫賊

攻果園候家峪等處至省東川聲言投誠穆圖善率輕騎數十前往收撫中伏奔還知縣黃祖幹參將常泰都司呂松堯等俱戰歿賊騎蜂擁來追泉蘭山步賊亦大呼馳下東南兩圍團勇俱潰居民被戕者二百餘穆圖善飛檄調總兵彭文林軍於河口調河鎮營勇於連城並募督標舊兵二百人助守賊焚五泉山寺及東南圍民居殆盡賊旗隊於大教場夜攻廣武門練堞而登守陣士民擊退之焚掠上溝登龍尾山瞰西關城彭文林以五百兵出勦奮勇先登後隊無繼遂歿於陣敗勇退至山之第一墩守墩兵開礮斃賊一人賊稍卻河鎮營勇至河北甫渡五十人營官康達率以赴援既登山有紅衣賊目舞雙刀驟馬衝鋒達立斬之羣賊奪氣乃退尋掠水車圍河鎮勇邀之殺數十人賊退據東川及五泉山河鎮勇夜襲賊營比至賊已遁遂搜誅海家灘拱蘭門外土回之附賊者而安肅道蔣凝學所部安字營勇乘間大掠東南圍

賊圍甯州雷正綰擊退之

賊攻甯州西南關雷正綰率軍迎擊互有殺傷遂駐軍棗社鎮次日伏兵城東正綰

督軍進戰佯敗誘至清華堡賊聞礮聲回奔官軍追至城東伏出夾擊大破之城圍遂解張在山一軍亦連破賊於羅漢洞毛家堡

等處

賊掠秦安曹家灣

九月賊掠徽縣伏家鎮

冬十月河州賊擾秦安河西川王得勝擊走之

時張在山亦燬蒲川河賊壘

狄河賊犯通渭金城鎮官軍敗績遂陷紅土大莊陽崖等堡

賊陷正甯縣城知縣黃紹薪逃雷正綰復之

正甯城陷知縣黃紹薪棄城逃訓導李蓮峰團

首于騰輝皆血戰死典史彭覺全家殉難殺土民三四千時雷正綰駐軍棗社鎮進軍克復縣城

十一月雷正綰率軍勦慶陽賊

正綰駐軍甯州棗社鎮連日攻破曹家堡石城子平子鎮清華堡秦家堡

安定堡武漢原各賊卡乘夜襲上川運糧賊敗走一西竄一奔回襄樂堡乘勝進圍克之次日援賊大至設伏敗之方村時方村至

盤客原賊萬餘遣總兵孟德玉擊降之

甘肅新通志

卷四十七

兵防志 戎事下

三

賊犯禮縣境知縣陳秉文禦之賊遂西陷青崖等堡

戊辰七年春正月穆圖善督兵征狄道賊

二月賊掠秦州王家北山焚三十里鋪

賊犯永昌縣城副將常守仁等擊之賊敗遁守備買潤德戰死永昌賊乘

雪夜登城副將常守仁率兵由東城前任副將蔣先晉知縣張秉田由南城前後夾攻賊始遁守備買潤德戰死

賊犯丹噶爾廳城

賊夜上北城殺經制一名勇丁四名營勇奮擊殺賊數十名比曉逸去

三月道員黃鼎與賊戰於涇州五雲驛縣丞楊作舟陣亡

賊酋馬正和陷慶陽府城

時郡城乏糧賊冒勇丁運糧進城招外賊五鼓登城訓導王均拔貢張鳳翼糾集百

餘人巷戰死典史李遇春參將沈大興都司趙金標千總陳鳳鳴俱殉難知縣郭雄藩棄城遁

賊陷甯州城學正馬孫選死之

穆圖善克復狄道州城大破河州援賊於洮河西岸

先是穆圖善檄傅先宗等軍由

東峪溝進梅開泰等軍由中鋪進范銘軍由官堡進穆圖善由金縣進至是克復州城北莊悍賊千餘死拒傅先宗等一鼓而克燬其寺牟佛提請降許之以馬六馬八馬九為質河州援賊萬餘猶據橋頭大軍迎擊殺賊數千又破於河西坪進營洮西

賊陷徽縣紅渠鋪火鑽鋪伏家鎮等堡

賊犯通渭黑燕山堡

鹽官竄賊糾張家川關子鎮餘黨攻禮縣馬騎賽堡不克而退

夏四月賊圍涇州黃鼎援之賊敗走

時黃鼎駐軍密店冒雨往援賊敗走鼎率兵追至下河川賊梟

水遁溺斃者甚衆州圍遂解

河州賊掠通渭榜羅鎮陝賊北侵琵琶堡宋茂頂戰死

時官軍由碧玉關進勦南

路各團併力助戰賊乃奔官軍追至孟家灣為伏賊所敗民勇死者數百人副將田得勝遊擊祝鳳鳴等皆戰死賊遂圍隴陽鎮入

甘肅新通志

卷四十七

兵防志 戎事下

三六

渭陽堡至馬營戰於魏家長川馬坪川趙跟九等陣亡尋至常家河馬家店大肆焚掠

賊陷合水縣城

賊自六年圍城知縣楊炳華率兵民固守至是糧盡援絕城陷炳華躍入烈燄死僕李二殉焉士庶殉者

三千餘人

西甯賊酋馬文義大舉寇丹噶爾廳團勇破賊於申中灘生擒賊首

哈五爾

馬文義聚衆二萬由南北分道入寇南鄉各團迎擊破賊董家腦斬賊數百追至賊巢而還北路賊踞申中羣科灘一帶

掠扎藏寺大路莊廟爾溝下府等村莊勢甚猖獗北鄉團勇進擊相持五六日團勇大集中灘團首張逢春單騎橫矛直衝賊陣所向披靡忽中槍陣亡張仁順繼之亦死各團直前橫衝賊陣斬悍賊十餘生擒著名酋哈五爾賊遂潰各團奮力合擊殺賊約數千人所遺衣糧馬匹械帳文義潛遁團勇陣亡八十六名未幾文義復聚數千由拉沙爾峽銜枚襲廳團勇設伏夾擊大破之斬賊

三百餘團丁陣亡二十八名由是文義不敢再犯

五月署甘州提督楊占鼐率軍援肅州敗績

占鼐率四十餘營援肅州將營城南賊傾城出

戰營不能立占釐合分統魯某以八營繞出城西賊復攻之魯某戰死陣亡勇丁二千餘占釐軍氣大挫不能復戰退舍數十里時軍饟匱乏所恃者各堡民捐每兵日給麵六兩雜以蕎麥青稞飢民投募者祇圖一飽無敵愾氣故環城百餘營不能破此小醜也

統領宗岳軍吳士邁擊隆德賊馬豔魁等於靈臺縣境士邁督軍人甘謀知隆德

賊目馬豔魁等糾眾三萬盤踞靈臺百里鎮宋家寨鄧家寨等處乃遣余清勝率鄉團為嚮道先趨宋家寨鄧家寨進逼百里鎮各有斬獲賊目馬豔魁率萬餘騎逆戰士邁被圍先鋒某陣亡勢幾不支守備鍾盛慶督洋槍手樊豔魁清勝率鄉團亦至賊遂大敗官軍進至百里鎮復斃賊三百餘是役殺賊三千餘奪獲麥糧牲畜以萬計

黃鼎擊賊於涇州黑河川賊敗遁鼎與賊戰於黑河川適雷正緒由政平鎮來前後夾擊賊不能支敗走追斬無算

六月賊圍正甯縣城官軍援之圍遂解賊首楊文治率眾踞正甯四村等處又據北岸民堡官軍

往援賊解圍遁未幾文治率黨數千又踞三家原一帶白彥虎黨復掠正甯

甘肅新通志 卷四十七 兵防志 戎事下 三

秋七月賊掠涇州孫家堡雷正緒馳剿之賊遂竄政平

賊犯涼州境大靖營守備王奮武利橋營守備高德均戰死

八月賊圍涇州黃鼎雷正緒援之賊遁

穆圖善征河州賊克太子寺糧盡引還

九月河州賊陷寬溝堡縣丞郭世傑死之

雷正緒破賊於靈臺百里鎮等處正緒剿賊靈臺縣屬之火星廟百里鎮等處前後斬殺四百餘大股

由五雲驛分兩路來襲又敗之明日又戰適黃鼎由黑河川來賊驚潰兩軍夾擊斬首五六百生擒七十餘賊由崇信川逸去

冬十月賊酋馬正和犯秦安敖天印部將傅某以北郭城獻賊馬正和犯

秦安時敖天印之營官傅某先避入大城其營勇開門納賊北郭城遂陷邑人李大木張小孩巷戰死賊擄掠一空復誘陷西川張家堡雒家堡李家堡東路竇家堡隴城鎮安張家坡北路郭家鎮城及各堡寨民死無數又陷清水縣之四龍堡

賊掠清水縣民團禦之敗沒

馬正和率賊進掠清水縣武生趙顯榮率民團禦之殺賊十餘與團丁楊維清

等皆陣亡白沙堡民楊忠馬登科武正清蔣正午等戰死於清水之上

賊破秦州楊家市等堡

賊破西鄉楊家市猪槽溝徽縣索羅鋪峽口鋪長峪鋪各堡陝賊犯北關武舉袁發身戰

死入三陽川攻石佛堡團總生員田懋德田獲三率眾力戰殺四十餘賊而死進犯陶家堡團總武生陶舜舉陶安邦督團奮擊殺三十餘賊又斃登梯賊十餘名誘斬賊渠一人賊以地雷轟陷堡垣舜舉等率壯丁戰於缺口皆死士民殉者六百四十餘人是後

賊由三陽川逾山而南窺伺州城提督田連考擊之於山麓賊敗去

陝甘總督左宗棠督辦甘肅軍務分三路入甘剿賊

欽差大臣總督左宗棠定三

路平回之策劉松山由綏德取道花馬池直搗金積堡老巢為北路道員周開錫由秦趨鞏計鞏昌河狄之賊為南路宗棠與劉典督諸軍盡驅賊回入甘為中路遂破回巢數百斬馘數萬

十一月成祿殺其部將馬天祥肅州賊擄楊占鼇成祿等退屯高臺

甘肅新通志

卷四十七

兵防志 戎事下

三

縣成祿部將馬天祥至肅州南山下奪賊所掠麥麵牛羊借宿營見堡堡民不許擊斃一牛天祥怒破其堡殺其人成祿欲斬之惜其

驍勇未決楊占鼇恨天祥勸殺之募友竇型抱屍哭曰壞爾長城矣成祿悔旣而奏稱天祥陣亡為請卹以解眾怒遂怨占鼇占鼇軍絕糧遣人招撫肅州回賊酋馬文祿要占鼇城下議事遂挾之去要成祿退兵高臺否則決一死戰成祿許之賊縱占鼇出兵退

以肅回就撫報署總督穆圖善委陶生林署肅州鎮成祿委竇型署安肅道李元嘉署知州虛與委蛇

河州賊擾皋蘭縣西南鄉

賊陷正甯縣城知縣黃紹薪擊退之

賊突入正甯縣城縣令黃紹薪率團巷戰賊以無所掠旋去知

府劉倬雲聞警往援至四村原與賊戰賊敗竄南土原倬雲進至正甯城而黃鼎軍已先至遂戰於北原殺賊數百名

賊復圍涇州雷正綰援之賊先遁

十二月平涼營千總張偉戕遊擊張成萬

先是張偉赴涇州運饒還為匪目蘇子鴻所劫士卒

失望遊擊張成萬成重責之偉挾恨暗結蘇子鴻夜半登城杖萬成而殺之遂與子鴻往依鹽茶人張貴營

賊擾靈臺縣雷正綰遣兵追勦賊遁入金積堡

李得倉餘黨擾及靈臺縣雷正綰合閭定

邦等追勦於是賊目馮均幅楊文治馬生彥等遁走金積堡

雷正綰攻賊董家堡副將金國榮等陣亡

董志原南竄涇州之賊攻據董家堡正綰自棗社馳

往攻之堡上礮石雨下傷亡副將金國榮等十餘名乃破堡追攻入盡殲

陝回竄秦州穆圖善遣軍勦之不克退至清水

乙巳八年春正月董志原賊酋王明章陷會甯縣城千總楊煦巷戰死

正月朔董志原賊酋王明章率馬步千餘至會甯城守無人潛登之城陷千總楊煦率眾巷戰死縣令沈文仲逃入民堡

賊犯通渭馬家坪堡團首孫兆鳳率眾往援與董滿勤等皆戰死

撒拉回陷哈拉庫圖爾城丹噶爾鄉圍擊破之遂復其城

穆圖善遣兵勦河州賊屢戰不利退至狄道賊乘之師潰

初官軍進營洮河西

甘肅新通志

卷四十七

兵防志 戎事下

三

河回降皆厚賞以給之師旋復叛官軍再勦西渡河直搗黑山頭賊賊太子寺賊截斷糧運官軍屢戰不利至是退保狄道軍糧匱乏牟佛提乘間復叛大破官軍潰兵退至秦州河州

賊乘勝東向與陝賊合遂攻陷秦安許家堡丁家店

二月賊破秦州西橫河鎮任家堡朱家川關家店大里灣

董志原賊距正甯知府劉倬雲與雷正綰等會勦賊竄金積堡遂復

慶陽鎮原等城

賊糾集十八營傾巢東犯屯距正甯南北及永樂堡一帶劉倬雲雷正綰等會勦賊敗走金積堡併十八

營為四大營護其老弱輜重前行崔偉馬正和等率黨斷後道員黃鼎自邠州會雷正綰馬德順李耀南各率馬步分路追勦賊敗

潰官軍乘勝破馬蓮河焦村石杜蕭金鎮驛馬關三汭河董志鎮各賊巢遂駐軍董志原而賊一竄環縣一由蒲川河將竄金積堡

官軍星夜追及於党家嶮險路險溝深自相擁踐落澗者無數崔偉馬正和拒戰屢敗之大軍收復慶陽鎮原各城還軍蕭金鎮餘

賊分竄硝河城預望城等處涇慶各屬肅清

賊破禮縣橫河鎮各堡

賊五六千聚橫河鎮近鎮堡多攻破武生馬兆瑞增生趙輯瑞率眾守禦賊發地雷陷其

堡輯瑞舉
家殉難

河州賊圍通渭韓坪堡

賊圍拓達鋪之韓坪堡三甕熟川貢生管鼈率團往援殺賊數十賊怒釋圍合擊之遂敗績

陣亡團丁三十餘人鼈及許崇德許遜三盧滿盧連盈等皆戰死

三月黃鼎勦平鎮原安家山土匪

董志原賊竄擾河東蒙古七旗阿拉善親王派佐領多爾擊退之

董志

原回竄河東蒙古七旗殺掠甚慘遂由鄂爾多斯七旗擾掠烏拉特三旗又擾阿拉善阿拉善親王貢桑珠爾默特派佐領多爾率蒙兵擊退賊復掠磴口王府竄至沙金托海

賊陷通渭馬坪堡董元泰巷戰死之

夏四月賊攻阿拉善定遠營長史疊立閣爾大賴禦之陣亡張曜會

烏爾圖那遜率兵往援賊西遁

甘肅新通志

卷四十七

兵防志

戎事下

罕

河州賊破通渭高山通坡各堡遂掠孟家墩箭杆嶺河北等處楊世

俊敖天印率軍夾擊盡殲之

賊破秦州南韓家山堡

陝賊馬士彥襲紅水永泰堡團勇擊卻之

賊襲靜甯州城張貴率義團禦之殺賊酋心不閒等

南陽鎮總兵張銘新名貴俗號

剛入回亂結團水洛城一帶以自固鄰村求援馳往救奪賊食而食之屢挫賊鋒相戒無敢犯於是義團之名大震賊首心不閒金玉等潛伏靜甯州之高城寨遣謀數十冒商民結城內回為內應義回馬某發其謀紳民詣貴請援貴馳至斬心不閒等賊敗走城得不陷時有侯十隸貴驍勇善戰號萬人敵凡有逆於心遇賊戰遇兵亦戰民亦戰貴屢戒不悛義團之名遂損貴恐禍及已歸道員黃鼎擊散其眾擒十獻左宗棠壯其勇欲生之十挺立求死不得已斬之歎曰奇男子惜不得其所耳貴後更名銘新官至總兵

五月河州賊破秦州望天峽馬家店堡又陷徽縣黑林溝苟家莊新

店鎮火鑽鋪老鶴岩各堡

河州賊破通渭安遠中和鞏家川各堡

提督黃金山勇潰穆圖善招撫之

黃金山率部勇與賊戰於狄道康家崖敗績北至皋蘭縣屬黃峪溝

大肆淫掠穆圖善招撫之遣屯甯夏

李輝武破賊於兩當賊竄徽縣

輝武偵知河州賊馬步七千人掠成縣鄉竄兩當合所部王名滔王熙南

兩軍往勦抵楊家店遇騎賊擊卻之遂擣賊壘殲其賊目餘黨竄徽縣

華亭賊竄秦安與官軍遇遂復竄隴州

華亭賊千餘竄秦安之隴城擾及百花川遇李耀南等官

軍復竄隴州

吳士邁攻康坪堡賊巢克之

士邁率軍由故關趨清水遂勦平秦安縣隴城鎮賊巢進攻康坪堡堡距隴城

南十七里險距山腰東為馬家寨西為龍山寨南為馬家河皆南入營回匪之窟士邁督軍猛攻賊憑險力拒官軍益奮連衝四陣

甘肅新通志

卷四十七

兵防志

戎事下

望

殺賊二百餘槍斃黃巾賊目一乘勢截殺賊敗墜巖者無數遂克康坪堡

六月左宗棠進兵甘肅駐節涇州五雲驛

時劉松山由定邊趨花馬池魏光燾周紹濂劉端冕

出河水甯州正甯趨環慶雷正綰黃鼎由董志原涇州趨鎮原崇信華亭固原李耀南吳士邁由隴州資雞趨秦州宗棠率親兵馬

步四千至涇州合馬德順簡敬臨兩軍屯靈臺屬之上良百里鎮策應南北吳士邁李輝武至秦州連獲大捷梅開泰亦敗賊於伏

羌馬家峴蘭州大道漸通於是以前涼州總兵傅先宗所統喻正祥敖天印彭忠國等二十四營分駐徽縣榆樹壩高橋李子園一帶

護南路藉通運道時東路陝回多有乞撫者乃合雷正綰移營固原古城川周蘭亭進駐瓦亭以據東西要衝吳士邁李輝武湯聘

珍三軍抵通渭勦除各回巢南路肅清

秋七月左宗棠遣兵勦金積堡賊

宗棠聞馬化澂詐降冀緩官軍合黃鼎簡敬臨兩軍由固原北進劉

松山由花馬池進勦

八月提督劉松山大破陝回於靈州郭家橋

松山軍抵磁窑知陝回踞靈州與甘回互相為

應以甜水河地勢狹宜分軍爲數隊列雙龍陣魚貫而進至甜水河賊騎千餘忽從兩山衝出欲繞截官軍提督易德麟李就山等率所部迎擊松山復合提督章合才等擊其左蕭章開等擊其右賊見官軍大至遁走擒斬二百餘追進靈州陝回悉竄惟靈州土回未動松山即合營於城南是夜靈州撫回周斌至營謂陝回敗竄來者強踞甘回各莊情出無奈松山即傳駐金積堡回目馬湖清合諭知甘回各堡官軍祇勤陝回明日陝回悉衆據郭家橋松山揮軍齊進賊出巢拒戰松山分軍左右衝殺自攻中堅槍礮環擊賊前隊應聲而倒後隊大亂官軍乘之遂平郭家橋賊巢二十餘處斬賊二千餘餘竄吳忠堡近堡甘回數千來援又敗之時馬湖清偽代陝回乞降二次矣金積吳忠二堡在官軍之前靈州各回寨距官軍之後甯安堡四百戶等處陝回決秦渠水以困官軍將軍金順率軍抵中灘金順由纏金率各營抵中灘即赴

劉松山進軍吳忠堡

松山進至下橋馬化澂合賊黨王洪馬愛襲之賊先騎後步夾老弱刈麥於其中官軍仍設伏兩路以誘之伏發敗走步賊陷水田死者無數獲刈麥老弱三百餘時甯夏降回復叛金順兼程馳援吳忠堡賊敗竄入金積堡官兵陣亡三百餘名

甘肅新通志

卷四十七

兵防志 戎事下

三

劉松山擊賊金積堡克其三寨

官軍攻陝回崔偉李經舉衆於金積堡之板橋堡賊出援敗之時白彥虎等聚於顧家寨屢敗騰寒欲徙寨後而以崔偉等衆移顧馬兩寨當其鋒謀定將以是夜徙松山知之分軍三路襲破之又破南小顧家寨是役殺賊一千二百餘生擒四百餘騾馬八百餘器械無算

金順軍抵甯夏防營

九月大軍進逼金積堡

各營分路進兵攻克沿途賊壘適張曜軍亦至劉松山勦辦河之南與羅金順二軍勦辦河之北時馬化澂屢被官軍所創欲糾圖再舉恐固原各軍瀕其後陰遣其黨馬萬春嗾陝甘各回扼南路之師使白彥虎李正榮等與正縮提督周蘭亭戰於預望城爲簡敬臨黃鼎等擊敗遂破黑城子鹽茶打拉池賊巢敬臨復葦州黃鼎復同心城徐占彪復預望城節節進逼金積堡 附左宗棠奏疏云馬化澂因劉松山郭家橋捷後挾旬又疊獲大捷嗾甯安四百戶同心預望各堡回衆力抗南路之師時固原提督雷正縮軍駐古城川石家溝謀報固原回民母仲元等被陝回白彥虎等所脅挈眷北徙金積堡白彥虎及甘回李正榮等各股復由預望城黑城子竄入固原州八月二十四日白彥虎李正榮即撲雷正縮營適提督周蘭亭自

亭馳至會同雷正綰擊敗之賊復嗾預望城半箇城李旺堡各處之賊紛至抗拒中路提督銜前衢州鎮總兵簡敬臨二品頂戴按察使銜陝安道黃鼎亦皆至二十八日簡敬臨周蘭亭黃鼎出隊抵二十里鋪偵賊由平川兩路擁至氣驕甚卽分三路嚴陣迎擊槍礮轟擊賊數十雷正綰率師由黃毛嶺壓下簡敬臨周蘭亭黃鼎麾軍猛進殺賊數百賊已不支城中賊復護老弱竄出各軍分途橫截衝賊爲數段敗賊悉奔黑城子追至固原北三十里頭營地方沿途斬馘甚衆共斃賊千有奇生擒者稱是分別斬釋後雷正綰簡敬臨周蘭亭等調黑城子踞逆因白彥虎李正榮旣敗一日數驚紛紛北徙九月初三日四鼓秣馬蓐食整隊齊進行距黑城子四里許驟步賊聚平川騎賊布東西兩岸皆滿合步隊從中路排進馬隊張左右翼徐行賊方分股上川抵禦馬隊馳出黑城子之後賊衆大亂步隊薄之賊不及歸巢冒死北竄步軍立破黑城子回堡擒斬甚多馬隊躡至界碑沿途復斃賊數百仍回軍固原適三百戶良回穆進善報白彥虎等被創後糾禹得彥楊文治由黑城子出胡家廖坡大股屯踞距固原六十里三營地雷正綰簡敬臨周蘭亭約黃鼎出隊自率所部於初八日進勦偵賊已至頭營伏各破堡中步隊遂密結方陣徐行騎兵張兩翼前進遇賊卽擊均有擒斬連日賊且堵且退似引官軍深入者初十日黎明周蘭亭簡敬臨留兩成隊護輜重於楊老莊各率八成隊進勦行

甘肅新通志

卷四十七

兵防志 戎事下

望

末數里逆大股驟至簡敬臨飭總兵姚連陞譚正明彭壽山率隊進左路周蘭亭飭總兵趙玉亭劉明泰知州黃立釐率隊進右路親率所部及廣東高州鎮總兵徐文秀縣丞吳恩榮居中參將桂錫植領馬隊出左路之左參將李廣珠領馬隊出右路之右分布甫定逆以大股猛撲中路另股從左右兩路鈔來兇悍殊常各營屹立不動俟其漸近乃連以線槍洋槍夾劈山礮轟擊賊中人馬應聲而倒勢漸不支周蘭亭簡敬臨麾左右兩路馬隊飛馳陷陣步隊繼之賊衆潰走官軍躡至三營敗寇入堡死拒左右破堡內伏賊齊起周蘭亭簡敬臨飭姚連陞趙玉亭等兩路出隊擊之馬隊斜鈔賊前各營愈戰愈奮銳不可當逆越堡而遁堡外賊亦奪路狂奔其地坡峻溝深賊人馬自相蹂藉墮斃無數各軍分途扼截斃賊八百有奇生擒百餘訊知此股卽馬萬春所統也皆斬之敗賊向洪溝逸去周蘭亭簡敬臨合彭壽山黃立釐率所部憑堡扼駐防黑城子何家溝鈔襲之賊自率所部各營前進甫行數里聞何家溝突出一股騎賊圍撲彭壽山等營亟麾軍回援時逆正與彭壽山等相持適雷正綰亦率所部各營馳至賊駭而奔各軍合追將抵黑城子瞥見紅衣賊首率騎賊飛奔而前勒敗賊力關各軍整隊迎之馬隊亦下馬挺矛接戰斃賊數十賊勢稍卻忽紅衣賊首領數百騎疾馳突陣甚悍各軍分隊截之矛傷賊首墜馬擒訊乃陝回僞元帥楊文治狡悍異常屢以撫誤官軍者也驗視

所用鐵矛重十七斤立斬於軍又追數里始收隊回營是役共斃賊千餘生擒百餘臣合函楊文治首徧傳受害諸地以徇十一日雷正綰馬德順周蘭亭簡敬臨黃鼎各留一營駐黑城子防海城鹽茶廳預望城來犯之賊率所部馬步各隊進攻李旺堡十二日五鼓齊由八營地進發行近李旺堡誦賊方挈眷而逃馬步各賊列堡外思抗官軍雷正綰等商合分兵三路齊進馬先步後賊望風而潰陣斬數十乘勢衝殺破李旺堡毀其巢賊走半箇城馬隊躡之步隊兩路夾擊賊遇溝坎頓旗死拒官軍追之急逆騎輒擁不前自相蹈藉死者無數追三十餘里至永家莊沿途斃賊近千擒訊賊知李旺堡賊首李應春綽號野賊老巢尚在李旺堡前五里穆家潭各軍立派步隊圍之堡小而固賊見官軍至憑堡穩抗官軍以炸彈劈山礮仰攻之一鼓齊登破其巢巢內悍賊數百悉誅之擒偽副元帥楊輝雲訊知賊首李應春赴預望城求援未返楊輝雲本陝回僞元帥李經舉之副也斬以徇其漢民婦孺則縱之是役亦斃賊千餘生擒百餘自楊文治伏誅後陝甘各回震懼益甚而金積堡馬化澂已屢爲劉松山勦敗乃合各堡甘回迅速求撫以掩其句結之奸馬化澂新教各回堡以預望城卽禹王城半箇城卽同心堡爲最大諸回目旣受馬化澂指求撫陝同心更不安於是禹得彥白彥虎李經舉等之在預望城者潛率各部衆由鹽茶廳西竄約踞甯安四百戶之崔三馬生彥及馬正和部衆

甘肅新通志

卷四十七

兵防志 戎事下

四

金積堡所留之承霖等悉數西趨圖由長流水打拉城出會甯安定南合河州之回暫延喘息黃鼎得各土回密報卽商馬得順收隊黑城子會師追之臣所遣總理營務處四川候補道曾傳理適至黑城子十四日兩軍由黑城子冒雪行六十里抵黃楊坪詢之士回知禹得彥等三日前尙踞鹽茶廳一帶聞李旺堡破始移家屬輜重於西安堡李經舉白彥虎仍在黃家園黃鼎馬德順會商十六日馬隊先行步隊繼之爲犁巢掃穴之舉追六十里至鹽茶廳見炊燼尙然知賊去未遠馬德順督馬隊又猛追四十里至西安堡一望平川延袤數十里四面賊帳布滿見官軍馬隊馳至老弱婦女號哭紛竄悍賊數千吹角齊出力拒馬德順合馬軍半下馬挺矛衝殺半縱馬開槍縱橫盪挾賊大敗殺斃五六百餘奔黃家園又西山一帶馬德順及黃鼎呼敦馬隊營官胡應芳黃虎臣整隊追殺又斃賊千餘賊目死亡者多不復成列馬德順望見前面山岔紛歧急督各營分三路搜勦分統提督張會元進南山一路副將崇志率吉林馬隊胡應芳黃虎臣率呼敦馬隊進北山一路自率黃旗及親兵小隊由中路黃家園進復追殺十餘里至劉家井路隘不容方駕兩旁皆深溝馬德順率親兵十餘策馬前察地勢兩旁馬步伏賊數百突出刀矛攢刺山上賊衆拋石雨下馬德順身被七創與黃旗哨官副將張顯揚各手刃數賊力竭皆死之張會元及吉林馬隊哨官全德呼敦馬隊哨官劉治均並受重

傷經各營救出折回弁勇陣亡三十餘適黃鼎率師馳至督隊勒馬回擊飛催步隊分路前剿賊始退以路狹不敢復追還軍駐黃家園十七日黃鼎既遣黃旗小隊及副白旗送馬德順張顯揚忠骸回固原自率所部馬步各營合張會元所部副四旗馬隊崇志所部吉林馬隊由西安堡出乾鹽池進打拉城行六十里至乾鹽池謀打拉城有大股踞逆互數十里詢降回知卽甯安四百戶由長流水西竄陝回是夜四鼓馬步各軍急起躡之距打拉城二十里望東北山梁池西塵大起知賊已竄走黃鼎合左營護輜重行稍緩合參將林定遠總兵黃有忠參將朱蘭亭率所部馬隊胡應芳率左營馬隊循右路山梁進張會元崇志率所部馬隊循左路平川斜襲打拉城後黃虎臣率所部馬隊由中路徑搏打拉城自率副將李玉春副將何玉超等步隊繼之迨抵打拉城見兩山開豁地勢寬平卽命馬步聯絡徐行賊誤爲鹽茶廳西安堡來會之回適然不驚各軍亦不動聲色近賊前鼓起聲震山谷賊出不意狂號亂竄黃鼎麾軍橫直衝突賊截爲三一奔打拉城一奔東北山一向北面亂山狂竄李玉春何玉超各率親兵及洋礮隊分路截擊殺賊數百墜崖斃者不可勝計於是呼敦右營馬隊逼近打拉城逆衆憑崖口抗拒弁丁下馬開槍轟擊刀矛手彘奔而上城破逆眷輜重塞滿街衢黃虎臣帶隊從人畜堆中衝出街口逆回馬步數千抵死返關黃虎臣督勇下馬步戰李玉春何玉超等所

甘肅新通志

卷四十七

兵防志 戎事下

七

部步隊適至結成方營橫貫賊陣張會元崇志所部馬隊亦自左路平川鈔出賊後夾攻斃賊無算騎賊先奔步賊則圍殺略盡矣馬隊各營仍向西追殺其右路各營進攻東北山梁之賊甫上第一重山梁賊馬步已燻聚一處由上壓下力拒官軍胡應芳督馬隊繞上山梁之左林定遠督步隊繞上山梁之右中後兩營步隊乃從中路整隊齊進斃其悍者數十賊遂紛潰各營併上山梁齊壓而下追殺十餘里斃賊約四五百回軍打拉城行十餘里忽山口有紅旗馬賊駛至林定遠黃有忠朱蘭亭督隊截殺都司賈洪順衝入賊中礮子穿胸陣亡胡應芳怒馬陷陣步隊繼之斃賊百餘敗賊飛奔上山而逸夜分各營乃咸駐打拉城自此甯夏甯州已無陝回預望城半箇城鞏州堡各甘回均款營求撫臣已合會傳理察其誠僞分別辦理似甘肅北路肅清可期現檄雷正綰由半箇城進長流水新堡子周蘭亭簡敬臨繼之期與黃鼎馬步諸軍收夾擊之效其先竄一股十七日黃鼎所部總兵徐占彪步隊三營已由靜甯州赴會甯截剿臣所謂提督楊世俊正四旗馬隊二十二日馳抵靜甯州二十三日馳往會甯合隊賊如由會甯出安定黃鼎一軍及張會元崇志馬隊當先顧蘭州省會然後進勤向河州之賊諸軍西趨其固原黑城子李旺堡一帶新復之區現檄總兵張福齊率所部五營提督周紹濂率所部四營分駐以重北路之防而通諸軍之氣臣料理後路糧運卽進軍平涼布置一

切將來或由中路或由南路前進或緩或急屆時惟當審度機宜慎以圖之

是時綏遠城將軍定安爲逆回傳布謠言所惑疏報甘肅降回復叛謂劉松山輕進所激 詔詢左宗棠籌辦情形宗棠上疏略曰

馬化澂所以恃抗官軍者有二地居秦漢二渠之間挹黃流注田夙稱沃壤食用裕如且河水汪洋地形奇險可畏賊首藉自固而困官軍者一也回教攸分馬化澂新教與陝甘老教宗旨不同互相水火當其起釁則氣出一孔無復有彼此之分而陝回亦有強弱不同馬化澂思藉自衛始因陝回交窺先思代爲乞撫繼因陝回反覆又思判以阜白其陰心譎計皆耳目共見共聞者二也初不料官軍之鋒不可犯八月初三日郭家橋大捷後初四日又遞稟代陝回求撫不過爲緩兵之謀而於劉松山兵至下橋距金積堡三十里地方卻一字不露蓋欲制臣與穆圖善準撫之批以陝制劉松山耳臣於馬化澂前稟批示勦撫機宜北路應由劉松山劉錦棠察看中路應由雷正綰黃鼎察看者以此幸劉松山燭其奸一意進剿未及一月迭將甘回陝回痛加懲創實殺賊一萬數千之多臣檄雷正綰黃鼎周蘭亭簡敬臨馬德順馬步各軍亦於陝回犯及固原時迅予掃蕩連獲大捷奸謀更阻馬化澂又於九月初三日具稟求撫臣閱其稟情詞尙爲哀切而緘中又附八月初六日一稟則頗以劉松山濫殺激變爲言猶是藉詞聳聽情形

甘肅新通志

卷四十七

兵防志 戎事下

吳

殊爲可惡臣又批飭之仍擬察其誠僞以定勦撫至金積堡地勢險要劉松山所以得手者在於靈州遠進先據下橋後五里之永甯洞得以宣泄河渠之水故能制賊而不爲賊所困觀馬化澂稟求劉松山退駐靈州及請臣委員赴靈州受撫其情可見

金積堡賊酋馬化澂遣人款劉松山營爲陝回求撫

馬化澂遣人爲陝回求撫松山

許之令呈繳馬械化澂請移軍吳忠堡界外暫緩進剿松山合將馬械悉繳再議化澂稟繳抬槍十桿小槍十五桿瘦馬二十匹並糧米一萬七千斤於甘回就撫與否一語不及松山知其詐限兩日悉繳馬械

雷正綰等攻克張恩堡進軍強家沙窩

正綰與周蘭亭由四百戶直抵鳴沙州張恩堡是堡爲馬

化澂先鋒袁希孟所踞兩軍攻破之希孟乞降正綰馬械聞忽有騎賊數百西趨卽列隊截勦賊不意官軍先至驚潰擒而訊之乃馬正和敗黨正綰遂由張恩堡進駐滾泉簡敬臨張福齊兩軍亦至自韋州合軍進強家沙窩分駐秦渠內外距金積堡十餘里

劉松山攻克敬家莊兩堡擒賊首馬阿忻馬光發誅之

先是馬化澂遣附賊遊擊

胡如東巡檢李廷光至松山營稱陝回又繳抬槍五十桿馬五十匹存馬化澂處卽解大營其餘馬械俟官軍退駐橫城方可呈繳

明日騎賊四竄似覘官軍動靜者而金積堡修寨掘壕如故胡如東復來申前請松山知爲化澂奸細仍飭將求撫直僞情形據實稟復乃親帶馬隊赴余家湖查賊濠縱營夫四出刈草試賊動靜俄騎賊蜂擁而來吳忠堡賊亦相繼出似誤以營夫爲官軍意圖鈔截松山急調各營出隊策應騎賊欺官軍人少結隊數十團首死衝突步賊傍敬家莊兩堡排列松山合各隊猛撲之賊退兩堡旁開槍死拒鏖戰閒適老湘營隊伍馳至賊驚潰退松山麾軍截擊盡殲之乘勝縱火焚堡門各營將士踴躍而上連克兩堡殺賊八九百生擒賊目馬阿忻馬光發誅之陣亡員弁勇丁十九名

賊引秦渠水以灌官軍營壘

賊於吳忠堡南決開秦渠適水東流吳忠堡東南一帶平陸成川賊仍併力加土修壩松山合何作霖譚拔萃周國勝由左路直攻壩西賊壘合席大成易致中相機策應合蕭章開湯彥和李雲貴劉錦棠尹興茂張拔萃喻執益董福祥張俊分兩路由右進朱德開李就山李樹棠相機策應合潘運璋陳宗蕃彭緒忻譚上連馬隊四營由右路進防吳忠堡以北援賊並合各營如賊不過水漫溝則勿深入迨各營進逼賊壘半里賊憑壘抗拒官軍奮力進攻忽西北騎賊約一二千飛奔來援衝過水漫溝劉錦棠若無所見仍攻壘如故火器環施雷轟電掣賊不能支棄壘鼠竄官軍乘勢將水漫溝壘

甘肅新通志

卷四十七

兵防志 戎事下

七

頭決開大溜西趨錦棠見溝東一寨水淹堡腳吸溜甚急乘勢破之殺悍賊六百有奇生擒七十四明日水勢漸消各堡賊仍加掘長濠是夜劉松山合各營攜鐵鎚草束三鼓出隊向水漫溝進攻時月明如晝官軍五鼓齊撲一面擲草撤土平濠壘進賊退奔劉家寨王家寨陳家寨官軍進攻破之復破王家莊梁家莊兩堡殺賊千五百官軍陣亡二十餘名

劉松山攻克王家高樓張家灘各回堡

時松山軍糧均自河西採買由葉昇堡轉運至營自賊決

秦渠水倒退余家湖運道須繞西北行而王家高樓張家灘各回堡適當其衝松山合各營裹糧攜鎚四鼓出隊比距半里許賊已驚覺堡上礮石雨下錦棠乘勢猛攻一面填濠蹀升而上賊開北門竄出馬步各營分途掩殺逸出者無幾松山合李就山率所部入據其寨而自督各營北向張家灘而進灘西三里許爲朱家寨遂分兵進攻賊見官軍至開西門遁往于家寨官軍乘勢掩殺于家寨賊亦相率西遁官軍急追之賊由湖鼻水而過溺斃者過半惟張家灘賊死力抗拒官軍以火器仰攻破之松山以此五寨爲運道所必經合馬隊分守之時久陷金積堡之山西湖北客民來營具保馬化澂永無反覆狀松山閱其稟詞於甘回呈繳馬械及峽回投誠無一語敘及詰其故則商民向在金積堡貿易化澂繫其眷屬逼令來營具保詢以化澂是否甘心投誠甘回是否俯首

帖服僉云不能知也於是松山復破王家高樓張家灘一帶六寨一壘賊皆膽寒惟化隆未受懲創仍肆狡謀其求撫也僅以陝回爲詞自居勸導之名一若未嘗預逆謀者所呈繳馬械皆疲朽不堪松山乃調花馬池定邊留駐之四營合剿越二日化隆復遣漢民解米十萬斛至營保化隆永無反覆狀松山以馬械未交其爲詭言求撫可知卽卽進軍攻克楊家寨及馬家兩寨復攻丁李何金四寨而丁李二寨溝渠交錯乃合各營築壩蓄水灌之金積堡援賊紛至松山自督各軍築壩隄合劉錦棠蕭章開董福祥三路衝擊李占椿李雲貴爲接應陳宗蕃潘運璋進左路之左彭緒忻譚上連進右路之右各營奮威衝擊賊勢不支折而西奔官軍追至秦渠邊賊爭渡橋忽斷溺斃甚衆餘賊遁金積堡各營返旗攻丁李兩寨渠水已淹至堡脚寨賊西奔金何兩寨賊亦棄堡遁殺賊五百餘

劉松山克復靈州城擒賊目馬元生等誅之

先是松山攻破馬家寨搜出化隆給偽參領馬

三重吳天德等率衆抗拒偽札化隆奸謀敗漏松山合靈州叛逆速出就撫化隆請展限松山調知靈州賊皆精銳並引陝回入城助守其眷屬輜重先已潛移金積堡至是松山合各營裹糧分五路布疊陣向靈州架橋過清水溝見城南卡壘其堅賊旗林立松

甘肅新通志

卷四十七

兵防志 戎事下

哭

山督各軍直搗中堅抵城南五里團圓寺卡各營槍礮仰攻拔去蒺藜架木爲橋踰濠而上克其外卡餘賊向南門外里許之石壘奔竄官軍緊躡之忽城東庫氛大起突出騎賊千餘向西南馳突意圖鈔截松山合提督余虎恩馬隊擊其左副都統雙壽馬隊擊其右董福祥步隊副之騎賊撲近陣前官軍馬步相依縱橫盪決殺悍賊數十賊敗折向東南奔追殺十五里維時劉錦棠蕭章開已鈔附城之卡壘城賊開南門出卡拚死拒敵松山合黃萬友周國勝朱德開李就山李樹棠奮力圍攻城南石壘自督陶定昇易致中何作霖譚拔萃從中路猛進環攻賊敗爭入卡門自相蹂踐劉錦棠蕭章開乘勢奪卡而入敗賊縮退城中各營躡蹤槍入見賊卽斫城內賊開東北兩門狂竄官軍分道躡之追殺數里天色已晚收隊回城其南門外石壘賊三百餘名經黃萬友攻破擒斬無遺是役殺賊一千四百餘名生擒二百七十三名獲賊目馬元生馬致和郭有利誅之救出漢民男婦七百餘名奪獲騾馬千餘匹器械下數百件官軍陣亡三十一名受傷一百八十一名是夜調靈州城敗賊距城東迤南十里之海子墩買家莊十二里之馬清兒羅家橋四寨松山留營駐防靈州城親督各營四鼓出隊派劉錦棠蕭章開向海子墩進自督各軍向買家莊進合馬隊伏左右兩路並戒步隊如未破寨則列隊勿動部署既定軍士銜枚疾行直薄寨下賊始驚覺中軍擂鼓發號火器仰攻寨上亦礮石雨

注軍士擲草拋土填濠而過焚寨門掘堡腳四面擁登立將海子墩買家堡攻克兩寨回逆四五百名悉數殲之其馬清兒羅家橋兩寨賊見火光如晝殺聲震地礮轟如雷知官軍已破海子墩買家莊遂開堡門從東南狂竄余虎恩雙壽馬隊左右勦殺壓追十八里收隊而還殺賊六百餘生擒四十二誅之拔出漢民男婦二百餘名奪獲騾馬三百餘匹器械多件官軍陣亡員弁勇丁十四名受傷五十八名松山入靈州城察看倉廩廟宇官廨民廬半成灰燼瓦礫塞道合黃萬友李樹棠移營駐之將節次拔出漢民安插城中設法撫輯一面招徠漢民認產復業遂自率馬步各軍收回下橋老營

黃鼎敗賊於新堡子山

鼎自打拉城捷後偵知敗賊由百草園郭城驛一帶而去與禹得彥等股合遣軍擊敗之

而馬正和陳林各股賊尙在新堡子遂乘勝進勦賊奔潰仍圍竄還金積堡雷正綰聞信卽率所部由半箇城向長流水截勦行至何家口遇騎賊數百敗之遙見長流水一帶炊煙大起知賊屯聚於是率軍急進值賊方逃擊殺三百餘賊竄向四百戶適周蘭亭亦率軍至而甘回李應春率賊千餘自西路橫截東出官軍後雷周兩軍卽分途截勦殺賊數百追至石家溝明日進軍馬家河陳林馬正和等知官軍追至以眷屬送金積堡而率悍黨迎戰雷正綰周蘭亭結方陣奮擊賊潰走官軍急追賊揮戈返戰官軍陣斬數百奪獲戰馬騾駝數百匹軍械無算陳林馬正和乃乞撫雷正綰周蘭亭二軍進駐黃渠橋簡敬臨張福齊進駐韋州堡

甘肅新通志

卷四十七

兵防志

戎事下

巽

狄河賊攻陷通渭窰灣堡殺馬富邦等三百餘人

賊犯禮縣知縣蕭良慶禦之遂入蒲王家堡王居瀛等力卻之

冬十月楊世俊徐占彪追勦竄賊於牛馬墩甘草店等處至狄道而

還黃鼎合楊世俊率馬隊四營徐占彪率步隊二營由靜甯州出會甯安定之間截勦西竄崔偉禹得彥各逆世俊等抵會甯知敗賊

竄至紅堡子一帶遂由乾溝驛繞出牛馬墩遇竄賊千餘斬馘甚衆追至巉口擒斬百餘名老弱墮巖死者無數急催徐占彪赴巉口合隊由車道嶺出甘草店賊列隊力拒官軍衝擊賊敗走追至高巖斬悍賊百餘賊由水家坡新營兩路敗走漫窪賊眷屬均聚於此官軍感之陣斬賊三百餘及抵站灘地勢狹隘賊憑卡死戰官軍旁鈔夾擊斬賊五六百追至狄道十八盤而還時黃鼎率所部亦至賊已向狄河而竄乃分布各軍於安定會甯以通省垣道路鼎自率所部仍還靜甯州駐防

劉松山進軍何家莊

松山自八月進兵至是破回堡寨百餘殺賊萬餘獲馬械無算又連破里仁渠各寨而馬化

性最凶狡邀總兵胡昌會保其無反覆然秦渠以南逆寨鱗次陝回虜聚其中撫議久而無成松山遂分軍三路由板橋蔡家橋進自督中軍抵渠岸賊憑渠拒戰何作霖董福祥各營撲近渠邊槍礮對轟賊抗不退松山見渠淺可涉合劉錦棠蕭章開督軍搶過橋卡兩路梟水鈔擊中軍亦蜂擁過渠賊始潰余虎恩雙壽馳馬隊截其歸路逼近賊巢賊亦遁官軍追至波浪湖賊落湖死者甚眾直逼至金積堡城外遂分駐何家莊板橋等處是夜化澄復倩胡昌會至營乞撫又代陝回繳馬械數次時雷正綰周蘭亭簡敬臨張福齊等各率所部距金積堡七八里逼渠築壘

十一月劉松山分軍攻金積堡外各賊壘

松山以甘回盡逃至金積堡合願降者移居各空堡

馬正和首聽安插而賊目陳林率眾截阻頓翻前議松山即飛緘雷正綰諸軍會勦適金運昌一軍亦由花馬池至遂約日中出隊進攻松山合金運昌率所部向西門進自分所部為三支向金積堡中東北三路而進金積堡旁各寨賊紛出拒戰騎賊飛奔而至步賊退縮不進官軍槍礮刀矛並進賊大潰遂平金積堡北村寨二十餘處雷正綰各軍如約會勦惟中隔金積堡聲息未能徑達陝甘回聚金積堡旁各回寨湖渠環繞周數十里各堡賊傾巢出官軍以馬隊誘賊既近步隊乘間追殺賊大敗積屍盈野明日移

甘肅新通志

卷四十七

兵防志 戎事下

平

營逼之賊來爭官軍擊敗之是夜東路萬餘賊就波浪湖堰築長牆橫約三里官軍攻之賊力拒不能拔遂令董福祥等繞賊卡後猛攻賊竄金積堡南禮拜寺官軍復破之簡敬臨率軍繞波浪湖欲與松山合軍深入敗歿提督姚連升亦戰死而西南悍賊復乘夜趨堡東砌磚牆長四里餘自金積堡外濠迤東而南至波浪湖以拒官軍自此劉松山金運昌兩軍與賊相持

左宗棠進軍平涼

是時南路大軍李耀南梅開泰傅先宗分勦狄河回屢捷宗棠遂進軍平涼奏請以周開錫駐秦州

統各軍

楊世俊徐占彪擊河州賊馬占鼇等於嶮口

馬占鼇崔偉白彥虎由狄道赴援金積堡至車

道嶺楊世俊徐占彪訶知截擊於嶮口稱鈞驛等處賊向西南折竄即飛報黃鼎自靜甯州出會甯截擊鼎抵郭城驛賊已向長流水竄去

十二月河州竄賊陷半角城各堡副將劉甫田陣亡提督周紹濂攻

克之

紹濂截擊河州賊於半角城爛泥溝段家溝撫回復叛據各堡副將劉甫田陣亡紹濂合毛正明陳高華分三路進攻各賊堡

克之
賊遁

道員魏光燾提督丁賢發勦平段家溝賊巢

光燾等由固原鼓行而北是夜周紹濂所部分

防黑城子李旺堡之軍運糧至王家團莊遇賊與戰相持至次日光燾等軍至賊始遁遂追至半角城直擄段家溝賊巢盡平之賊由長流水西竄鹽茶蔓延莎羅堡一路而去

黃鼎擊河州竄賊於莎羅堡

鼎自會甯馳回靜甯由硝河城黑城子橫截而出至莎羅堡擊賊追至鴉兒灣

連戰皆捷復令林定遠追敗崔偉於老虎溝而自率馬步進水淡溝西安堡劉家井連日搜勦而西偵知賊由大宏溝而去乃還

楊世俊徐占彪敗河州賊於大營川等處

世俊等截敗賊於郭城驛追殺三十里至馬家堡擒

斬數百河回馬占鼇一股由大營川出嶠口迎陝回賊眷世俊乘夜出車道嶺遇竄賊進擊至甘草店斬殺甚多餘逸向狄道而去次日河州援賊自大營川出官軍奮擊賊力戰不退乃以馬隊鈔其後後賊披靡遂乘勝躡至高崖殺賊百餘收軍駐車道嶺徐占彪亦由好麥川敗賊於杜家岔漫窪等處駐軍蒲家堡賊夜數來撲均擊敗之遂與世俊軍會勦斬賊甚多賊逸去時崔偉又為李

甘肅新通志

卷四十七

兵防志 戎事下

至

耀南等軍截勦僅率數十騎而遁

道員周開錫抵秦州分布南路各軍堵勦甘南鞏秦竄賊

總統南路各軍周開

錫抵秦州合道員湯聘珍督同提督梅開泰所部扼漳縣傅先宗駐軍甯遠分兵由徽成出西和禮縣節節掃蕩是月丁桂智勦賊於禮縣石東溝進至蔡家山大破賊衆傅先宗亦分軍勦平甯遠雙祿柱賊巢湯聘珍令梅開泰襲賊於漳縣三岔以西斬賊甚衆餘賊遁入狄道南路自此稍平

左宗棠遣軍分勦固原等處賊匪

是時固原鎮原環縣賊乘閒出竄宗棠乃調周紹濂所部分布固原

以北黑城子李旺堡半角城等處副將桂錫楨率馬隊扼四百戶提督丁賢發自鎮原出固原魏光燾劉端冕由慶陽合水前進各軍搜勦賊匪敗明七十子巨股於半角城紅德城等處明七十子竄至固原東川喉元城子三角城賊目海生春等出自家郃攻掠比官軍進勦賊向三岔河元城子宵遁官軍抵三岔捕土匪吳成章斬之進平元城子磚城子等賊巢復敗賊於道蓮寺海生春等款營乞撫固原東山一帶漸就肅清

庚午

九年春正月黃鼎由瓦亭進兵固原州

鼎進兵駐固原賊騎數千由黑城子半角城山峽徑

出大道攻丁賢發營右營楊正華由高街傍山截勦一紅衣賊目挺矛縱馬揮衆猛撲丁賢發馳刺馬下衆賊擁向石峽口而去峽口窄狹不能並騎賢發排槍擊之賊相繼死傷至晚收獲賊訊之即河回圖竄預望韋州以援金積堡者也其竄環慶一路截糧運者約二大支自上年十二月賊至環縣大柴溝副將蕭玉元往援擊敗之復勦二十里鋪馬房川張家溝等處魏光燾所部總兵夏朝奉提督甘大有助防鎮原亦數破賊於張家鎮計家大岔鎮固交界之海巴子川一帶時陝回馬正剛等賊黨二千餘騎由金積堡竄至惠安堡鈔取會鹽遣千餘騎送金積堡自率千騎由惠安堡下馬關一帶竄至西峰蕭金等鎮官軍追擊遂竄甯州

河州賊襲陷泉蘭西古城穆圖善擊走之

雷正綰築壘金積堡之峽口

初正綰進逼金積與周蘭亭張福齊各軍俱距峽口四十里駐營劉松山以峽

口地居上遊恐為賊所距屢以築壘言至是正綰令各軍築十壘甫成即有逆回自河西踏冰至陷踞三壘雷軍力爭陣亡弁勇二百餘名不能克左宗棠聞警急檄黃鼎周紹濂丁賢發等護糧分援而金積堡賊二十餘萬卡寨徧地諸軍不得前周蘭亭張福齊

甘肅新通志

卷四十七

兵防志 戎事下

五

兩軍以無糧退回鳴沙雷正綰一軍忍飢堅守賊圍之數重連日挑戰官軍傷亡甚衆

劉松山督軍攻克石家莊誅逆目馬幅喜乘勝進攻馬五寨陣亡

時松

山與金運昌兩軍進逼金積堡賊巢戰無虛日陝回屢敗列踞堡濠內外而胡家堡悍賊竄秦渠踞石家莊與馬五馬七馬八條三寨相犄角松山以石家莊為地勢所必爭乃麾所部先攻之一鼓而克殲賊千餘焚燹逆目馬幅喜遂連日築壘進攻馬五馬七馬八條三寨適臨洮逆回謝四及靖遠龔子等援金積堡至松山恐與賊合即助金運昌先勦敗援賊乘勝攻馬五寨以易致中等所部截馬七馬八條兩寨援賊合金運昌列隊馬五寨東北防賊逸出部署既定督譚拔萃等由寨邊繞出徑薄外卡一鼓克之遂合舉薪焚寨門躬立濠邊指揮垂克忽飛子中松山左乳墜馬譚拔萃等請暫退弗許大呼速前勿以我故失垂成功諸將憤激蟻附環登寨立克生擒馬五收隊繳合松山創甚諭諸將曰君等殺賊報國我死無憾言畢氣絕松山既歿諸將痛憤攻馬七馬八條之寨愈急而馬化澂以劉松山已亡又以臨洮靖遠各賊來援亦至遂四出截糧運以困官軍又攻峽口下橋永甯洞欲藉秦漢兩渠以衛金積堡左宗棠疏聞以其姪劉錦棠接統其衆附奏疏竊劉松山一軍上年十一月十五夜至十二月二十五日進

逆回攻破寨壘疊獲勝仗情形經臣於正月二十二日馳報其上
年十二月二十九日勦賊新揭堡獲勝及正月初八日攻破金積
堡附近地方陝回新修賊壘各公牘尚未接到正月二十五日接
劉松山十四日來牘據稱初十夜四鼓吳忠各營飛報有馬步賊
千數百名由東南胡家堡竄至秦渠南踞石家莊一帶空堡及馬
五馬八條馬七三寨劉松山以石家莊距吳忠堡東南四五里該
各寨扼秦渠之要與下橋永甯洞水口緊接地勢在所必爭立督
步隊四營及親軍馬隊馳往吳忠堡天明抵石家莊見賊已於西
南廢堡修成三壘矣劉松山飭譚拔萃周國勝李占椿易致中曾
松明朱德開趙彩照等三路齊進各指一壘奮力齊攻一鼓克之
其東西兩壘之賊逸出者投入馬五寨劉松山卽令易致中朱德
開分駐三新壘計樊陝回甘回一千數百名頭目馬幅喜亦經焚
斃生擒七十二名正法軍前弁丁陣亡者三十七名受傷者一百
零七名收隊後劉松山周覽正南馬五寨正東馬八條馬七兩寨
牆厚濠深殊不易攻留之則終爲後患遂令各營逼寨築壘以便
圍攻十二十三兩日壘成十四日飭各營齊隊往攻未下午後忽
有援賊馬步約二千餘自東南馳至排列營前二三里以時日考
之當卽臨洮謝四及靖遠龔子也劉松山懼其入各寨助守以抗
官軍適是夜金運昌先勦援賊黎明各路齊出步賊陣於各破堡
之前馬賊左右排列布陣甚整劉松山令先勦騎賊李占椿趙彩

甘肅新通志

卷四十七

兵防志 戎事下

三

照分左右鈔擊火器迸發刀矛繼進騎賊先奔步賊仍屹立不動
劉松山麾各軍奮威衝殺賊殊死鬪屢卻屢前騎賊仍縱馬回撲
官軍銳氣百倍縱橫盪抉樊悍賊甚多賊始向東南胡家堡一帶
竄遁沿途冰凌凝滑馳走不前官軍追殺五里乃收隊計共斃馬
步悍賊近千名奪獲善馬百餘匹槍械無算劉松山傳令乘勝攻
馬五寨寨大而堅悍賊踞寨東一卡誓以死抗劉松山飭譚拔萃
周國勝李占椿曾松明攜攻具攻寨飭易致中朱德開趙彩照帶
所部截馬七寨馬八條寨來援之賊合金運昌率兩營列隊該寨
東北防馬五寨逸出之賊布置既定譚拔萃等揮所部由寨邊繞
出徑薄外卡一鼓齊登克之外卡悍賊百數十名無一脫者劉松
山急督各弁丁舉薪焚寨門策馬由寨下督攻益急忽爲寨中飛
子洞中左乳墜馬弁丁負入破屋中譚拔萃見統領受傷齊來看
視劉松山叱令速督所部猛攻毋因顧我亂行列譚拔萃周國勝
曾松明李占椿見統領受傷含淚而出手執火礮四面梯登督各
弁丁猱附繼上縱火延燒見賊卽斫寨賊焚死溺死墜牆墜井者
無數生擒賊目馬五收隊繳合劉松山諭以受傷已重不得復活
爾等殺賊報國我死不恨言畢氣絕是時攻馬七寨馬八條寨
之隊仍未撤也據總理湘軍營務布政使銜卽選道法福凌阿巴
圖魯劉錦棠記名提督瑚松額巴圖魯黃萬友分統左軍記名提
督江蘇蘇松鎮總兵法福凌阿巴圖魯章合才分統右軍記名提

督綱武巴圖魯蕭章開會稟前來臣接聞之餘悲悼不已竊維劉松山由湘鄉勇丁從征積功洊擢廣東陸路提督轉戰湖南湖北江西廣東福建江南河南陝西山西直隸山東甘肅各省勦辦長髮捻回各巨寇無役不從無戰不克疊蒙天恩頒賞小刀火鏢大荷包小荷包賞換達桑阿巴圖魯勇號賞穿黃馬褂賞給三等輕車都尉世職劉松山感荷殊恩力圖報稱自入靈州以來蕩平堡寨五十賊巢九十餘皆策馬前行躬冒鋒鏑回逆之會犯顏行者無不聞名膽落上年七月初師由花馬池前進時馬化隆潛調西甯馬尅三噉撒回助逆馬尅三以千五百騎應未及一月經劉松山勦敗喪其大半遁歸自此西甯逆回不敢復至西甯鎮總兵黃五賢前來營時為臣具道其詳彼時劉松山不辨其為西甯回番與各堡甘回未形諸公牘也河州逆回馬占蓋前在甯夏大言以股眾助陝回及劉松山屢捷目覩軍威不敢復逞故此次馬化隆來援於臨洮謝四及靖遠馬龔子而河回未與之俱其威震西陲如此臣方冀靈州賊役奏請駐師甯夏以取猛虎在山之勢為西陲規久遠不料事未了而忽有此變也其治軍嚴不尚苛察其臨財不苟取其布陣方圓平銳疊用得古人靜如山動如水之義其居心仁厚而條理秩如語及時局艱危輒義形於色不復知有身家性命從征伐者十有八載僅因募勇歸籍一次家居十餘日耳年已三十有七聘婦未娶者二十餘年臣由直隸西

甘肅新通志

卷四十七

兵防志 戎事下

番

旋時知其婦家送女至南陽兩年餘矣囑其行抵洛陽於募勇未到之暇尅期完婚適甘肅土匪二十萬蔓及延榆綏一帶臣飭其派隊由山西渡河入秦劉松山奉檄即行屆婚期甫半月耳觀人於微雖古良將何以過之合無仰懇天恩飭部將劉松山照提督陣亡例從優議給卹典加恩予諡飭祀京師昭忠祠並准陝甘各省建立專祠而以所部陣亡各員弁附祀其劉松山各處戰績並乞宣付史館立傳表彰以慰忠魂其遺孀以俟道路疏通臣當派員護送歸籍仰副我皇上軫念忠勤至意

黃鼎軍援雷正綰部將韋占雄戰死

鼎護糧運至甯安堡聞賊方攻雷正綰營急馳赴援賊聞解圍

伏其精銳以羸師迎敵鼎麾軍擊之賊佯敗正追聞伏賊四起截官軍後路鼎率韋占雄等下馬力戰占雄陣亡是日劉錦棠戰敗金積堡賊敗賊知峽口戰甚急遂蜂擁截牛頭山後路鼎見賊益集急集方陣徐退正綰乘賊與鼎相持率部眾突圍出峽口各壘盡為賊踞進攻之路失矣劉錦棠與金運昌兩軍夾河築壘以護運道胡家堡賊屢來攻取均擊敗之

二月劉錦棠破金積堡賊於板橋

金積漢伯二堡賊麇集板橋圍攻董福祥等營福祥等擊敗之時棗

圍堡逆黨憑秦渠日夜築隄設卡金運昌會蕭章開何作霖易致中分三路進勦逾時金積堡援賊至錦棠派馬步軍助戰自督軍

策應賊仍敗遁老巢次日騎賊數千至板橋步賊一出正北決隄一撲金運昌營錦棠麾軍援勦而隄已決乃鳧水猛進黃萬友等越渠橫出賊前步賊先竄黃萬友開礮迭轟騎賊乃逸

金運昌築蔡家橋壘賊至伏兵殲之

胡家堡等處賊決水掩河西運道劉錦棠築隄濬溝以拒之賊據山

水溝以擾運道

胡家堡王洪堡賊決開山水欲掩吳忠堡河西運道錦棠令各營連夜修堦引水入黃河金積堡賊復運甌石築卡於城北環以長隄欲引馬連渠水以困官軍錦棠遣兵平其卡合傍壘築長隄北抵黃渠南接金積堡里許復濬溝堵洩賊計窮憑東南山水溝設卡築壘擾官軍赴河西運道分股犯各軍營

劉錦棠勦山水溝賊克其三壘

金積堡附近各賊治漢伯堡波浪湖隄出胡家堡而東官軍憑牆抵禦及左軍馳擊賊退向吳忠堡而去錦棠遂合各軍進勦山水溝賊時賊已築三壘近壘野潦縱橫各軍憑水進擊錦棠由右金運昌由左賊入壘拒守官軍猛進環攻礮彈雨注一鼓克其三壘次日賊復赴山水溝修廢壘錦棠通昌復督軍進擊賊出山水溝拒敵錦

甘肅新通志

卷四十七

兵防志 戎事下

五

棠結陣與賊相持運昌率軍由北路鈔出各軍前後夾擊賊敗回胡家堡

劉錦棠襲靈州王銀柵賊壘平之馬化澂乞撫不許

賊復於靈州西南五里王銀柵

立二壘覬覦州城錦棠聞之急入其城會防軍襲平其壘賊計無所出馬化澂率其子耀邦至軍乞撫退軍錦棠不許

賊擾預望城陷阿布條堡

馬正和黨竄擾預望城是夜騎賊千餘陷阿布條堡周紹濂聞警率軍截擊賊遁

賊圍李旺堡副將李光賓擊退之

光賓守李旺堡賊圍之以礮火轟擊敗走黃鼎李良穆各軍復追勦

於下馬關韋州等處斬獲甚衆

陝回復竄入靈臺邵寨崔木等鎮吳士邁率兵追及之賊遁

賊折竄長武道

員朱明亮自涇州截出敗之賊由焦村向蕭金鎮荔家堡西趨魏光燾聞之分兵守慶陽合兩營疾趨甯州自率軍追至焦村附近揮隊擊之截賊爲兩一折回焦村一趨蕭金鎮光燾督參將袁海壽譚吉士壓勦而前賊悉銳死拒光燾合馬步夾陣外環刀子間以槍礮鏖戰一晝夜軍士勺水不入口至黎明賊陣漸亂乘機衝突賊大潰是日總兵熊道濱副將蕭玉元知縣羅壽昌等亦由驛

馬關西峰鎮馳勦截賊於打家河夾擊敗之賊棄驟馬輜重向三岔河預望城一帶狂遁適徐占彪蘇如松截勦馬正和殘黨獲勝而回訶賊自預望城東南三十里毛居士井狂奔而西占彪等夜襲之三路齊集大呼陷陣當者披靡蘇如松率馬隊從後兜勦而來賊全股遁往毛家墩伏兵截擊賊狂號亂竄向下馬關敗走官軍追及零落星散踰溝越嶺而逃不復成股始振旅而還

周紹濂遣兵擊賊於滿家川等處

西山李野賊李存昇李讀兒馬百長楊茂林等聚眾五六百人蜂聚

馬驛掌楊家溝等處周紹濂飭張大雄周玉林自李旺堡進勦敗之滿家川樊賊數十賊聚楊家莊張大雄復襲之斬馘甚眾獲牲畜糧食器械並驛遞所失文報餘匪四散遁走時明七十子盤踞劉家臺黃鼎飭徐占彪領馬步四營由固原襲破之訶知明七十子及毋仲元等竄距狼兒溝元城子黃鼠鑽爲巢徐占彪飭陳春萬趙興隆劉心灼分三路搏之殺斃多名餘匪復聚教場川官軍追勦賊已宵遁適李野賊殘黨竄距圪塔紅麻川良回王益萬飛報丁賢發卽遣吳起雲張玉良整隊馳勦圍而攻之生擒楊滿志馬環環子李七餘子馬割臍子等十一名墜巖死者不計其數其竄入鐵家溝者又經于維槐及穆進善旌善馬隊勦之生擒逆目馬宗祥東山賊鄭仲祿擾至三關口劫掠糧馱護運副將盛照魁所部哨弁楊雪亮猝遇賊戰歿盛照魁率隊追及斃賊數十名

甘肅新通志

卷四十七

兵防志 戎事下

美

盡奪其糧
馱而還

提督陳廣發擊破賊衆賊奔固原黃虎臣追勦之

廣發自瓦亭率隊護運糧餉行抵海

口子偵知明七十子之黨馬步數百出巢因伏山溝左右賊至突擊多所斬獲賊奔固原黃鼎所部黃虎臣揮馬隊截之擒斬多名

趙興隆等襲破狼兒溝賊巢

趙興隆何玉超林定遠等護運糧餉至高崖子遇賊逐率隊由海子山溝進勦

賊據險抗拒官軍冒險急攻良回楊如雨將逆目海滿寬縛獻正法軍前降其餘衆訶知明七十子鄭仲祿踞狼兒溝襲破其巢斬獲無算楊如雨言鄭仲祿帶傷後被亂刀斫死驗之良確明七十子單貴兩賊隻身遠竄黃鼎飭楊如雨捕之餘賊投誠安插其分竄環慶之賊目李化魁蘇進萬李良友張義全被魏光燾慶陽府謝大舒環縣余甫勦派隊截擊陣斬蘇進萬李良友張義全餘賊無幾不能成股

道員湯聘珍督兵勦賊於石灰溝口

河狄回乘官軍方勦北路又爲馬化澄所喉時出竄擾自狄道

渭源出漳縣之三岔湯聘珍親督梅開泰往勦賊已遁黃香溝急馳赴晉家堡僅截殺尾賊數十梅開泰與周文翔會合復勦之於

石灰溝口斬賊數百餘賊復聚老幼店范銘迎擊之斬獲殆盡

河州賊竄渭源熟羊城進犯鞏昌王得勝彭忠國擊之賊敗遁

西禮回劫周文翔營壘湯聘珍援之賊潰

西和禮縣逆目劉四花馬元張四等糾馬步賊三千

餘劫周文翔營壘湯聘珍得報合王光富率馬步前驅自督行隊策應進石灰溝口見文翔正與賊相持賊氣甚銳王光富怒馬衝鋒直劈賊陣馬賊遂亂步賊自山口來援聘珍麾軍鈔其後賊遂大潰周文翔分道截擊擒斬尤多

周開錫遣軍追勦徽成秦禮等處竄賊

賊目劉四花等自石灰溝口敗後遂由甯遠之灘坨禮縣

之馬鳴疾行而南傅先宗派丁桂智王銘忠率所部出新寺鎮截之賊已越鹽官蔓及成徽兩當周開錫飛檄王得勝自伏羌繞成徽而東會同丁桂智王銘忠馳出賊前高月桂李奉清陳天佑搆中堅傅仕海守鹽官扼歸路賊偵知乃由閒道竄秦州之甘泉寺開錫復令田連考扼朱家祠檄追兵倍道躡其後騎賊數百奔至田連考猛擊敗之是夜官軍雲集劉家堡會勦黎明馬步賊二千餘犯田連考營壘軍士堅壁禦之持至兩時之久高月桂等馳至內外夾擊賊向康家崖狂遁官軍躡至蘇家良馬隊亦至秦州駛

甘肅新通志

卷四十七

兵防志 戎事下

七

至乘勝鈔擊賊大敗遁白蠟溝官軍追之賊奔禮縣之永平鎮丁桂智王銘忠追及之賊不敢戰向西急遁官軍緊躡鈔殺賊奔益急棄輜重而遁拔出難民數百名餘賊出甯禮交界之栗子坪西奔入狄河

楊世俊擊陝賊禹得彥等於安定之馬家河賊敗走

方官軍追賊徽兩之閒陝回禹

得彥崔偉李經舉及河回米阿渾等同出狄道越安定之馬家河楊世俊率馬隊猛截之遇伏賊四面包鈔世俊改騎為步揮刀督陣相持四時之久世俊左脅中槍士馬亦多損失乃裹創嚴陣而退其零股竄謝家河敖天印率步隊會楊世俊所步馬隊張仲春楊德勳之塵戰三時賊敗向馬家河合股東趨連日擾及通渭之榜羅鎮秦安之龍山鎮清水之張家川攻犯城垣周開錫飛檄湯聘珍率馬步自漳縣轉旆而東並令王得勝田連考會擊清水之賊其花馬池等股敗賊以丁桂智王銘忠躡之

三月賊攻清水縣城湯聘珍率兵解其圍

賊犯甯州境知州楊大年擊卻之賊竄鎮原縣境

魚鱗川賊入甯州界知州楊大年率

城勇擊卻之竄至拜家河魏光燾擊敗之復竄鎮原之孟壩寺江得意截之於三岔河遂竄至固原之白家鄭黃鼎率馬步七營截

之徐占彪與戰於炭溝大獲全勝陝回李經舉即李金菊河回米阿渾即閔阿渾及從金積堡竄出之士回單仲明均經陣斬惟禹得彥四百餘騎仍由鹽茶竄走其西竄之崔偉一股約二千餘由隴州竄張家川復由秦安竄莊浪隆德之間徐文彥屢勦敗之不能復東由是馬化澂益失所望相皖兩軍之逼日益加急矣

劉錦棠大敗金積堡各寨賊

金積堡附近各寨賊數十成羣零星散布乘夜修濠意在引馬蓮渠之水入濠

阻官軍進攻西南之路錦棠合各營伺賊稍近用槍轟擊賊晝則歸巢夜仍加濬如故錦棠選壯士分道平其濠賊潛修仍如故錦棠整隊擊賊賊寨角聲四起傾巢排列濠外乃令蕭章開諭執益曹得勝前驅各路馬隊繼之步賊憑濠拒敵騎賊分鈔東南雙壽花良阿余虎恩躍馬陷陣擊賊騎蕭章開乘勢越濠以擊步賊軍士奮擊悍賊紛紛倒地餘賊不支向金積堡東門逸去越二日賊旂幟如林沿濠列隊翼蔽修濠之賊騎賊數千鈔過東西錦棠合步隊各營分三路迎勦合馬隊應騎賊部署既定陶應昇督周國勝張俊猛撲中路步賊死拒騎賊蜂擁而來雙壽花良阿馬隊一氣壓下錦棠飛催何作霖蕭章開分左右填濠而進各營悉銳衝殺賊屍枕藉餘向各寨狂奔各軍追斬無算生擒逆目馬二虎陳金子等百餘名訊明正法賊逆被重創而餘黨修濠自衛之

甘肅新通志

卷四十七

兵防志 戎事下

五

心仍不少懈

夏四月馬化澂遣賊竄大壩分水嶺三關劫官軍糧運黃萬友等擊

敗之

賊決秦渠馬蓮渠之水平地成川各營正併力疏濬忽西北風緊水漲數尺激湍衝鬻長隄勢甚洶湧李占春各營隨機堵截

或密排木椿或盛以布袋用茅包土實其中悉力捍禦次日風止水勢漸消賊計仍不得逞馬化澂復嗾零股馬步偷渡黃河西竄大壩分水嶺三關地方劫官軍廣武中衛山後糧運黃萬友督隊由葉昇堡渡河分兵赴三關搜勦自率李占椿喻執益駐大壩擒獲賊諜訊知馬正和黨自山後劫牲畜將回遂設伏待之少頃馬步賊三百餘絡繹而至伏起擊之賊狂號亂奔官軍分途躡殺淨盡時陶定昇張俊余虎恩由山後護糧東行三關五六里偵知陝回聞明馬順等賊眾前來因伏大隊於後而以寡迎之賊爭出奪糧伏起斃賊大半餘逆四散

金運昌遺提督王鳳鳴巡後路運道誅逆首馬繼元

運昌因東道梗塞合王鳳鳴率

馬步回顧花馬池定邊安邊梭巡後路運道遇賊百餘殲之誦賊攻東南民堡馮殿英何全忠襲之擒逆首馬繼元誅之

周開錫遣兵分勦南路竄賊

陝回崔偉至張家川周開錫令王得勝梅開泰出清水迎勦田連考湯聘珍出

秦州秦安之交遇賊南竄楊世俊敖天印出紅土窰而東王得勝會丁桂智王銘忠擊賊於清水之富家川賊攻民堡急各營馬步

蹙之賊敗遁張家川蔓及王家堡王得勝率馬步軍徑擣賊巢遇賊伏首尾不能兼顧陣亡弁丁二百餘名遂斂兵保清水適吳士

邁已躡賊後楊世俊敖天印之兵亦先後抵通渭賊畏官軍分道進攻乃越秦安竄田家坪蔓及靜甯之水洛城王得勝由西而北

與田連考湯聘珍梅開泰會合追賊至田家坪分左右路擊敗馬步賊躡至石門再敗之進軍水洛城賊正與堡民相持見官軍至

即奪路狂竄高月桂李奉清緊攝之多所斬獲賊趨隆德之門扇岔徐文秀楊正茂會同全福之馬隊截之賊遁靜甯之威戎鎮總

兵蕭尙謙率所部截擊賊由靜甯通渭之間欲西竄歸巢穴楊世俊敖天印偵知所向急出馬營監與周顯明嚴陣以待賊大股竄

近傅家岔華家嶺草芽溝雙墩堡等處官軍分三路勦之楊世俊馬步抵傅家岔賊列隊抗拒官軍縱擊斬數十名賊陣大亂適敖

天印擊敗草芽溝雙墩堡之賊出傅家岔兩面鈔擊賊不能支悉棄其所有踰溝竄紅土窰由馬家河遁歸狄道正追躡間諜報通

渭之渭陽堡續到海城逆回王占鼇一股楊世俊敖天印回軍勦之一戰斃其精悍再敗之於馬家店孫家坪等處生擒逆目海洋

甘肅新通志

卷四十七

兵防志 戎事下

五

花馬三阿達子等斬之崔偉一股歸巢者已無幾禹得彥自敗竄鹽茶後不復成列早已潛遁河狄

金積堡陝回陳林龔花馬池提督隋君廷擊敗之劉錦棠伏兵截殺

賊遂東竄

金積堡賊被圍乏食陝回餓斃者千餘賊目陳林率眾掠花馬池定邊一帶乘風雨潛襲花馬池城梯而登隋君廷

登城堵戰盡殲登者餘賊敗去陳林掠糧將回金積堡劉錦棠伏兵截殺賊棄糧竄奔合水之固城川甘大有截之敗奔甯州之襄

樂鎮及蘇家川甯州知州楊大年派譚新盛率防勇襲之賊復由正甯出邠長竄靈臺之邵寨魏光燾率所部馳至賊奔崇信副將

彭清和往勦賊遂逃散馬化澂率其子耀邦至大營乞撫並繳馬械錦棠仍未許

五月總兵傅先宗勦河狄竄賊克復渭源狄道兩城

南路河狄回自敗歸後竊出渭

源而南欲牽官軍以緩金積堡之圍周開錫傅先宗等各率軍至伏羌連日截勦又分股數千與陝回崔偉等合官軍痛勦追至渭

源值各回在城分糧私鬪聞官軍至譁然四散遂復渭源城進復狄道城並克牟佛提堅堡賊敗奔至喇嘛川范銘迎擊復竄秀石

關去其黨犯洮州豕麻亦為副將張廷秀土司楊元所創另股至秦州高廟山攻堡亦被擊退 附左宗棠奏疏竊南路諸軍五月

初二至十七等日節次勦賊獲勝大概情形臣等已於六月初八日馳報嗣據周開錫稟稱陝回及河狄各回殘黨自四月內負創歸巢比檄各軍乘勝進取該逆偵知復糾黨出渭源而南紛擾鞏秦各境蓋圖牽綴官軍也周開錫飭記名提督涼州鎮總兵傅先宗由鞏昌前進飭河州鎮總兵王得勝提督彭忠國梅開泰道員湯聘珍所部繼之飭湯聘珍各營留守鞏昌飭提督楊世俊總兵田連考等由秦州出伏羌防賊蹤繞出鞏昌後路比傅先宗進至丁家門賊衆已蔓及汪家衙王家河燒石灰溝矣五月初二日傅先宗令總兵蘇家良副將趙得禮率所部馬隊出王家溝口覘賊遇賊百餘敗之大股步賊忽蜂擁而至勢殊驕甚傅先宗整隊迎敵王得勝彭忠國率所部沿丁家門溝內蛇行出賊後拊其背兩路鈔擊賊衆大潰刺斃轟斃墜斃者七八百名初八日賊越燒石灰溝趨新寺鎮王得勝彭忠國移軍王家河斷賊歸路傅先宗直指新寺遇賊下川地方合四品銜守備何建威率所部精銳五營奮威衝殺自督所部步隊居後相機策應令馬隊斜出賊陣左右把總張照海千總王玉麟守備安定國等執旗猛進槍礮環轟提督丁桂智總兵王銘忠副將王應順躍馬貫陣賊敗退山腰復憑高反鬪傅先宗督總兵魏紹珍副將朱運廣參將李枝宏等一鼓衝上馬隊分由山徑併力鈔截四顧皆官軍奪路狂奔各營躡追二十餘里追墜崖塹而斃者以數百計餘逆越嶺南遁兩戰計共

甘肅新通志

卷四十七

兵防志

戎事下

卒

斃賊一千八九百名生擒賊目麻耀庭等一百三十七名奪馬械無算弁勇陣亡者八名受傷者三十七名此五月初二至初四等日傅先宗各軍擊賊於鞏昌屬之丁家門新寺鎮等處兩獲大捷之情形也提督楊世俊總兵田連考馬步由秦州出伏羌本爲鞏昌策應之兵初七日賊踰甯遠界竄伏羌西南八十里之禮辛鎮初八日楊世俊率所步馳抵禮辛賊又已竄甯遠屬之樂山鎮柏家山大石頭廖家莊等處楊世俊分途追之初十日辰刻始與賊遇列隊分拒官軍槍轟矛刺斃悍賊十數名賊且却且前提督張仲春總兵裴思朝遊擊馬有才率各旗馬隊併力衝壓直至謝家川大草川斬馘二百餘名生擒三十餘名奪其騾馬器械賊衆敗竄甯遠屬之余家塆杆大馬驢大寶嘴楊家河一帶十五日楊世俊商同提督李奉清田連考選銳卒分途搜勦自率馬隊出李家溝門賊瞥見官軍旂幟復向禮縣屬之馬塢狂奔適李奉清隊伍自大馬驢追出與楊世俊田連考之兵合擊賊於草塘河緊躡至岷州東北界之狼渡灘呂徑河沿途斬馘賊數十名賊棄糧畜輜重復向鹽官遁去適周開錫所派宗岳軍副將管春林等先至鹽官據險以待十七日賊至管春林等急起截之殲賊數百官軍弁勇亦微有傷亡此五月初十至十七等日楊世俊田連考李奉清管春林馬步擊賊於甯遠縣禮縣等處獲勝之情形也據逆目馬轄比馬生兒等供河回馬俊馬耀廷馬六十及叛附狄河之鞏昌

逆回馬一麻張二司務監關逆回馬元等六七千眾分爲大小四股本圖由鞏昌甯遠禮縣走徽成擾甘南腹地牽經官軍崔三馬及大師等約隨後踵至不意連受痛創馬俊馬耀廷初四日斃於甯遠下川馬元墜崖不知下落初十日馬一麻又斃於陣餘眾迭經官軍擊散冒死西遁不復成股自此伏羌甯遠隴西禮縣地方轉鞏昌鼓行而西兵抵首陽城誦逆眾千餘踞渭源城陝回與狄河各回正因爭糧私鬪聞官軍至惶懼思竄十九日傅先宗等馬步收復渭源縣城乘勝奪一杆旂之險就地築壘一杆旂地方距渭源十五里距狄道百里形勢險要爲西南一大關鍵周開錫比合梅開泰分營扼之檄傅先宗率諸軍一意進攻自督楊世俊田連考之兵進鞏昌以備策應飭宗岳六營仍駐秦州六月初二日傅先宗等整齊隊伍趨慶平踰窰店前行四五里遇伏賊數百擊之擒斬多名初二日傅先宗王得勝何建威彭忠國等分三路進遇賊首六阿渾禹得彥慣戰之賊數千大戰於狄東三十里堡斬悍賊數百生擒二十餘名沿途賊卡悉數平毀初三日各軍敗賊於狄城三里乘勝直薄城下王得勝帶隊衝入北門傅先宗帶隊衝入東門巷戰逾時賊由西門狂竄越洮河而西官軍感至河邊刺斃溺斃無數牟佛諦守堡之賊數百見官軍已拔狄道州城震駭之餘開門乞撫傅先宗等麾兵亟進賊敗入堡中官軍躡之立

甘肅新通志

卷四十七

兵防志 戎事下

空

復牟佛諦堅堡餘賊見水逃竄此傅先宗等各軍連日進攻迭獲大捷克復渭源狄道兩城並牟佛諦堅堡之大略情形也竊維甘肅各軍乘崔禹李米諸逆竄陝敗歸截勦復迭勝復乘勝長驅連復渭源狄道城池平諸卡寨機勢尙爲迅利牟佛諦即陝回馬榮別名所踞北莊在狄道州城東南三里樓堞高聳崇墉屹立前此雖克州城而北莊未能攻拔致爲厲階此次一攻卽下固非始願所及也以局勢論之宜長驅並進規復河州惟自秦州池西而鞏昌而狄道四百餘里中間渭源屬境二百餘里彌望蒿萊人煙斷絕大軍前進後路須節節設防以護運道防兵多則進剿之兵少察看河州賊勢未可虛弦下之非俟北路甯靈肅清由蘭州出兵難期得手論兵勢須防後路通饒運論賊情須斷句結取遠勢未可重勦輕防致有疎失也

西甯賊馬文義黨攻丹噶爾廳白水莊圍勇禦之陣斃賊首馬三巴

子賊敗遁

劉錦棠擒賊酋王洪會金運昌攻克馬七馬八條兩寨

馬化澂與穆生花以乞撫

不得乃求暫居板橋吳忠堡一帶耕作錦棠漫應之逆首王洪又請修秦渠各隄放水蔭田亦暫許之數日後果有回民百餘試修

官軍相戒勿動錦棠夜率隊分三支一伏永甯洞一伏下橋一伏渠北次日賊來修隄伏兵起生擒王洪及逆回二百數十餘人悉殄之錦棠遂與金運昌攻馬化隆之弟馬七馬八條二寨克之

六月劉錦棠攻克郭家王洪兩寨連日乘賊割麥攻克郭家王洪二大寨

周紹濂誘斬馬家河賊目馬忠海丁賢發捕斬韋州堡賊目蘇兆明

等馬家河賊目馬忠海陽雖受撫陰仍黨逆紹濂乃令忠海赴平涼而令馮桂增徑擣韓家水賊巢破其五堡搜獲忠海通賊書遂磔

忠海於平涼時韋州堡賊目蘇兆明自受撫後仍持兩端匿竄賊左宗棠令丁賢發率兵捕之及抵韋州竄賊已遁賢發佯與約期議事至期兆明率賊目集賢發數其通賊罪斬之自此金積堡東路漸平宗棠乃令正統黃鼎統中路諸軍進攻峽口

劉錦棠攻克蔡家橋水口大破金積堡附近各寨錦棠督軍進薄蔡家橋奪據水口攻

破小何家寨自東南攻環近金積堡各寨大破之陣斬二千餘賊遂竄入金積堡錦棠乘機攻勦李花橋池西賊寨金積堡賊援仍出助總兵趙彩照力攻陣亡

甘肅新通志 卷四十七 兵防志 戎事下 三

秋七月穆圖善追敗河州賊於皋蘭北山之兔窩

雷正統黃鼎攻克張恩堡遂破峽口及古靈州城雷黃兩軍自奉檄後由中衛四百戶

而進攻破張恩堡逼攻峽口破其五壘遂據秦漢馬連三渠金積堡賊萬餘屯古靈州城以護秦漢兩渠官軍乘勝一鼓克之

八月黃鼎攻克丁家堡誅逆首丁一剛金積堡各賊出援附近各卡寨官軍擊敗之又敗於乾溝

進破其卡盡殲守卡賊遂攻丁家堡黃鼎令各營繞漢渠築壘斷金積堡援連日急攻馬耀邦敗走洪樂堡遂克丁家堡誅逆首丁

一剛於是兩路獲捷左宗棠同日馳奏附左宗棠北路官軍連克寨壘大獲勝仗疏竊北路各軍六月二十三日以前戰狀臣已於七月十八日陳奏續據劉錦棠黃萬友稟金積正北蔡家橋在秦渠之東春間賊設卡於橋西半里許池西而北逾東南為長隄

隄外引秦渠馬連渠之水為濠環之官軍非奪蔡家橋水口不能徑薄金積也六月二十八日會同金運昌馬步越秦渠列陣分兵扼蔡家橋水口立營正部署聞金積秦霸棗園各寨賊傾巢而出官軍

前隊屹立待戰後隊趕緊修壘午後賊爭水口益力劉錦棠令何作霖蕭章開譚拔萃等步隊悉銳向賊寨猛進提督余虎恩熊有常周雲祥譚上連副將郭宗義等馬隊橫截而出敗賊胸縮入寨

官軍壓追至金積西北寨根而還日晡壘成分營駐之蔡橋水口既得可以扼秦渠之要而沿濠賊卡尙多七月初四日三鼓劉錦棠潛師夜起合軍士攜草束衝過賊卡越濠而壘行抵賊濠卡賊驚覺拚死拒敵官軍擲草填濠而過就地築壘分馬步兩支左右鈔出護砌礮臺適金積東南各堡角聲四起賊黨分布寨邊搦戰迨漸集漸衆官軍始分數路突起衝殺敗賊向金積東關竄其敗走不速及誤入官軍陣中者悉就戮焉初五日黎明賊仍蜂出營見金運昌所部出隊恐截其後乃縮入寨中官軍會合踏毀長濠數十丈分營駐濠內而還兩戰劉錦棠一軍斃賊約六七百名并勇陣亡七名受傷三十六名此六月二十八日七月初四初五日湘皖兩軍奪蔡橋水口越賊濠立營連獲勝仗實在情形也劉錦棠察看形勢此連蔡橋之棗園堡迤西有小何家寨東爲蔡家寨皆濱大河可急攻而下初七日約金運昌馬步各攜攻具前往甫抵及秦渠之北棗園金積援賊麇至劉錦棠合馬隊鈔過何家寨拊賊之背軍功董福祥張俊李雙良等當左路何作霖蕭章開陶定昇王承贊等當右路自率提督易致中譚拔萃周國勝喻執益步隊直薄寨下合馬隊併力夾攻適余虎恩等已挑驍卒先登步軍繼之冒礮石揮鋤掘堡腳一鼓拔之蔡家寨賊見鄰寨已破慌向大何家寨遁走劉錦棠縱馬鈔殺一面督步軍乘機奪寨門而入斬逆首何登榜及賊衆五百餘棗園金積援賊見兩寨齊破鼠竄而東是役奪牛羊馬匹百數十頭槍礮刀矛三百餘件劉錦棠一軍陣亡十一名受傷五十三名此七月初七日湘皖兩軍攻克小何家寨蔡家橋擊退援賊獲勝實在情形也逆首馬化澂以蔡家橋旣失小何家寨蔡家寨又經攻克畏官軍逼攻愈緊復於卡西築隄瀦水旁溢以阻官軍劉錦棠約金運昌急勦之初八日黎明官軍馬步向蔡橋進發金積秦壩棗園各堡之賊排列堡前及秦渠迤北金運昌率隊循渠堰而進劉錦棠率隊一列渠南一列渠北騎賊已鈔過北面之右步賊繼之副都統雙壽余虎恩等躍馬斫陣立斬騎賊多名各路馬步一齊猛撲賊且卻且前鏖戰兩時官軍銳氣百倍馬步賊大敗狂奔而西官軍從各寨礮石中轟踪猛追刺斃轟斃之賊無數初十日會割棗園堡北之麥襲攻周家寨寨垂破矣忽金積秦家壩大股悍賊來援劉錦棠金運昌麾軍擊之擒斬三百餘收隊而還十二日五鼓踰永甯洞沿秦渠而下攻王洪寨金運昌列隊寨西劉錦棠列隊寨南雙壽馬隊伏寨東廢堡官軍施開花礮子連落寨內馬步賊千數百齊出東門與雙壽相持分股繞寨北而西抗拒金運昌軍金運昌合軍士向西南詐敗誘賊一面約劉錦棠派隊鈔擊之賊果出隊遠追距寨約四里許劉錦棠分遣馬步橫出截賊爲兩金運昌轉旂突擊之尾股沿寨腳遁入北門前股三百餘名無一脫者維時雙壽正牽制東面之賊劉錦棠益以陶定昇等步隊斃賊亦夥總計初八初十

十二等日共斃賊一千三百餘名生擒三十七名奪戰馬五十六匹槍械四百餘件十二日之戰據賊供王洪寨首逆王鵬已經官軍矛刺墜墜伏誅矣各戰劉錦棠一軍弁勇陣亡二十七名受傷一百六十名此北路連日攻勦卡寨獲勝實在情形也自賊復築隄於蔡橋卡西官軍隨時疏濬而積潦縱橫仍礙馳騎至十三日辰後劉錦棠金運昌會商各營既搶過賊濠應扼紮賊隄逼水反灌遂傳令步軍由東南息水進隊立營金運昌率所部進左劉錦棠進右布置甫定賊沿途開槍抗拒劉錦棠合各路隊伍奮威衝殺賊衆望風先潰官軍上隄卽砌礮臺一面分隊嚴陣以待金積秦壩各賊果傾巢而出金運昌率所部當左路劉錦棠率所部當中右兩路待賊撲近以槍礮測準輪轟回衆敗而復前者十數次悍黨中槍斃者已不可勝數矣尙排隊遙相牽綴劉錦棠金運昌催三成隊併力修壘餘仍列隊如故薄暮賊復糾大股悍黨逼何作霖蕭章開陣前索戰各營奮威壓勦直薄金積卡前賊拋械滿地奪路鼠竄是役斃賊以千數百計拾旂幟槍械無算生擒三十餘名據賊供是日馬化澂陝回余彥祿陳林馬老五馬長順馬必政沙學賢馬政國各選悍賊與官軍決死戰圖奪回長隄不料連戰連敗也訊畢斬之四日壘成就隄決水反灌金積西北該回復築隄禦之十六七兩日劉錦棠合雙壽隊伍割棗圍堡迤西麥苗零股賊黨護救官軍均有擒斬連日之戰劉錦棠一軍弁勇

甘肅新通志

卷四十七

兵防志 戎事下

畝

陣亡三十九名受傷一百零九名此六月十三至十七等日北路官軍搶越賊隄立營連日勦敗逆回大獲勝仗實在情形也金積東南爲馬連渠從前誤呼爲波浪渠渠上新築三壘馬化澂派僞參領金嶺踞其中與官軍板橋營壘相抗二十二日五鼓劉錦棠率步隊六營徑搆其中一壘預令陶定昇易致中伏壯士於壘前高粱叢中黎明賊開壁飲牲畜伏起壯士奪門殺入劉錦棠麾大隊隨後擁進羣賊驚起持械死鬪軍士短兵相接斃賊數名餘黨紛紛墜牆而下經副將趙彩照邀截狂奔左壘其越牆不及之賊二百餘名聚而殲之賊壘中搜出七月七日馬化澂僞檄喉僞協領何生州僞參領馬兆圖金嶺等助逆目王鵬力抗官軍者也據擒賊供金嶺喉黨抗拒官軍已中槍死馬兆圖卽馬又條之子並陝回頭目馬長春初八日蔡橋之戰均斃於陣矣劉錦棠以中壘既克乘勝攻左右兩壘而金積各堡援賊大至遂約金運昌合隊攻壘加調馬步隊伍擊援賊迨騎賊從東南鈔來官軍正持滿而發銳不可當騎賊敗退步賊復衝進左壘合勢穩抗維時金運昌之兵適破右壘士氣益勝劉錦棠各路乘機撲左壘而馬步援賊復傍壘死抗雙壽余虎恩等縱馬衝突步軍繼之當者辟易援賊雖敗壘賊猶穩拒不動官軍截其去路一面整隊小憩調開花礮環攻炸彈轟入堡中壘賊始亂各營併力撲上克之乘勝進馬連渠之李花橋距金積東南正南一二里將大小賊卡十一所概行

踏毀餘賊有奔向西南中鶩堡者有奔向正東漢伯堡者日晡收隊即紮賊壘自是金積與中壘王洪胡家各堡聲息不通河西通昌通貴賊糧亦斷矣二十四日劉錦棠增立營壘於金積堡正東里許分馬步數路準備勦賊賊衆擁出堡外見官軍按隊勿動馬步賊漸前放槍吶喊中軍鼓聲起各路官軍衝入賊陣賊即潰敗復併聚東門外卡開礮抗拒相持至初更新壘已成賊亦縮退連日之戰斃陝甘逆回約千四五百名奪牲畜槍礮刀矛甚夥訊之生賊知逆日何標馬允吉均於十二日破壘時伏誅矣各戰劉錦棠一軍弁丁陣亡二十七名受傷一百二十一名此七月二十二三三四日北路官軍連破賊壘擒斬逆首勦賊獲勝實在情形也二十五日巳刻金積東南賊衆忽向西趨劉錦棠擒生賊訊知中路雷正綰黃鼎徐文秀諸軍已奪峽口之險馬化澂方曠賊衆往援劉錦棠合步軍列金積堡東分支沿馬連渠攻李花橋迤西賊寨馬隊越馬連渠向中鶩堡鈔擊金積堡出步賊七八百鎗入李花橋前寨助守礮石雨注中初西面塵氛大起劉錦棠料賊衆自西敗歸撤攻堡隊伍截之殺傷甚夥二十六日劉錦棠督隊收中鶩堡一帶禾稼午後回營該堡回黨數百跟隊放槍雙壽余虎恩等返旂掩殺小有擒斬二十七八日出隊割漢伯堡之麥二十九日出棗園堡迤西何家埧割麥申初金積馬賊出巢救護劉錦棠麾軍擊之斃賊數十名自二十五至二十九日各戰轟殺斃之賊六

甘肅新通志

卷四十七

兵防志 戎事下

奎

七百名生擒十五名劉錦棠一軍弁勇陣亡八名受傷九十三名此北路各軍連日攻擣賊寨勦賊獲勝實在情形也 又中路官軍奪取破口大勝疏竊臣前檄中路諸軍文黃鼎會同雷正綰總統於四百戶取齊出何家堡合規破口七月初四日雷正綰黃鼎詞馬化澂僞領員袁希義綽號皮英者率悍賊先入張恩堡扼險以抗官軍是夜各派馬步潛起襲之仍留兵守何家堡防滾泉溢出之賊初五日黎明官軍抵張恩堡賊驚覺憑壘拒敵提督徐占彪閻定邦等麾隊猛攻技花籬越重塹搶入外堡斃賊數十餘賊爭入堡中並焚積薪於堡門誓以死守礮石如雨官軍環攻半日未下申刻金積援賊蜂至雷正綰黃鼎分兵截擊於牛頭山合力攻堡植木爲梯冒磚石猿升而上守賊憑壕斫刺壯士登而復墜者再比合各營環濠築壘選健卒於寨旁掘地道攻之初六日五鼓地道將成悍賊二百餘開壁突出官軍遮其出路槍轟矛刺賊屍遍地生擒四十餘名立斬於陣乘勝搶入堡內搜斬堡賊淨盡當賊衆突圍時賊自袁希義率悍騎數名奪路狂奔提督徐占彪急督千總楊永興張占彪躡里許生擒之據供張恩堡本馬化澂先鋒袁希孟所踞袁希孟調歸金積馬化澂見前路進兵急嗾袁希義領死黨據守以固金積破口藩籬不料官軍大至晝夜環攻不息堡陷就擒也臣維去冬雷正綰等進兵張恩堡先克東面依崖兩堡袁希孟佈駭比率西面堡衆繳械乞降雷正綰受之本年

袁希子孟復助馬化隆爲逆河南北遭其蹂躪此次袁希義授首居民聚觀如堵同聲稱快是役官軍弁勇微有傷亡此七月初六日雷正綰黃鼎各軍攻破張恩堡擒斬要逆殄除餘黨大獲勝仗實在情形也張恩堡旣開可圖破口臣前合提督陳廣發參將馮南斌由四百戶渡河而西扼破口北岸以收夾擊之效初十日提督陳廣發等詞回騎越河西劫糧整隊出廣武截賊入塔廟渡口殺斃淹斃數十名獲其輜糧餘賊有奪船搶渡者有越山狂奔者官軍僅受傷六名而已嗣是兵扼河西而破口之賊從龍王廟渡入塔往來納家關王家壘各回堡之路以斷雷正綰等布置後路防務陸隊進牛頭山逼破口而壘維時臣檄調之廣東高州鎮總兵徐文秀各營亦先後踵至會師牛頭山賊見官軍雲集連日堅壁不出意在恃險死守二十二日黃鼎約陳廣發馮南斌進唐渠口合各軍從牛頭山進是日馮南斌等偵零股逆賊劫糧廣武歸將乘夜出入塔偷渡破口卽伏兵入塔山溝以待二鼓逆衆絡繹而至伏起盡殲之生擒賊周閻兒楊長林據供隨同頭目馬四子自哈喇湖攜糧歸至此不料忽遇官軍馬四子已中礮落河而斃二十四日辰刻雷正綰黃鼎督攻破口徐占彪隊伍甫近賊壘賊開壁迎敵徐占彪率總兵陳春萬參將朱蘭亭各營鏖戰正酣金積池西各堡之賊絡繹來援黃鼎率提督黃有忠總兵何玉超黃虎臣陳攀先趙興隆遊擊李洪超李登高等扼牛頭山右截之雷正

甘肅新通志

卷四十七

兵防志 戎事下

突

綰黃鼎徐文秀各軍爲策應併力將援賊擊敗轉旌勦破口之賊賊敗退河岸陳廣發馮南斌列陣對河槍礮排轟賊兩面受敵遁伏壘中徐占彪之兵躡殺入壘徐文秀率總兵蕭寶林遊擊陳締高繼之連破賊壘二座餘三壘爲雷正綰圍定邦各營所克殘賊東逸黃鼎派隊截之無一漏網五壘悍賊千數百名轟斃刺斃淹斃淨盡生擒賊供逆目王大閑丁逢翔馬紀成均轟斃壘中突是晚復有河西接濟賊糧逆回來入塔口呼渡尙不知破口已爲官軍所奪也陳廣發馮南斌潛起掩之盡獲其輜重二十五六七日金積各堡馬賊數千復爭水口均經各軍擊敗擒斬千計自七月初十至二十七日斃悍賊二千餘奪戰馬駝騾糧食器械無算官軍傷亡百餘名此中路官軍奪取破口連克賊壘擒斬要逆痛剿援賊大獲勝仗實在情形也破口旣得秦漢馬連三渠之首皆爲官軍所據二十八九日金積馬步賊萬餘憑漢渠列隊古靈州城護常家灘丁家堡同衆於漢渠達秦渠之處築卡濬濠以抗雷正綰黃鼎會商必先奪古靈州城破賊寨卡而後可長驅逼金積西門三十日徐文秀徐占彪越漢渠立營賊踞伏不出憑卡放槍申刻壘成徐占彪帶勇士攜火器星夜襲賊卡破之乘勝搶入古靈州城賊狂號亂竄棄壘而奔八月初一日黎明馬賊綠山包裹而來步賊分股伏漢渠隄下大股排列渠岸雷正綰麾隊擊馬賊綠山右進徐文秀各營進中路擊步賊黃鼎率大支人馬橫列步賊

之左分兵傍渠布陣防伏賊部署既定副將李廣珠遊擊陳天壽
都司熊祥麟躍馬突陣與馬賊相持總兵劉治均外委吳元璋張
兩翼猛鈔之賊敗而復前雷正綰正揮刀督戰徐文秀隊伍一齊
撲上馬賊不支沿途步賊蜂起刀矛直前黃鼎督徐占彪馮南斌
等橫貫賊陣縱橫盪決賊大敗歸巢屍骸枕藉各軍薄暮收隊初
二日官軍步隊伏古靈州乾渠一帶馬隊向賊濠外卡挑戰適騎
賊百餘出巢掠陣雷正綰整隊壓勦而前忽遇大股悍賊從廢堡
中衝出勢幾不支黃鼎徐文秀立督各營援應將賊擊退徐占彪
復率隊從乾渠內繞賊之後兩面夾攻賊大敗初三日五鼓黃鼎
合徐占彪選壯士直撲賊卡賊自夢中驚起倉皇狂遁官軍遂搶
過賊濠守濠之賊不敢抵拒爭入丁家堡官軍躡賊堡根卡內礮
石雨注未能驟克徐占彪即扼賊卡而營雷正綰列隊濠外用槍
礮更番仰轟徐文秀督遊擊劉增外委楊得高李勝忠施放後膛
開花大礮炸彈飛落卡中當者立碎各營乘勢一躍而入盡殲卡
中賊無一脫者堡賊猶憑牆排立以抗官軍黃鼎遣各營繞漢渠
出秦渠中空之地築壘斷金積援徐文秀仍連開後膛大礮子穿
牆而過堡中賊眾慌亂遂突圍而出將並趨金積堡雷正綰徐文
秀催督隊從堡牆缺口躍入遇賊即斫殺無遺其先逸出之賊
黃鼎預派徐占彪黃有忠朱蘭亭胡起雲等挺矛以待得免逃者
十餘騎而已擒生賊常愷供本係靈州廩生同治二年陷入金積

甘肅新通志

卷四十七

兵防志

戎事下

李

者馬化澂以丁家堡地形扼要曠逆子馬耀邦馬建邦等領悍賊
駐守初二等日兩戰悍目楊自得即楊大娃子及關成丁永等
均經官軍陣斬逆子馬耀邦等敗走洪樂堡初三日丁家堡破逆
目丁一剛伏誅堡內開壁遁者逆孫馬進希也初四日官軍乘全
勝之勢分途攻勦連克金積西路漢渠內外五六里小堡二十餘
座羣賊望風披靡官軍徑逼洪樂堡未下徐文秀徐占彪所部作
長圍困之黃鼎率馬步攻洪樂堡金積仍出悍賊應援官軍奮威
重殺斃賊極多日暮收隊連日各戰斃賊三千有奇生擒五十餘
名奪旂幟刀矛二千餘件騾馬七八百頭大礮六尊各軍傷亡弁
勇二百餘名初八日洪樂堡之戰黃鼎所部營官何玉超幫辦李
全貴皆帶槍傷蓋血戰矣此中路官軍進勦金積西路逆回連克
卡壘擒斬要逆大獲勝仗實在情形也臣維中路此次進兵未及
一月風馳電掣連破堡寨數十座直抵金積老巢其得勢猶在破
口數戰此關一開賊在掌握非黃鼎堅持成算布置之詳赴機之
速諸將士進攻之猛未易臻此現計金積西門外僅存者洪樂四
堡馬家三堡丁家三堡臣現飭雷正綰黃鼎會同劉錦棠金運昌
相機圖之據探報馬家堡亦經中路官軍於初八晚攻克殺賊甚
夥獲賊糧數百石連日割刈金積西路秋稼殆盡各軍戰狀俟雷
正綰黃鼎續報
到營再行詳奏

大軍攻克秦壩關各賊壘

先是雷正緒黃鼎率軍分路進剿破賊堡寨一十餘處進逼洪樂堡時劉錦棠金運

出攻金積堡正西各寨聞中路軍逼洪樂堡即會商先奪秦壩關聯絡七軍營壘以斷馬家灘接濟金積堡之路遂攻秦壩關與賊

大戰賊敗遁追至關西斬馘甚眾劉錦棠遂築壘於金積堡城東賊亦增卡相拒徐文秀率所部礮隊會北路各營進攻甫抵賊壘

金積賊傾巢出援乃以巨礮轟其壘壘中木石交下援賊亦來撲官軍併力奮擊毀其卡乘勝入其壘賊奔入金積堡

劉錦棠襲破金積堡東關二十三寨

錦棠合軍士銜枚夜襲金積堡東關賊寨伏兵西南護築礮臺

時金積堡悍賊紛至伏兵奮勇截擊相持至五鼓賊始敗退而礮壘已成次日攻克東關短兵巷戰賊敗向寨東狂奔遂連破二十

三寨

大軍會攻老馬家堡克之

自雷黃各軍進逼洪樂堡馬化澂以其先坐所在哀詞乞撫黃鼎不許會商正緒必

先攻破老馬家各堡而後可圖洪樂於是各軍圍攻老馬家堡凡一晝夜連放後膛大礮轟裂堡牆丈餘軍士乘勢猛撲平其外濠

賊眾力捍牆缺洪樂各堡賊來援黃鼎督何玉超等從米姑寺徑襲洪樂正緒督劉治均等隨後策應洪樂援賊急回堡拒守黃鼎

甘肅新通志

卷四十七

兵防志 戎事下

矣

合陳攀仙趙興隆督隊躡殺何玉超繼之賊敗奔適金積堡援賊兩路包抄而來洪樂敗賊亦折回死戰各營勢幾不支黃鼎急合

黃虎臣率隊橫貫賊陣正緒合馬隊下馬持矛合步隊奮力衝殺徐文秀派隊從老馬家堡旁出以截援賊各軍奮勇壓勦賊眾大

潰鼠竄歸巢時老馬家堡之賊見外援已絕勢已垂危慌亂失措徐文秀蕭寶林執旗先登徐占彪繼之遂拔其堡賊無一脫者乘

勝進平石屹塔賊壘三座割其秋禾徐文秀移師駐之自是中路北路營壘以通各堡賊紛紛東竄黃鼎等方督隊攔截劉錦棠金

運昌已自東而西兩面鈔擊竄賊遂盡殲焉

黃鼎進軍田家橋連克附近賊壘

鼎督各軍併力攻田家橋賊壘黃有忠以大礮轟裂其牆垣雷正緒

麾軍躍入遂拔之官軍正內外鈔殺金積洪樂援賊大至鼎合徐占彪迎擊洪樂之賊徐文秀彭清和等軍迎擊金積之賊塵戰逾

時蕭寶林躍馬斫陣軍士從之兩路援賊大潰鼎麾軍撲附近各壘陳春萬帶隊平濠冒險力攻克之鼎進軍田家橋馬化澂復遣

其弟馬玉澂陝回西彌頭目普洱馬阿訶赴鼎軍前哀詞求撫鼎合先繳馬械毀平寨堡化澂求官軍暫退破口鼎不許連日金積

堡眾潛向滾泉羅山竄遁鼎乃令駐章州堡滾泉馬家河各軍截之疊有新獲

徐占彪攻克洪樂堡外兩小寨

占彪既克兩寨連日進攻洪樂堡賊守備甚嚴官軍更番疲之而死抗如

故賊知官軍已逼罪無可追故戰益厲何玉超李洪超陳春萬李全貴等均負重傷陣亡弁丁甚眾賊日向滾泉一帶潛竄鼎囑勿多殺令逼往章州堡滾泉馬家河各軍殲之賊知官軍必致之死遂力抗焉

九月湘皖兩軍圍攻金積堡西門並克漢伯堡

劉錦棠既克金積堡東關合掘濠築牆鎖

圍以困之賊萬餘拚死填濠錦棠金運昌屢戰敗之斬逆首二賊敗入堡錦棠合董福祥等攻永甯洞馬家二寨克之前後凡三日湘皖兩軍掘濠已成督各軍圍攻金積堡西門外陝回陝回譚潰忽城上槍礮聲震甘回繩垣出援金運昌中礮墜馬張懷玉高得勝率軍橫截賊始敗歸越二日金積堡賊傾巢出直撲中路各營錦棠合皖軍援勦運昌亦裹創督戰雷正綰黃鼎徐文秀均督陣湘皖兩軍夾擊賊敗入西關不出各軍連日修壘掘濠四面進逼陝回無糧思急竄乃夜潛出長濠各營擊退未幾復自西南角衝出官軍急追賊大敗惟王洪楊明棗圍漢伯四堡皆在長濠外堅守未克錦棠合官軍夜伏堡旁賊潛出者均被擒斬各軍會攻漢伯堡乘西風縱火賊眾亂逃運昌截殺殲焉隨攻馬家寨不下越數日賊棄寨宵遁追而殪諸河干

甘肅新通志

卷四十七

兵防志 戎事下

究

冬十月賊撲洪樂堡軍營官軍追擊於金積堡外參將朱蘭亭張友

德王宗譜陣亡

馬化澂在金積堡東城督修礮牆官軍以開花礮連轟傷其左耳賊眾扶歸雷正綰率徐占彪等移駐洪

樂堡次日賊萬餘撲營官軍迎擊賊退至金積堡濠邊城上槍彈如雨朱蘭亭張友德王宗譜陣亡賊見三將墜馬復出戰黃鼎飛檄李吉安冷玉超截擊雷正綰徐文秀急往援劉錦棠金運昌從後衝殺賊始敗歸而丁馬譚等十一堡猶未下金積西北之圍不能遽合

雷正綰攻拔金積堡西南各賊寨

正綰合閻定邦等三路進攻克丁家三堡斬逆目二殺賊數百乘勢

攻克譚家堡進攻馬家等堡縱火焚之於是金積西南各寨依次削平

大軍與賊戰於金積堡西門賊敗入堡

大軍進逼金積堡西門賊萬餘出戰官軍奮擊敗入堡

金積堡陝回襲官軍新壘敗績官軍遂克下寨

陝回黃夜徑撲新壘苦戰卻之追至米站

寺河賊爭渡官軍掩之斃賊千餘遂攻下寨一鼓克之

陝賊逆酋余彥祿率眾竄漢伯堡負創而歸餘黨分竄半角城等處
余彥祿率賊向漢伯堡奔竄劉錦棠督軍截斃槍傷其頰餘黨竄
走半角城李旺堡一帶周紹濂等連日勦襲賊竄往黑城子盡為
魏光燾所殲惟騎賊有逸去者

大軍攻克楊明堡 是時劉錦棠以漢伯諸堡雖為雷黃各軍攻拔而
王洪楊明二堡未下實為隱患乃督軍進攻楊明

堡王洪堡賊來援各軍擊退燃礮轟陷寨牆五丈餘賊礮石雨下
軍士多傷是夜合各軍分伏壕邊夜半賊焚巢而遁官軍伏兵盡
起殺賊千餘遂平其寨
移攻王洪堡不克而還

楊世俊襲破河州賊於赤沙峴 是時馬化澂日夜望狄河之援河回
馬步三四千由康家崖偷渡洮河世

俊護饜經安定聞警設伏赤沙峴以待賊至通安驛周道欽率軍
迎勦失利哨官向宏猷楊占元陣亡賊遂至赤沙峴伏兵突起奮
擊賊大敗
復還河州

陝回崔得彥率賊攻平番縣城青海大臣豫師督軍擊退之賊遂竄

甘肅新通志 卷四十七 兵防志 戎事下 二

鎮番 崔得彥白彥虎由皋蘭北山竄入平番縣境南字兩營截勦賊
於沙溝失利提督張萬美總兵彭清勝陣亡賊遂攻平番縣城

青海大臣豫師署莊浪協副將鍾本起督軍奮擊賊敗潰將軍穆
圖善率馬步沿途追勦殺賊數百餘竄鎮番時煨燼之餘擄掠一
空賊恨之殘殺特甚民間屯寨聚而殲者十之九左宗棠聞警慮
其由阿拉善蒙地繞出甯夏黃河西以援金積堡即飛檄各路防

軍嚴密
防範

李耀南等擊敗河州竄賊於巉口 河州賊劉阿訇馬阿訇受創歸巢
後急欲救援金積堡乃選悍黨馬

步二千餘由三甲集渡洮河出柳林溝一由大寨子渡渭而南一
由站灘出好麥川而北楊世俊李耀南立率所部出巉口截之官
軍突出截賊為兩段一向河州退回一向北原狂奔官軍分起追
擊各有擒斬追殺數里而還連日偵探賊已無蹤李耀南等仍回

馬營
監

河州賊竄入靜甯州境總兵蕭賞謙與戰不利賊遂竄通渭等處 賊

靜甯之蔡家堡與余彥祿殘黨丁步月米自元等合股沿途勾結
零匪三四千將北竄駐防靜甯總兵蕭賞謙急率所部往勦蹙蹙

兩晝夜斬賊百餘名卒以衆寡不敵敗還追劉明燈殷華廷率兵馳至賊已宵遁追至通渭之董我堡會同李耀南擊之賊敗向道花城南趨耀南與楊世俊躡擊於邵家堡賊列隊抗拒另伏悍賊於李家川以圖截鈔世俊盡殲伏賊揮步隊直擣中堅血戰數時之久弁勇頗有傷亡適馬隊出賊後賊駭奔官軍奮勇追殺賊屍枕藉川流爲斷墜巖者尤衆連日搜殺所至無遺逆首劉阿訇逃匿崔家磨官軍乘夜襲而斬之餘賊向禮縣狂奔復爲李輝武遇勦於蔡家河殘股竄踞南山劉明燈周開錫等軍搜勦至閏十月賊竄徽縣兩當間爲駐兩當提督胡國珍所敗竄至石家灘輝武設伏截擊賊越山欲竄張家川又爲劉殷各軍所截遂東西分竄總兵邵永齡副將王光發截之唐家河戴定邦截之三寨鎮陳湜所部又截諸靜甯之合水川賊竄安國鎮楊芳桂痛勦之遂星散不復成股

十一月逆酋馬化澂詣劉錦棠軍前投誠

時金積堡糧盡援絕馬化澂詣軍前涕泣請罪錦棠

合羈之幕中卽飛稟左宗棠宗棠馳疏奏聞附奏疏竊北路中路諸軍會攻馬家河灘所餘兩堡晝夜猛撲及撫定回目軍功劉秉信救出難回數百名口回目馬壽清挈眷投出各情形已於十一月十一日馳報馬家河灘之賊經各軍更番痛勦死傷山積

甘肅新通志

卷四十七

兵防志 戎事下

三

劉錦棠等復增築礮臺逼之賊於堡內穴地而出夜襲礮臺又經提督蕭章開何作霖徐占彪等殲之臺下堡賊窘急乞降然合其繳械毀堡則仍疑懼不決閏十月二十二日據劉秉信引出之賊供稱陝回急困日甚羣思冒險竄逃見官軍方聚攻馬家河灘金積東北濠牆之守必虛圖於夜間猛撲突圍而出劉錦棠黃鼎雷正縮金運昌徐文秀等會商初更抽隊潛伏牆內靜以待之夜半月上賊二三千由堡根潛趨東北直抵濠邊見城上更鼓稀疏人語靜悄乃越濠攀堞而上官軍槍礮齊施開壁縱擊斃賊無數賊敗歸巢黃鼎雷正縮徐文秀等復截之半途共計斬賊近千名生擒二十餘名訊稱陝回馬大司已陣斃馬化澂之死黨譚生成受槍子傷甚重劉錦棠旋於金積東門外搶紮兩壘併築礮臺俯瞰賊巢黃鼎雷復擬抽隊逼紮西門賊益洶懼不知所爲嗣是堡內堡外老弱婦女日詣劉秉信所駐濠外號呼救命慘不忍聞詢知賊中爲馬化澂親屬及其死黨尙有存糧陝回之能戰及堡賊之守堞者日給糧一斤近亦漸減此外皆以黍蘆草根雜牛皮死屍爲食首逆陳林情急因劉秉信求降於官軍劉錦棠黃鼎雷正縮徐文秀姑漫應之十一月初十日陳林聞與春子兆林馬振江金明堂馬化鳳黑清全等挈老弱婦女八千餘赴黃鼎雷正縮營外長濠跪求收撫自言易子析骸逃生無處之慘聲淚俱下且言官軍如准收撫餘衆該頭目等死亦心甘劉錦棠黃鼎雷正縮徐文秀

等數其罪孽合悉數呈繳馬械聽候轉稟撥其男丁分起安置各營婦女則安置外濠之外給以賑糧聽候安插馬化澂見官軍已撫陳林等遂求陳林轉稟願撥馬家河灘糧三百石給濠外婦女求撤馬家河灘之圍劉錦棠等許之責合速繳馬械即日自平堡牆聽合比因收繳馬械入堡檢視見堡內之馬已悉數轟斃殘賊穴地而居以死馬雜衣被毡絮器物填塞轟坍各口遮抵槍礮堡賊四五千存者不過千餘精壯者不過數百然皆身無完膚也仍令暫居故處十五日馬化澂復求陳林轉稟請平王洪堡堡目王洪前已伏誅回民馬三仲王朋等自毀其堡以堡衆降劉錦棠收其馬械亦令仍居故處馬化澂料就撫之必可無他也十六日親身赴劉錦棠營濠外伏地叩頭合隨行一人踰橋遞呈具言罪民所犯情罪自知不赦叩懇施恩如蒙念族衆無辜者多轉稟曲宥僅以罪民一人抵罪死無所憾劉錦棠合開壁納之一面馳告雷正綰黃鼎金運昌徐文秀王衍慶等會商所以處之者諸將士怒其久抗顏行羣思縛而磔之以報私仇而雪公憤雷正綰黃鼎慰諭再三定議飛稟請示劉錦棠即置馬化澂於幕旁派弁監護之一面飭馬化澂速繳槍礮畜械壯丁不許持寸鐵自平堡寨牆垣地上不許留坯土開造戶口名冊候示遵辦二十一日臣接來牘再四籌維西陲之不靖於今九年關隴諸回率視金積爲向背其狡謀凶焰實異尋常馬化澂非窮蹙至極必不輕冒鋒鏑以求生

甘肅新通志

卷四十七

兵防志 戎事丁

三

今既隻身來投並非誘致則操縱在我因而誅之不可謂武且馬化澂乞撫之詞顯欲一身塞咎市德諸回爲要結人心之計因而誅之亦且墮其術中比即於來牘批示合馬化澂本堡馬械繳盡牆垣毀盡後接辦河西王家疇通昌通貴各堡撫局再辦河州西甯撫局如皆盡繳馬械盡平堡寨撫局有成再當具奏請旨陝回陳林就撫後前竄河西余彥祿一股聞風而至盡繳馬械乞撫劉錦棠等點驗人數約有千餘亦合造冊聽候安插余彥祿前此帶傷未死驗視兩頰洞穿舌爛音澀亦垂斃矣統計陝回男婦大小共一萬一千有奇老弱婦女近九千名除馬長順一股數十名因其眷口爲宋軍俘獲現尙留昌貴二堡尋覓眷口外餘均分三起解赴平涼聽候安插自此甯靈一帶無陝回蹤跡矣臣前於平涼縣大岔溝那家溝北原安插陝回戶口數千給以賑種其餘荒絕地畝雖多然不成片段又平涼係入甘肅大道居關隴之中北達甯夏南通秦鳳東連涇原邠甯西趨金城湟中形勢最要不宜多居種人勘得平涼華亭交界之化平川寬六七里長三十餘里窑洞三百餘兼有破屋土沃水甘人跡斷絕可安插萬餘丁口近挑已撫回民稍壯者百名裹糧前往稍加修葺俟各起回民解到卽量地居之給以賑糧種籽牛騾農器督其耕墾所有建置經界規制禁令容臣就近察辦隨時陳奏其金積堡繳到馬械尙未據劉錦棠等冊報前來堡樓堞口均已平毀惟聞堡身堅厚異常兼

值冰凝土凍程功未能迅速其散遣安插遷徙善後各事宜雖皆預定規模而先後緩急之間審幾致決未可稍涉疎略臣軍總理營務布政使銜已革山西按察使陳湜膽智夙優兼有閱歷一切機要臣與密商均能體會臣已委其前赴金積堡會同劉錦棠黃鼎等妥爲籌策以冀萬全所有此次在事統將員弁兵勇血戰頻年艱險備臻忠勇彌著卒能掃穴擒渠銷除異患勞烈未可掩抑應俟大局底定再由臣秉公據實隨摺馳陳籲懇 天恩破格獎敘以明激勸惟陳湜處分尙未開復茲派赴金積會同籌辦機要諸務責任匪輕該員到營以後已著戰功應請 旨先開復原品翎頂以肅觀瞻 再關隴安危機括在金積金積克全局已在掌中現在首逆就擒勒其繳械平堡而官軍鎖圍如故臣且時時申儆嚴禁擾掠嚴防鬆懈者慮其因勝而驕功敗垂成也馬化澂稔惡三世謀逆已久蓄機甚深縱有後效不蔽前辜暫若從寬必滋牆高厚存糧極多非猛攻所可驟得金積既克其勢已孤以馬化澂洵之宜可速下若先誅馬化澂回酋或懷疑懼必帶戎機王家疇一下通昌通貴自更無難料理至河州賊首馬占鼇早有就撫之意西甯賊首馬尒三自援金積敗歸後已略識兵威無能爲患尙非所急耳大約金積堡城平毀後宜先圖王家疇王家疇撫平後馬化澂及其父子兄弟親屬夥黨重者誅夷輕者遷徙乃收全

甘肅新通志

卷四十七

兵防志 戎事下

三

功至馬化澂所以公爲戎首者以新教惑衆歛錢以貿易經營致富又據金積堡膏腴之地侵占漢民產業富甲一方故蘊利生孽也臣現飭諸統領俟平毀堡城後凡馬化澂父子兄弟親屬財產均勒令悉數充公以之頒賞將士賑撫地方庶幾天理得人心順而國法亦伸矣又聞該逆于北省各口開設店舖分布夥友領本營運藉以探聽衙門消息交結回民洋商尤爲可駭臣自燕齊返旆而西張曜自豫入晉各省回商皆馳報陝回金積堡此其明徵臣擬俟諸務就緒後次第奏明辦理惟事機秘密未可輕露端倪而局外不悉此閒情形若不預爲陳明必且憑空揣摩徒滋議論此任事之難也

十二月鹽官賊掠階州知州洪惟善大破之

鹽官賊至階州北牛蹠關一帶殺掠尋至馬家

街知州洪惟善潛出奇兵夜襲大破之賊遂竄入西和縣界

賊掠徽縣太白梁等村團總楊士杰率民勇禦之敗死

辛未

十年春正月金積堡平馬化澂父子兄弟及偽統領等均伏誅

金積

堡既平劉錦棠雷正綰等將陝回悉數起解乃遷王洪堡回安插靈州附近遷馬家灘回安插張家川遷馬化澂親屬於濠外各廢

堡遂誅化隆父子兄弟並逆黨偽統領參領佐領等官八十餘名其被脅之甘回三千餘名解赴平涼安插金積堡老弱婦女萬二千餘解固原附城數十里安插墾荒

金順等勦平王家疇逆賊

馬化隆稟請委員招降何生洲悍黨三百餘人又函通貴通昌兩堡使早降獨王家

疇賊據險抗拒竟日鏖戰金順張曜怒攻破其堡屠之通貴通昌兩堡懼赴黃鼎營就撫平毀其堡於是陝甘之回勢孤不復振崔偉禹得彥馬生彥馬占鼇馬朶大等紛紛請撫矣

設化平川廳治安插撫回陳林等

時陳林馬振江赫選青馬化鳳閣興春余兆麟拜萬江全明堂安傑

等俱歸就撫共男女丁口一萬有奇除挑選壯丁四百名交安傑藍明泰管帶隨征外其餘俱解赴平涼撥歸化平川安插左宗棠奏請添設化平川通判化平營都司彈壓鎮撫飭千總牟春陽帶土兵二百四十名分紮關山三才鎮各隘以總兵喻勝榮帶所部平江營扼紮化平川

左宗棠遣兵搜勦甯夏竄賊明七十子等俱伏誅

甯夏以南山谷閒伏莽猶多宗棠合

甘肅新通志

卷四十七

兵防志 戎事下

毒

中路各軍平慶涇各軍及旌善馬隊與已撫良回嚴密偵探隨時擒勦未幾周紹濂所部李良穆派弁李昭林及回目馬益順王益萬李存昇等追勦逆黨生擒逆目王金玉旌善馬隊馬柏森生擒要逆譚生成之弟譚生邦並丁萬圖馬三寶解營訊決撫回陳聚安會同李德商掩捕明七十子於張家川之瓦窰堡李良穆續獲李映春之黨楊太山導引官軍生擒李映春及其子李存英良回馬宗保捕獲逆回馬奇海馬俊馬捨娃子良回李存昇孥獲要逆偽順天王楊太娃子馬柏森捕獲逆賊馬義等十九名馬元帥等四名均解營訊決楊正茂護運赴省亦於景家口陣斬逆日袁和等百餘名於是著名竄逆勦除之餘所存無幾

金順張曜圍攻納家開賊巢克之

金順等圍攻納家開克之甯夏甯朔平羅等處一律肅清時鹽茶固

原所轄東西兩山界連甯夏鞏昌慶陽涇州各境甘南之徽兩西禮等縣每有小股回賊不時出殲宗棠檄營分路搜勦

督帶平江營蕭賞謙擊賊於老河溝賊分竄通渭秦安清水境

蕭賞謙率

兵由靜甯向會甯一帶搜勦至老河溝遇騎賊三百餘賞謙揮隊衝擊分駐康家堡華家堡哨隊繼至賊大敗由馬營東北分竄通渭後川鋪坡兒川互防堡擾及秦安清水各縣界適楊世俊至石佛鎮詢知秦州街子口有賊率馬隊馳勦並函會總理宗岳軍營

務處提督張仲春
截賊必竄之路

二月提督張仲春勦賊於廖家莊陣斃賊目張運隆仲春調知賊竄廖家莊黎明率

馬步馳往賊猶軒睡官軍四面
擊殺殆盡陣斬賊目張運隆

楊世俊追勦竄賊於任當川等處世俊調知月股賊分踞秦安縣北魏家店乃調馬隊北趨任當川扼

賊東竄賊見官軍即向西遁世俊追及於李家店賊弛備酣眠急
掩擊之擒斬甚多餘賊狂奔追至馬家岔復痛勦之鮮有脫者左

宗棠疏聞附奏疏竊平涼府屬鹽茶廳固原州所轄東西兩
山界連甯夏鞏昌慶陽涇州各府州地方千餘里巖壑複沓漢回

雜處素為藏奸淵藪臣疊飭各軍窮搜逼緝以護饑道而靖地方
擒斬首要各匪疊經馳報而賊計愈滑往往寄孥於河州各賊巢

句結外匪每起數百騎或數十騎剽掠兩山間見官軍至則避匿
無蹤兵退復出倏東倏西飄忽猝至與北方馬賊梟匪同而此間

地廣人稀山谷盤互驅除尤為不易疊據署平慶涇道魏光燾稟
二月初三日所部前營副將魏紀釐勦馬龔子股匪於紅羊坊一

甘肅新通志 卷四十七 兵防志 戎事下 書

拔由硝河城運糧回防行過天中溝遇賊騎二十餘狂竄而西遠
追及之擒斬略盡訊據賊供逆首馬龔子已帶重傷伏鞍竄匿矣

記名提督周紹濂派隊攻羅山謝家段頭各賊巢斬斃數十生擒
十餘名內有偽元帥袁希孟王添發兩名皆金積未破之先馬化

澂遣其出外求援未及歸巢者袁希孟兇悍尤著曾為馬化澂守
碛口以抗官軍者也東山此段以預望地勢最為險要向為回目

馬添發所據馬添發伏誅後旌善營營官都司銜馬柏森收用其
夥馬彥澂李萬海嗣因其不服調遣革逐之馬彥澂李萬海心懷

觊望三月初七夜刺殺馬柏森脅其黨以叛周紹濂魏光燾聞變
率隊圍勦賊知大兵將至向毛居士井元城子一帶紛竄魏光燾

派總兵十奇漢副將蕭玉元追之遇賊下馬關陣斬騎賊七十餘
名生擒五名副將魏紀釐追至元城子地方斬步賊十餘名提督

徐文秀自白瑞追至十六夜三鼓襲賊於梨花嶺山溝斬賊七人
十名生擒二十餘名二十六日提督戴某由鎮原搜勦至陽家莊

一帶斃賊六十餘名副將李瑞林吳起雲搜勦下馬關迤東一帶
深山陣斬賊黨十數名生擒賊目楊金潮寨宗丁阿渾及陝回四

十餘名而馬彥澂李萬海遂遠竄西山深處百草園中灘一帶踞
險為巢與西山要逆馬龔子李百寬馬才宗潛相句結李百寬者
鹽茶廳屬賀家堡同首與逆同馬忠海通馬忠海伏誅後李百寬
與其弟李百由李文虎藏留馬忠海餘黨李文魁楊保祿及馬化

澧之成屬田如貴澤官軍搜捕夥謀竄附河州賊巢三月二十九夜旬河州賊數百挈眷潛逃適周紹濂遣所部遊擊周署良率右營直抵鹽茶廳城得報會同署鹽茶廳同知范廷樑潛師夜起襲之四月初一日黎明直抵澗溝堡正值該逆蜂擁前來周署良突起奮擊賊駭而奔官軍分起追殺斃賊百餘名生擒李生雲馬五十二馬六個子奪回騾馬百餘頭將李百寬眷屬截轉賀家堡訊據賊供李百寬同另股伏紅羊坊防官軍由前面截斃不虞後路官軍驟至也十二日魏光燾飭所部前營副將魏紀奎搜捕牙兒灣一帶匿匪適逆日馬彥澧由關門山竄至擊敗之賊折由鹽土溝一路東竄良回都司銜穆進善率旌善二起馬隊拒之少卻收駐南窰洞賊仍東竄穆進善馳報魏紀奎出官馬套截斃斃行至黑溝口賊已由沙臺堡竄出魏紀奎突起奮擊敗之賊由柯家寮向崖窰南竄適提督左日升總兵于奇漢朱上林由黑城子出隊截之朱上林率馬隊衝入賊中斬先鋒悍賊十餘名而奪其馬步隊繼至賊敗折西竄是夜四鼓魏紀奎追賊至崖窰詢之堡民知有敗賊百餘騎在黃蒿灣急起掩之擒斬過半十四日黎明追至楊明堡收隊十六日謀知河州賊匪另股馬步二三百竄踞條子溝李百寬復帶騎賊百餘徑赴賀家堡接取眷屬適大雨如注咫尺莫辨行徑魏紀奎揣條子溝之賊必李百寬邀約而來意在阻官軍截斃以便接取逆眷宜先進賀家堡截賊出路比發號疾馳行

甘肅新通志

卷四十七

兵防志 戎事下

兵

十數里至張家原則李百寬已奪取逆眷避雨窰洞燎衣作炊馬鞍盡卸矣見官軍驟至紛紛出窰列拒魏紀奎率親兵馬隊衝入立斃執李字旗悍賊兩名馬步各隊分途齊至都司強占魁馬隊哨長劉義縱橫盪挾斃賊遂多李百寬退入窰洞喉黨死拒勇丁何來福差弁張貴元張吉飛及馬隊軍功馬生德躍馬向前生擒李百寬比飭右後兩哨押犯赴堡子臺而餘賊已護逆眷逸去魏紀奎率馬步隊迅速追賊馳入十餘里沿途斃賊約百餘並將李百寬李文虎眷屬奪獲收隊回條子溝時已戌刻矣忽聞堡子臺礮聲不絕料必有事魏紀奎仍率所部由條子溝截去見堡子臺來賊百餘與右後兩哨相持即躍馬衝入擒斬數十名騎賊四五十向種田溝敗竄詢之生賊蓋聞李百寬就擒相約來此劫犯也正擬追逐聞適參將宋南山守備徐有禮由小溝收隊歸與此起竄賊遇奮威截殺誅滅殆盡又行數里至劉家井見各處窰中火光騰灼知敗賊悉踞此聞遂派隊圍定溝口督隊衝入盡數殲之此四月十六日魏光燾所部副將魏紀奎剿辦逆回李百寬一起實在情形也同日據隆德轉運局員通判張潤飛報署隆德縣知縣周其俊約駐十里鋪護運馬隊營總十六日輕騎赴北嶺履勘十里野雞峴突遇大股騎賊千餘從山後突出眾寡莫敵王有慶李松林周其俊同日陣亡馬勇戰歿者數名臣於十七日午刻得

信疑西山一帶向無千餘騎成股之賊其時未知李百寬業已就擒意其糾合馬彥濬等要逆及河州匪黨同來窺劫糧運也立調步隊三營馬隊三營由瓦亭踰六盤山向北追勦又飭親兵左後兩哨踰空同山繞化平川出龍江硤口而南出底店門扇岔抵隆德冀得痛勦以盡根株二十六日得管帶副藍旗馬隊副將尤成章飛報十七日由高堡臺搜山到新營川據探馬馳報不知何路突來騎賊百餘步賊二百餘由硝河城南三十五里巴豆溝假充官軍攻破良回王家堡肆掠逸去尤成章立即拔隊五鼓馳抵三岔口土人告知對面嶺畔窰洞微露火光即攻堡之賊往宿處也尤成章即挑壯士傳口號夜斫賊館比踰溝登嶺猶未覺壯士徑指火光明處大呼殺賊賊驚慌亂竄昏黑中斃於亂刃者約數十名奪獲牛馬驢二十餘匹黎朋躡蹤追勦行五十餘里至雙樹地方賊見追軍無多列陣抗拒尤成章率遊擊喻永勝千總孫成德下馬挺矛衝入賊陣手斬黃衣賊目一名而奪其馬斫斃手執方白旗賊目一名喻永勝肩受礮子傷一處胸脅受刃矛傷四處孫成德面受刀傷尤成章衣被槍子穿透數處猶奮威督隊力戰斃悍賊數十賊始大奔將士躡追猛速賊之擠墮澗壑自相蹂藉死者無數奪獲大小洋礮十餘桿馬牛驢共八十餘匹並奪回五起馬隊先鋒旗一暨生擒回逆數名斬首軍前訊據新裏回民馬福海及活賊口供所斬黃衣賊目爲馬才棕十六日野雞峴戍王有

甘肅新通志

卷四十七

兵防志 戎事下

七

慶李松林周其俊者卽此賊也人馬約共三百有奇始知隆德所報賊騎千餘不足信臣前疑李百寬糾合馬彥濬等同劫運糧者亦非也二十四日靜甯防軍記名總兵吳隆海誦賊擾州西北八十餘里王家溝急起擊之斬悍賊四名二十五日追至焦家河王家堡一帶擒斬二十餘名拔出隴西鎮被裹漢民十四名收隊回防所擊者卽此起賊兇鋒已挫不能爲隆靜北路之患矣竊維鹽固東西兩山首要各逆均已陸續擒斬臣於正月二十五日附片陳明並聲敘未獲逆目惟狗齒牙子靖遠龔子馬才棕馬母驢閻希孟金添妄等數犯續據該提督周紹濂報捕斬閻希孟金添妄近復據報靖遠龔子帶傷後昇至乾鹽池身死馬母驢卽沙母驢子已經提督楊世俊陣斬茲馬才棕復經尤成章陣斬除狗齒牙子聞已逃赴河州尙無確耗此外著名各逆均已伏誅而李百寬一股又已殲滅俟搜捕馬彥濬李萬海等竣事東西兩山周千餘里閒伏莽盡除運道無虞梗滯矣

賊竄階州大石山都司李宏珍擊敗之折竄黃鹿山管帶楚軍署階

州知州洪惟善截擊盡殲之

另股賊由成縣竄階州之白馬關遂至大石山守卡都司李宏珍擊敗走黃鹿

山知州洪惟善合王斌武周正秋躡賊後擊之賊潰奔大水壩李廣全擊之賊折由瓦房川出竄彭德沅邀之賊復折南家堰副將

鄧光耀痛勦之賊越山紛竄民團截之賊棄牲畜而逃追至小關嶺經胡彪迎擊餘賊之竄雷家壩者已無幾矣

以蕭章開權統湘軍分駐金積吳忠甯靈以資鎮攝是時劉錦棠已請假扶松山樞

歸葬併全軍為十一營以蕭章開統之

夏四月南路總統道員周開錫卒於軍開錫督南路各軍勦除竄匪階州向有緝匪據險為巢當

逆回擾白馬關時即乘閒出掠至是開錫檄階州知州洪惟善率副將彭德沅等往勦盡平其巢開錫旋卒於軍

左宗棠合營務處陳湜駐靜甯州督運糧儲規取河州疏陳進兵事

宜附奏疏 竊甘肅回亂雖由陝回構衅牽連而起實則新教久懷不軌即無陝回牽連而亦不能保其不變適因漢回結怨得所藉

口以迫脅其族類其變乃益速時值東南兵事方殷重兵鉅饟難於分布不得不勉事羈縻而玉關內外竟無完土矣茲幸 皇威

震疊金積蕩平陝回窮蹙歸誠又經畫地安插 朝廷仁育義正之懷天下共喻回民雖善詐多疑自付黨堅耐戰孰如陝回堡寨

之密槍炮之多孰如金積其不敢妄肆鴟張固意中事也春閒清水縣張家川撫回李德昌自請赴河州諭撫馬尅大馬占釐臣知

甘肅新通志 卷四十七 兵防志 戎事下 庚

為州回央託而來論合聽其自投不准招致蓋自行投首准與不准官操其權苟由招致而來設有不可撫者礙難處置一涉操切

轉無以示大信而服其心也李德昌行至洮河東岸馬尅大等遞呈求撫適聞河西用兵心懷驚懼疑李德昌之給已李德昌亦疑

撫局有變忿懼而歸嗣西路各郡縣見蕩平金積緣起告示又探知靈州平涼固原化平川等處安插陝甘各起回民安居耕墾適

然無驚始悟撫局終無疑馬尅大馬占釐求撫之心乃益切觀其於李百寬馬彥濤等投入河州時拒不容留亦可概見此時言招

撫固可省兵力而速戎機然以地勢言之河州西甯即漢唐河湟故地為歷代爭戰之場蘭州東西南三面均緊連河州河州賊氛

不靜蘭州不能解嚴以賊勢言之河回嗜利輕生性喜剽掠無事時常騎馬遠出鈔掠變亂十年未受懲創更無畏忌此等嗜亂之

民非創鉅痛深固難望其永久帖服也現在甯夏平涼慶陽涇州鞏昌秦州階州各屬大勢已肅清賑撫耕墾安插遷徙兵屯民屯

善後諸務實已具有端緒雖中衛鹽固一帶時有遊匪出沒不常甘南之徽兩西禮等縣亦時有伏匿之匪伺劫運道然統計實不

過數起人馬多者實不過數百少者僅數十而已倏隱倏現如蝨蝨著體殊費爬搜然固無能為害現擬留黃鼎雷正縮魏光燾左

日昇等各營自中衛至平涼扼要分駐其南路徽兩一帶加派提督殷華廷馬隊護運道緝遊匪一面慎選地方官會同各防營嚴

密掩捕以淨根株而重後路據各路稟報浮橋渡船已辦各營芻糧軍用粗備道路修治已平乃檄各將領尅期會師而前進規河州記名提督涼州鎮總兵傅先宗率所部馬步由狄道進以其半渡洮而西修立堅壘以其半駐洮東岸爲中路記名提督楊世俊率所部馬步隊及提督張仲春宗岳馬步隊取道南關坪進破城爲左路記名提督劉明燈由馬營監進紅土窰進安定縣埽除零匪以扼康家崖之要記名提督徐文秀由靜甯州進會甯繼之爲右路俟中路渡洮之師修壘畢左右兩路乃渡洮繼進其岷州及洮州廳地居河州西南山徑叢雜以五營分駐兩城調土司楊元帶番勇守隘口相機防勦統歸楊世俊調遣會甯西北安定東北均接靖遠縣地境當北竄之衝檄黃鼎分所部步隊入營蓋以副將桂錫植馬隊三營歸記名提督徐占彪統領由中衛靖遠南搜會甯安定遊匪西顧蘭州臣俟諸路布置略定卽率親兵由隆德赴靜甯安定督勦俟河州大定乃圖西甯也西甯著名逆首馬尒三已於三月內自伏冥誅陝西崔三禹得彥白彥虎等逆近時兇焰頗形消沮至甘州涼州肅州本無大股耐戰之賊惟未睹兵威故爾時形倔強如果鋤其桀黠寬其良愿辦理悉當人心則勦足合其畏撫足合其懷自可永期安謐臣惟殫誠盡瘁慎以圖之不敢遷延以誤事機亦不敢草率而貽後患以求仰紓宵旰憂勤於萬一

甘肅新通志

卷四十七

兵防志

戎事下

七

南路逸賊犯秦安北鄉碧玉鎮雷家店

陝賊襲皋蘭寬溝堡民勇擊卻之

五月左宗棠合提督傅先宗等會師進規河州

雷正綰周紹濂會勦米包山賊殄之

時駐秦州三陽川副將楊德俊亦勦平南川賊駐岷州副將張

登桂勦賊於大坪賊奔百家莊提督張仲春乘夜圍攻之斬擒殆盡另股賊匪由西和竄至復擊敗之南路稍清

秋七月左宗棠進軍靜甯州

時陝回白彥虎攻陷西甯小南川民堡據之崔偉竄曹家堡與禹生彥爲犄角

青海大臣豫師函請宗棠濟師而河州逆目馬占釐亦率撤回攻陷民莊成祿所撫肅州回復叛東下甘涼戒嚴乃奏撤回句結西

河回匪請飭督臣派兵會勦 詔左宗棠相機進勦未幾 朝廷聞俄人佔踞伊犁復欲窺烏魯木齊 詔促成祿出關 命左宗

棠派勁旅往勦肅州宗棠復奏略云以隴中局勢言之自宜先規河湟杜其紛竄然後一意西指分兵先扼玉門關斷其去路乃策

全功此時興師遠舉尙非穩著然當此強鄰覬覦狡焉思逞之時則固有未可拘執者頃奉 諭旨已飛函穆圖善詢其能否派隊

一面咨商劉銘傳酌定進兵道路一面飛飭記名提督徐占彪統所部馬步十二營由靖遠防所取道蘭州踰甘涼兩郡以抵肅州其徐占彪所遺靖遠防務甚關緊要已飭蜀軍統領黃鼎分數營交道員張玉文統帶移駐

八月左宗棠進軍安定 宗棠由靜甯州進抵安定審察地勢進規河州乃飭徐文秀一軍自安定西北稱鉤驛以

達站灘劉明燈一軍由安定東南韓家坪直至站灘會徐文秀軍進攻康家崖文秀率兵途遇竄賊斬逆目一殺賊六十餘總兵陳汝俊副將陳締高搜勦花峴子伏賊斬首三十餘級俘賊目十餘誅之

劉明燈徐文秀等連克康家崖附近堡寨 康家崖界鄰洮州對岸十數里即狄道屬三甲集河

回出入門戶也三甲集迤西乃河州大東鄉太子寺一帶山高路險為逆回老巢時秋雨連綿河水泛漲文秀等不得渡提督楊世俊傅先宗合造浮橋各率所部抵西岸先宗軍於西坪世俊軍三汧河何建威軍陳家山頂急築營壘三日皆成每築壘時賊即來撲官軍皆敗之賊亦於黑山頭連築四壘七卡大坪山紅莊連築五壘與黑山頭相犄角

傅先宗等進攻紅莊高家集克之參將廖嵩陣亡 先是賊夜襲彭忠國營忠國預伏精

甘肅新通志 卷四十七 兵防志 戎事下 卒

兵大石山溝賊敗走至是先宗攻克紅莊等處賊敗竄據馬家集楊世俊督兵急攻克之時徐文秀劉明燈兩軍扼於洮河由狄道接取船隻順流而下駛過鄧家灣賊壘副將喻友才參將殷德益中槍亡各營隔岸開礮轟賊急挽船歸岸

九月賊擾康家崖沙泥站柳林溝口總兵楊芳桂等戰歿左宗棠合

前福建布政司王德榜等率軍搜剿 賊梟水搶渡攻奪礮臺弁勇陣亡六十餘名賊又乘皮筏徑渡

擾康家崖沙泥站等處又分股由柳林溝口偷渡總兵黃宏藻等堵擊賊敗退副將陸金城陣亡適總兵楊芳桂參將楊其昌由蘭州還營遇賊俱戰歿宗棠聞警即合王德榜朱明亮率大營親兵千名合提督陳廣發副將凌春臺提督陶生林率馬步由站灘過浮橋趨入羊溝並調楊世俊所部宗岳軍助剿合傅先宗率所部攻黑山頭以牽賊勢合劉明燈架橋柳林溝口徐文秀架橋康家崖於是王德榜率數十騎由站灘先行至楓樹灣賊自叢薄間衝出刺傷騎兵數人德榜發槍連斃二賊正相持聞大軍已至賊始駭遁旋派隊窮搜擒斬三十餘訊供乃甯河回黨聞頭目馬格力布檻送安定伏此圖劫也

冬十月王德榜進扼石鼓墩遂克邊家灣賊壘 王德榜朱明亮由狄道過浮橋楊世俊

宗岳軍親率馬隊同進審察地勢見黑山頭賊憑高俯瞰官軍仰攻非便惟石鼓墩與黑山頭共一山梁立壘於此庶可左埽黑山頭右埽邊家灣於是潛師夜起德榜世俊率宗岳營總兵高登玉親兵營總兵鄧榮佳副將余起立各率所部上石鼓墩搶立兩壘適值昏霧四塞賊不辨官軍多寡未敢輕犯比壘成霧散賊以大股來撲官軍憑壘轟擊賊立敗退黎明復分股圍攻石鼓墩另股踞山腰徐文秀等隔岸遙見官軍已至石鼓墩急架橋搶渡山腰之賊飛赴邊家灣助守德榜揮隊截之圍攻石鼓墩之賊見勢不支亦撤圍來援官軍分途縱擊勇氣百倍明亮怒馬衝鋒手刃二賊陶生林繼之高登玉鄧榮佳余起立從石鼓墩壓下合攻邊家灣賊壘破之徐文秀劉明燈塵所部搶過西岸立成三壘出隊助剿焚賊無算

官軍攻克鄧家灣賊壘遂復三甲集附近各村堡

王德榜率親兵八哨及陳廣發凌春

臺陶生林等營會同徐文秀圍攻鄧家灣賊壘三甲集賊見鄧家灣被圍急嗾悍黨萬餘由山梁紛馳來援官軍分禦援賊一面緊攻壘賊鏖戰兩時賊屍山積立將鄧家灣賊壘攻克援賊敗潰馬隊沿岸埽盪步隊登山躡追愈戰愈奮遂將三甲集附近各村堡一律克復陣斬逆目謝頭號王海發等

甘肅新通志

卷四十七

兵防志 戎事下

全

傅先宗督軍剿黑山頭賊壘平之

先宗率所部由石鼓墩將攻黑山頭各壘偵賊緣岡結壘綿互二十

餘座又與新路坡紅馬家賊壘相連既需仰攻猶防韋制因飭王得勝設伏蓮花山腰扼新路坡等處援賊飭何建威率所部攻黑山梁爲中路彭忠國率所部繞入羊溝出黑山之南攻其前敖天印張得勝率所部出黑山北襲其後自率所部援應中前兩路其石鼓墩赴黑山頭之路爲賊剗削峻險難登又守以堅壘惟飭石鼓墩兩營作進攻之勢以綴賊部署既定銜枚各進四更時中前兩路皆抵賊壘槍礮奮擊賊憑壘死拒逾兩時許何建威拔幟先登破第一卡賊墜濠鼠竄彭忠國朱廣運督隊猛進繼破左右兩卡各壘賊於天明時悉銳來援傅先宗揮隊衝突正酣戰開敖天印已攀藤附葛從山後壓下賊大驚先宗突入賊陣手刃悍逆數名賊慌亂不及入卡四散奔潰立將黑山頭延袤數十里賊壘蕩平陣斬五百餘名其新路坡之賊聞黑山頭礮聲由蓮花山擁至王得勝伺其逼近由山腰截出擊之賊敗奔回巢

官軍進營三甲集南山攻平池西村堡

傅先宗既克黑山頭賊壘遂留彭忠國兩營並建宇兩營

分紮黑山要隘自率所部緣黑山後嶺搶上三甲南山巔立營俯瞰黑山敗賊屯八甲口兩旁依山爲固以阻大東鄉之路乃飭親

兵中右兩營下山逼紫川中禦八甲口之賊調馬隊向王家坪一帶沿河搜勦各村賊出馬步四千餘結陣負隅提督丁桂智總兵王銘忠分兩路包鈔賊亦分隊接戰適赦天印由山巔壓下賊腹背受敵奪路狂奔官軍立將三甲集池西堡寨塌蕩無遺王德榜於破賊後紮黑山地南三甲集之前傳先宗因紮三甲集後以相犄角時徐文秀劉明燈將康家崖浮橋造成明燈駐守之文秀進駐趙家地以聯聲勢而楊世俊亦率所部連克油油溝等處賊壘三座擒斬賊逆數百名

各軍會剿三甲集巨巢克之逆酋馬占鼐敗奔八甲口各軍會攻三甲集乃合王

德榜朱明亮出其前宗岳軍繼之楊世俊率馬隊沿河而進楊正茂繼之徐文秀尤成章橫掃而前沈沈玉遂督果軍繼之傳先宗據山俯擊賊邊援賊劉明燈沿河截勦黎明各軍以次進攻逆首馬占鼐喉黨登壘拒守槍礮如雨繼以木石各軍冒險殲升前墜後繼自卯至未官軍畢登馬占鼐雜敗賊中奪門向八甲口而遁各軍又分攻康家陽窪大小堡卡十餘所悉克之共殺賊二千餘生擒百七十四獲軍械糧食無算官軍傷亡亦眾於是合徐文秀移駐三甲集餘軍分扼要隘以規太子寺及大東鄉賊巢

南路餘賊出掠秦慶固原等境副將王楚仁等戰歿秦州自楊世俊等赴前敵後匿

甘肅新通志 卷四十七 兵防志 戎事下 全

賊復出擾掠殷華廷田連考勦賊黃潛關開副將張養吾困賊於白馬寺乃進兵會勦大破賊於鹽固山馬彥濇之黨亦乘間出掠雷正縮遣軍擊於毛居士并賊敗竄環縣二十里溝副將王楚仁擊敗追至紅德城聞賊聚火焰山徑襲之大捷復乘勢追殺忽礮子中楚仁頭殞於陣參將楊振家余植桐亦戰歿提督甘大有聞警往援賊竄打拉地雷正縮遣軍搜勦賊向好麥川而去

陝賊白彥虎竄擾安西玉門敦煌等州縣陝回崔偉禹得彥白彥虎請化平川撫回陳林等代

為乞撫左宗棠合陳林往西甯諭令先送眷屬至蘭州並令前赴河州直搗賊巢効力贖罪惟白彥虎不可率其黨竄擾安西玉門敦煌 詔徐占虎迅赴肅州搜勦又 命曹克忠接統劉銘傳淮軍往辦甘涼肅軍務

南路各軍分攻甘坪大貝坪張家灣各堡克之南路各軍直搗大東鄉值

河冰凍結隨處可渡逆回出沒無常左宗棠函商穆圖善率所部三營駐柳林溝遏賊旁竄於是合王德榜朱明亮率所部攻甘坪之西劉明燈攻其北楊世俊張仲春由八甲口攻其南徐文秀圍攻大貝坪以牽賊勢傳先宗列隊川口以備太子寺七甲集援賊甘坪守賊馬步萬餘出據山梁王德榜揮軍仰攻朱明亮鄧榮佳各軍猛進破其四壘劉明燈從堡後繞入徑抵甘坪楊世俊進兵

入甲口適大東鄉賊來援麾軍迎勦仍合張仲春分攻山南各卡周乾山等填濠而進立破二卡楊世俊擊退援賊三路兜勦悉平甘坪餘壘傅先宗聞報即會徐文秀圍攻大貝坪以南堡寨賊知甘坪不可守遂棄壘逃官軍擁入而大貝坪張家坪張家灣各堡一律勦平賊以屢敗之故乃賄請西甯循化十三工撒拉各回由董家山謝家坪一帶築壘謀拒官軍先遣老回至各營乞撫並獻良馬二十餘匹各營知爲緩兵計傅先宗率軍踰溝搜勦王得勝圍攻紅莊彭忠國分攻各壘均獲大捷劉明燈勦賊至白家嘴以其爲大東鄉出入要路留營據之

十一月傅先宗等攻克董家山賊壘陣斬太子寺賊目馬肥人生擒

馬油綠布等 先是王德榜張仲春率四營進駐李家臺白嘴莊德榜

先宗徐文秀兩軍循入甲口攻紅莊各賊巢德榜楊世俊攻謝家坪分道疾進破堡壘五十餘處朱明亮助攻董家山參將廖福景奮勇先登中礮陣亡將弁憤甚一擁而進殺賊千餘然地險賊眾逆壘毗連未能即克至是劉明燈列陣川中先宗世俊文秀三路並進賊據半山力拒官軍前隊鏖戰後隊隨陣築營更番疊進自辰至午世俊與朱家山成三營文秀於董家山腰成五營前隊且

甘肅新通志

卷四十七

兵防志

戎事下

全

戰且進賊敗走官軍躡猛追連奪陳家山楊家山等處各卡殺賊數百復排隊窮追賊不及入壘壘中賊亦相率潰遁遂奪取董家山大小賊壘文秀分兵據各大壘太子寺騎賊來援明燈擊卻之步賊仍列隊繼進陳廣發怒馬斫陣手刃渠魁賊始大潰縱軍追擊殺賊千餘陣斬偽總帥馬肥人等生擒馬油綠布等各數十名訊明伏法

十二月傅先宗進攻新路坡五卡克之

時楊世俊進紮四厚子徐文秀派營護築其壘築未半賊

紛紛來撲世俊擊敗之

賊酋馬占鼇糾黨據太子寺楊世俊等奪踞長濠

官軍連日進勦屢獲大捷馬占鼇先

遁牟尼溝老巢聞官軍日逼復糾八方悍黨廣聚太子寺環掘長濠壘卡林立北與石納奴潘家大紅等同堡犄角謀久抗楊世俊徐文秀各率所部進勦戰逾四時奪其長濠並山頭壘世俊即移一營據之

官軍攻克大紅莊等賊壘

官軍攻太子寺北大紅莊等賊堡援賊虜至敗之傅先宗列隊南山頂直攻賊巢楊

世俊徐文秀由東進攻悍賊萬餘迎戰官軍整隊擊之賊死傷無數一紅衣賊持刀斷後羣賊反戰如初世俊慮官軍或卻合壯士

衝入賊陣斬紅衣賊衆大敗官軍兩路追剿屍橫
徧地墜崖落水者約千餘官軍陣亡三百餘名

陝賊竄徽縣提督蘇家良大破之於泥陽鎮其子捨爾把陣亡蘇家良固

原回籍當逆回倡亂時招集回兵勦賊以功洊至提督時方駐師
秦州聞徽縣告警一晝夜直抵徽縣境賊已退踞泥陽鎮進擊破
之殺賊千餘其子捨爾把追賊至下店草灘深
入遇害自是陝賊始絕蹤而隴南逆氛靖矣

壬申十一年春正月候補按察使陳湜督諸軍進攻太子寺先是左宗棠調譚拔

萃張福齊徐萬福等率兵分防安定陳湜往河州大東鄉太子寺
督諸軍進剿惟太子寺爲河州要隘馬占鼐拒守以抗官軍自上
年十二月楊世俊攻奪外濠賊增掘二道防守愈嚴並旬八工撒
拉米拉溝碾伯各回死拒南山瓦房山至塌馬池北由大兒混堡
循河下折抵黑山之尾築壘七十餘座以斷官軍狄道運路而也
阿渾悍黨又乘夜在黨川鋪北築二壘橫互甘南建宇兩營之閒
楊世俊傳先宗抽隊合擊遊擊石補天拔發先登官軍繼之立拔
兩壘先宗合總兵李占春分兵填紮會賊犯石梁坡世俊率軍回
援忽悍賊綠澗突出徑撲填紮兩壘李占春急率兵堵擊中礮立
殞遊擊何建威赴援被傷兩壘復爲賊踞越二日賊傾巢大至南

甘肅新通志 卷四十七 兵防志 戎事下 舍

踰長濠北踞河川東及宗岳各營之後分股圍攻薛家坪平西等
營官軍堅守俟其懈開壁夾攻縱橫盪抉賊死傷枕藉陣斬撒拉
大頭目馬鄉老生擒馮老虎等九名軍前正
法總兵易金雄戰歿弁勇死傷三百餘名

賊攻石梁坡及薛家坪營壘賊大隊攻石梁坡及薛家坪軍營拔柵
填濠抵死不退張仲春率兵來援爲另

股賊所截楊世俊督隊猛進身受兩傷裹創血戰賊始潰奔各軍
乘之賊滾巖落崖死者甚衆總兵張得志遊擊陳有祥董金城都
司洪明泰守備韓鳳鳴主簿楊興藻均戰歿次日賊由四山鈔至
楊世俊傳先宗分路迎戰賊敗走都司王照益把總陳佩麟陣亡
時各營乏食陳湜合提督徐文秀劉明燈各率所部裹糧赴援
徐文秀等攻新路坡克其一壘傳先宗等亦勦平黨川鋪賊壘

大軍進攻新路坡賊壘記名提督涼州鎮總兵傅先宗陣亡賊乘夜
於新路

坡池東振威前右兩營之閒竊築三壘更據濫泥溝四莊一壘爲
犄角勢糧道復梗先宗率軍圍攻三壘不克於是三路進攻王得
勝彭忠國向左楊世俊向右先宗當其前賊使善槍者伏穴專擊
先宗而以悍賊迎戰官軍踴躍爭先賊盡卻遂分撲三壘拔木柵
先宗手執大旗先進突爲飛礮所中由右額貫顛立仆賊見大旗
忽折從後蜂擁而至世俊督隊血戰士卒昇先宗回營氣已絕

二月徐文秀攻克濫泥溝四莊一壘

陳湜合徐文秀赴援攻克濫泥溝賊壘楊世俊以傳軍無主合

退駐黨川鋪而石梁坡勢孤運道益梗

賊犯黨川鋪傳軍潰遁提督徐文秀等陣亡

文秀至黨川鋪見太子寺各營自傳先宗陣亡

後相率俱退恐大東鄉賊乘虛犯董家口梗其歸路合所部還董家山自率親兵三百駐傳軍中營以資鎮壓次夜賊眾數千撲營傳營弁勇相率遁文秀憤怒率所部鏖戰身被三矛一竭陣亡其部將總兵鄭守南楊文林李其祥劉篤志副將王福昌盧才華參將吳明勝遊擊陳東海都司張有才李湘南舒有貴均戰歿壯士殉者一百四十餘人時夜深月黑官軍與賊莫辨從重圍中殺出繞從狄道還營而陳湜所統各營皆退舍省會大震總督左宗棠聞警合前福建布政使王德榜接統傳軍沈玉遂接統徐文秀所部及果勇各營業黑山邊檄催譚拔萃張福齊甘大有等營兼程赴安定馬占鼈詢知官軍復進乃遣逆目馬俊等詣三甲集行營乞撫請先繳馬械陳湜察其誠許之占鼈等自願分途搜繳馬械各遣子弟偕回目馬永瑞等十二人赴安定左宗棠大營獻馬具稟乞撫宗棠合呈繳馬械准其就撫於是助逆撒拉各回遣歸故巢宗棠遂以入告 附奏疏竊維河州立回馬占鼈馬尕大等惡

甘肅新通志

卷四十七

兵防志 戎事下

全

誠求撫呈繳馬匹槍礮刀矛均經疊次馳報嗣據該回目自限分途按戶搜繳一月完竣出具並無隱匿存留切結計先後共呈繳馬匹四千有奇槍矛一萬四千有奇候補按察使陳湜委員同時分起赴各鄉按村勘驗無異方馬占鼈等之自限分途搜繳馬械也各遣子弟並偕各回目馬永瑞等十二人赴安定軍前獻馬五十匹具稟悔罪投誠臣宗棠宣布 朝廷威德諭以生死禍福聽其自取比仍縱令歸巢催交馬械該回民疑畏益釋誓為良民至是據報馬械盡交乃明白曉示准其就撫從來辦撫之道以編審戶口為要編審戶口以遷徙客回安輯土回為要河州全境周五六百里回多漢少雜以番種同治元年變亂以來陝回多避居其中自陝境肅清金積塢蕩固原東西山相繼平定所有各處倡亂之回亦多寄孥其間以避誅戮此客回之應遷徙者也其本籍漢民有受河回脅制甘心役使名為隨教以圖保全者有仇隙已深逃至洮岷狄道充當勇丁而親屬仍留河境者宜分別拔出以杜釁端此本境漢民之應遷徙者也其外來漢民有因陝回裹脅而隨其同竄河境者有被河回裹脅而認為義子齒諸奴僕者應逐一勒令交出護送原籍以別種類而資完聚此外來漢民之應遷徙者也撫事既定乃次第圖之顧謀遷徙必先定安插之地安插之地漢回各有攸往漢民安插狄道金縣安定會甯一帶凡近城驛漢民聚積之處宜也回民則近城驛非所宜近漢莊非所宜併

聚一處非所宜從前安插陝回如化平廳平涼縣大岔溝及北原各處丁口已一萬數千既未可多所附益又此次安插回民有籍隸陝西者有籍隸甘肅者當其併力抗拒官軍固無彼此之分也一旦交馬械就撫還爲齊民則甫被新恩旋尋舊怨不但陝回與甘回氣類攸分卽陝回與甘回亦不能并域而居者以撫局論分起安置渙其羣孤其勢計之得也卽以同情而論亦非分起安置不可乃預飭安定會甯平涼隆德靜甯州各牧令覓水草不乏川原荒絕無主各地自成片段者以便安置旋委員分途履勘乃度其廣狹遷陝回於平涼之謝家莊陶家莊張家莊曹家莊於會甯之姚王家曲家口於靜甯州隆德縣之王家下堡劉戴家山於安定之劉家溝石家坪好地掌等處遷甘回於安定之劉家溝遷漢民於安定之青嵐山新套河夏家營坊其陝回中親屬有已安置化平廳平涼縣境者漢民中親屬有已流寓隴西狄道州各境者聽其自行投赴完聚而皆給以賑糧大口每日八兩小口每日五兩其遷出稍晚尙能播種粟藁蕎麥者照所墾地畝給以籽種其節候已過不及下種者合其盡力耕墾以待明春所需農具一律酌給惟陝回馮均祿一起住河州西北二百餘里黃河北岸已經彼耕墾栽種乞俟收穫後遷移聽候安插而鹽茶固原回民從前寄居者尙待清查其應遷之漢民亦有求緩俟收穫者然丁口已無多矣遷徙安插漸有頭緒乃令署河州知州潘

甘肅新通志

卷四十七

兵防志 戎事下

矣

效蘇赴任新授河州鎮總兵沈玉遂帶所部後路五營赴河州鎮任署河州州判米聯璧赴太子寺分駐在所據潘效蘇沈玉遂稟報沿途漢回列岸焚香迎送絡繹馬占鼐馬尅大馬永瑞及各回目阿渾等咸跪道旁膜拜感泣並納糧百萬斛備軍食因亂後空城僅存於關廂建知州官廨暫資辦公沈玉遂五營列帳城中分飭所部果軍四營由城關外延紮甯河一帶提督張仲春領所部宗岳六營進駐太子寺一帶提督陳廣發總兵凌春臺以所部輔字良字等營駐三甲集提督王衍慶所部左路五營及鎮西中營兩營仍駐康家崖總兵張福齊所部六營由沙泥站分布北由阿干鎮以達省城南出沙倫接康家崖前福建布政使王德榜所部定西等營仍駐狄道河州撫局雖定而諸路連環布置仍未稍疏也惟西北二百餘里循化同知所轄番回雜處毗連西甯卽前史所稱吐谷渾地今爲撒拉回巢地險民悍爲甘肅邊患久矣亂後番回自相殘殺人物彫耗文武不能履任遂以化外置之茲因河州撫定撒拉各回目亦赴軍前求撫陳澁調知狗齒牙馬彥濬馬齒牙馬彥濬馬龔子獲解其希圖立功自效之情尙似可信現籌辦理善後要務如清釐地畝編審保甲分給門牌安設驛站修葺城垣關隘各事宜正在次第辦理上忙已報開征民間輸將亦覺踴躍察看情形人心大定各路大致又漸次肅清臣宗棠料理完

竣即可進駐省垣矣所有河州撫定收復城池辦理善後實在情形謹合詞恭摺馳陳

徐占彪率軍進薄肅州城

占彪自十年冬率蜀軍進討十一月抵高臺縣偵知賊恃南山為巢穴因傍南山下

西行遇陝回崔偉等將往西甯就撫擊敗於清水金佛寺賊恐追躡遂出嘉峪關從關外繞竄西甯至是占彪進壁肅州南三十里之紅水壩以扼南門賊路馬文祿糾黨死拒血賊數日賊大敗逆酋馬文祿墜馬而逸官軍遂薄城下日夜急攻賊死拒不下時成祿頓兵高臺以為肅州克復有日凱覲分功左宗棠疏劾之襍職逮問蓋 朝命成祿出關履烏魯木齊本任成祿飾詞遂巡久駐高臺蓄優伶自娛嘗以索糧破民堡寨屠戮殆盡平時縱兵淫掠而未嘗與賊一戰也

三月徐占彪敗肅州賊於亂古墩

先是賊攻臨水河民堡占彪擊之捷賊復攻老鸛堡比官軍至而

賊已遁至是占彪先伏四營於十里外之亂古墩以右營馬隊防禦賊自率軍至東關誘賊且戰且走至亂古墩伏兵突起賊敗追斬無算城賊出援復敗馬四自率死黨來戰參將蕭藍玉以開花礮轟之傷其馬徐春先往擒為飛子所傷馬四乘間逸去是時甘南逆回知河回已撫欲竄秦階山中與遊勇土匪聯合於是西和階州白馬關及紅德城石溝驛等處遂有賊出沒防軍躡蹤逐勦

甘肅新通志

卷四十七

兵防志 戎事下

全

夏五月桂錫楨率軍至肅州

錫楨率軍抵肅州賊出迎戰錫楨敗之破其一卡逆首馬四見官軍日集遣人

向關外及西甯各回族求援並有關外纏回三千餘入城助守時西甯逆首馬四三已死陝回畢大才由大通北原竄援肅州禹得

彥白彥虎悍黨多在其中

左宗棠合各軍進規西甯

是時逆目馬永福率米刺溝西馬營各回就撫惟陝回崔偉白彥虎等尙懷疑貳宗

棠知陝回首逆及各回目眷口均在大小南川擬進師西甯攻所必救俟其回援擊之乃合馬永福馬占鼈先截陝回去路檄提督何作霖由康家崖赴碾伯劉錦棠由平涼進軍並調陝西直隸州龍錫慶率所部至碾伯會勦

徐占彪誘擊肅州賊大破之

肅州回逆自三月敗後倚朱家堡黃草壩塔爾灣文殊山各堡為犄角環以連

卡百餘座負隅死守占彪已與賊相持久非誘之出不能戰乃合所部歸化營同勇暗約馬四出隊攻官軍當作內應以繞旗為號是日占彪潛率所部伏城西南老馬堡天方曙先令步隊二營誘賊賊疑不前及見回勇在亂古墩上繞旗賊乃大出時桂錫楨伏深林中俟賊過甫半橫截而出賊分隊抵抗歸化營迎頭猛擊官軍繼之占彪由老馬堡分三路衝出賊屍枕藉遂分二股一奔城

關一奔朱家堡時陝回畢大才竄至撫彝境甘肅提督楊占齋合提督張慶雲截勦賊已折竄東樂張慶雲追之賊又竄山丹追至紅寺湖小有斬獲月股騎賊竄至鎮番遊擊李效先副將王禮和會勦於唐家寨陣斬數十名張慶雲追陝賊至黑城遇另股賊自扁都口竄出與陝賊合約千餘騎慶雲扼之駝嶺山賊折竄入口適賊犯大馬營署永固副將札拉芬與張慶雲俱赴援戰於周家莊傷亡頗多而平番之柳林口亦有賊擾穆圖善派兵勦敗之涼州鎮總兵王仁和亦敗賊於高古城

徐占彪分軍攻克塔爾堡

占彪以肅回所據塔爾灣各堡不破不能規取肅城合黃虎臣出軍雷臺廟一帶牽賊自率馬步五營並調紅水臨水團丁夜趨塔爾灣合副將馬桂植率馬隊為兩路策應分所部為十各指一壘攻之時天未曙賊倉猝抗拒官軍已乘間躍入攻克四堡十九墩卡援賊俱為馬隊擊敗是夜復襲破墩堡六乃分軍輪攻塔爾堡至六月朔攻克東山堡占彪進駐黃草壩督攻益急是夜降回藍明太奮勇先登守備徐春先繼之遂克塔爾堡乘勝攻克文殊山黃草壩諸堡於是肅州城外百餘墩堡依次削平各軍進駐沙子壩距城僅三里

六月肅州賊攻犯官軍營壘參將蕭藍玉等大破之

賊五六千自南門出頭裹白巾

甘肅新通志

卷四十七

兵防志

戎事下

亥

縛黃白紙前斜掛兩行中作方營後列散隊既成列先殺一婦人一犬為壓勝誦經誓死猛撲官軍靜以待之俟其將近氣衰乃衝出賊殊死戰蕭藍玉以炸礮摧之桂錫植率馬隊徑穿賊陣賊大亂徐占彪麾軍衝殺斃賊無數賊退距城南枯樹堡次日城內賊復出數千分駐香莊伏麥地以槍擊營壘

官軍連克香莊各賊堡

賊出南門索戰官軍分三路進勦不移時賊敗潰遂乘勝取香莊殺賊千餘俘逆目瑪納

斯阿渾張景幅連日克城北北崖頭城南枯樹堡城東南四壩各堡卡城東朱家堡堅巢肅城遂孤立

秋七月左宗棠進駐蘭州省城

是時劉錦棠各軍已先後抵碾伯西甯求撫之土回陝回雖繳馬械皆疲

朽不堪錦棠虞其詐合龍錫慶所部綏定營紫七里鋪自率馬步進駐平戎驛逼近大小南川分兵聯紮馬家灣及三十里鋪與小峽口毗連錦棠至峽口周覽地勢回堡中突出馬步百餘官軍還擊乃遁次日賊馬步千餘由山頂繞至檢柴溝錦棠合提督譚上連由左路登山遊擊陶生林等率馬隊沿山列陣山路險窄賊據山巔力抗錦棠督軍奮擊斃悍賊四十餘賊始敗緣澗踰溝而遁禹得彥崔偉率馬步二千餘由府城奔峽口犯三十里鋪營壘自彥虎畢大才從紅水溝繞官軍後路湟水北岸賊千餘亦兩賊助

勢何作霖俟賊將近整隊猛擊賊大潰奔錦棠計賊必再至合余虎恩等率兵迎勦賊果分布峽口南北西山騎賊繞至東峽於峽中砌石卡二座南山賊亦憑險拒戰譚和義等渡湟馳上北山擊敗踞賊徑趨峽口以西陶生林從溝內鈔出南山之南賊乃大敗何作霖乘勢衝入峽口攻破石卡盡殲卡賊於是連日破平戎西高疆溝口卓子山堅壘俘斬無算

八月徐占彪圍攻肅州城占彪分所部馬步為二營環肅州城分紮惟缺北門一面賊屢撲屢敗賊憑城固守

官軍以開花礮轟擊城梁崩裂以兵少長圍不能合徐占彪乃請左宗棠濟師適調赴省防之奇捷營因軍餽積欠潰散劉錦棠亦請濟師宗棠無以應乃奏調湖南提督宋慶全軍由陝赴甘助勦以張曜紮金積堡合提督譚汝萃所部赴西甯益錦棠軍而合楊世俊所部由狄道安定各路赴省及世俊至省馬營監防軍謹濱出通渭過伏羌趨禮縣駐長道鎮之副白旗總弁張成倫與賊被戕潰勇遂由秦州竄清水之關山

西甯逆酋馬桂元等犯官軍營壘劉錦棠督軍擊卻之馬桂元集西甯城內回及

撒拉土回馬步數千分為二股一循山而下撲都司李雙梁防營一出彥才溝以阻官軍援路錦棠率遊擊熊隆名等分路迎勦賊

甘肅新通志 卷四十七 兵防志 戎事下 允

多伏山谷閒錦棠揮軍急進雙梁出壘夾攻賊敗退踞原上礮臺憑高下擊提督譚和義等率馬步由平戎驛馳至賊之出彥才溝者知勢不敵縮入溝內官軍鼓銳登山賊大敗墜崖死者無數

冬十月劉錦棠督軍解西甯城圍先是鄧增董福祥等自九月至此連破西甯觀音堂溝彥才溝小峽

溝馬圈口平戎驛班家灣馬家灣等處賊寨百餘所馬桂元遂乞撫撒拉入工逆回亦具撫稟錦棠識其詐乃合余虎恩席大成分防五十里鋪各壘自率軍登北岸山頂賊分三股來犯錦棠以南岸各卡完固足以制賊合鄧增用開花礮轟北山賊破其三壘斬悍賊七百餘賊大潰一由湟北竄韻家口一鳧水渡河而南遂平峽內羅家灣羊角灣一帶賊壘次日黎明遙見西甯城畔各寨火起錦棠率軍疾進抵東關逆首馬本元已遁巴燕戎連日殺賊三千餘城圍遂解土回陝回均投誠乞撫

賊據大通縣向陽堡官軍攻克之向陽堡逆目馬進祿暖泉逆目韓起壽皆馬桂元黨負固不服已撫

陝回崔偉畢大才等願勦賊自効劉錦棠合譚慎典率馬隊十餘騎督同前進與賊戰於姑姑加莊不利官軍撫回各有傷亡錦棠揮軍急攻向陽堡克之斬賊千餘敗賊遁入二小堡董福祥攻拔之

癸酉

十二年春正月劉錦棠規復大通縣城

先是悍賊千餘撲撫回崔偉營偉敗之斬叛弁馬壽

之姪馬良才遂圍其堡賊登壘號呼乞命自稱爲賊所脅願官軍
緩攻得盡縛賊目以獻旋即縛獻馬壽馬進祿韓起壽及河西諸
匪日四十餘人駢誅之惟留叛弁馬壽合飛告大通縣城各回細
獻逆首即免勒洗而馬壽黨仍負隅死拒錦棠軍抵城下縛馬壽
治福興繞城而呼獻城迎降者免死擒賊者重賞回衆數百開西
門羅拜馬前錦棠收撫入城擒斬賊目二百餘初大通城內漢民
三千餘人馬壽自小峽敗歸盡戕焉僅留老弱婦女六百餘口錦
棠礮馬壽於市漢民爭攫其心肝啖之遂駢誅其死黨馬長忠等
一百八十餘名河東西回黨均來就撫錦棠因遷大通城關回民
於河東西遷城西北遂布馬廠各堡漢民於城內惟白彥虎一股
猶懷觀望錦棠合撫回治福興率軍紮水峽一帶扼之連戰皆捷
窮追遇伏所部傷亡殆盡治福興被執死白彥虎率黨二千餘由
永安南山草灘一帶竄向肅州而馬桂元等聞錦棠逼勦大通復
規巴燕戎計襲後路左宗棠檄提督劉明燈總兵敖天印扼屯險
要賊懼不前陳湜沈玉遂亦率河州各軍抵大河家合提督張仲
春等間道出番地直搗巴燕戎格城攻其不備及抵端莊馬本元
與其死黨西竄

甘肅新通志

卷四十七

兵防志 戎事下

卒

三月馬桂元等降西甯平

劉明燈沈玉遂等合回勇入西甯府城諭

等見人心已離陰遣人求救於馬占鼇占鼇亦合繳馬械齊赴城
外東山投誠沈玉遂密伏兵於東山要隘逆衆至俯首就縛誅其
黨三十餘人置馬桂元馬本元馬楨
元於獄合外五工撒拉各繳馬械

賊據肅州城西禮拜寺官軍攻取之

徐占彪自上年八月至今苦戰
半載環城掘濠七百餘丈攻克

附城各堡賊於是沒重濠抵拒官軍所築長圍西北隅仍未能合
適將軍金順率滿漢兵二十一營至陶生林以楚軍五營至占彪
乃增築城西北六壘扼賊出入賊來爭屢卻之又敗紅廟子援賊
馬四乘夜於單家屯莊築二堅堡占彪與金順會勦奮勇齊進賊
大敗遂奪城西禮拜寺寺爲回種初入中國所建死者多藏魄
於此故敬護甚至其附城之新堡又爲官軍所破賊膽益寒

陝回白彥虎竄肅州攻毛目城

白彥虎率黨四千餘自西甯竄扁都

都口外賊竄山丹下四旗掠甘州撫彝世俊由不岡墩截勦甘肅
提督楊占鼇等由撫彝鴨子渠坡橋一帶堵勦值賊攻民堡急擊
之賊奔高臺沿途焚掠至下沿河肅賊來迎者與之合
踞鎮夷西山寺旋攻毛目城陶金二軍赴援賊圍立解

三月肅州賊犯官軍長濠白彥虎助戰不勝遂奔出嘉峪關

白彥虎踞塔爾灣

灣廢堡城賊三千出南門撲官軍長濠白逆亦率眾由塔爾灣來攻徐占彪合肅州總兵章洪勝等憑濠拒守陶生林等由西鈔擊楊世俊等由東北鈔擊白由中路衝殺賊殊死戰金順督軍助戰鄧增復用開花礮轟之賊始敗潰官軍追殺十餘里賊見白逆敗走亦竄入城次日白逆復約城賊再撲長濠官軍偵知占彪乘虛擣其巢衝救急進平明抵塔爾灣賊驚覺大亂占彪合軍士毋殺賊眷見強壯者斫之立平其堡賊竄入南山是時彥虎率眾抵肅州城南城賊出應官軍分頭迎擊方酣戰聞賊復反奔蓋白逆聞官軍已破塔爾灣急顧巢穴城賊失援遂敗退官軍追擊白逆賊大敗斬獲甚眾惟提督李登第總兵王子龍都司劉芳海千總李道修陣亡白逆乃由間道出嘉峪關竄擾安敦玉一帶詔金順接統成祿軍出關左宗棠奏留未允而肅州賊挑悍黨更番猛撲禮拜寺均為官軍所敗乃據城外廢牆為壘外掘深濠築牆憑守占彪於禮拜寺四面掘濠截之並於寺西增築礮臺移後膛巨礮向賊轟擊賊晝伏夜動相持四晝夜不退賊亦於西南添築礮臺放叉子槍斷禮拜寺出入之路占彪以巨礮轟倒礮臺守賊盡斃賊乘夜又撲長濠官軍施放洋槍斃賊無數相持兩日賊仍不退占彪夜分軍三路直抵西南城更番進攻賊向城北走各軍由

甘肅新通志

卷四十七

兵防志 戎事下

空

東北迎擊賊始退入城

夏四月陳湜督馬占鰲等收復循化城

各軍收復循化城回衆效順繳賠修廳城衙署廟宇銀萬

二千九百兩陳湜曉以大義合上四工縛獻逆首馬八十馬玉連沈五十等二十餘名下四工亦縛送數名駢戮以徇

五月湖南提督宋慶率豫軍至肅州與賊戰不利

時悍賊慣戰不作陣式惟伏濠築短

垣憑守擇溝渠坑坎叢塚廢壘間斜行急躍倏起倏匿以避礮宋軍二千人為梅花方陣四抵東門外譟而進礮聲如雷賊伏無形僅見小白旗三官軍再譟再發槍煙甫散而賊槍發於濠內前列應聲倒死者二百餘金軍攻南門亦如之蜀軍屢作地道賊覺之未得發徐占彪乃合鄧增築礮臺於禮拜寺

六月副將鄧增礮擊肅州城不克

鄧增自六月朔築成禮拜寺外礮臺向賊遙擊轟毀譙樓雉堞惟城

垣堅厚施百數十礮不裂間有圯損賊急修補城中婦孺號哭聲震野外然悍賊由陰溝蛇行出入自若也乃商之宋慶於叢塚中逼築礮壘金順亦逼東關重濠築礮臺為犄角俯瞰關廂賊益洶懼

閏六月官軍攻克肅州東關

徐占彪與金宋諸軍填濠力攻占彪負三創血戰先登遂破東關賊憑內城死

拒又造長車七八十架上置擋牌釘甕以禦槍礮出死黨擁撲長濠官軍以劈山礮環擊賊乃敗去

秋七月左宗棠赴肅州督勦

宗棠以肅州一隅勞師已久又傷我統將遂由省起節親往督勦

八月官軍合攻肅州城遊擊張林提督楊世俊陣亡

左宗棠至肅州屯南門外孔雀

園閣長濠增兵西南北三面合諸將會攻夜半徐占彪等督隊填濠賊乘高抵拒未能驟克平明東北角地雷發遊擊張林率壯士冒槍石登城而殞次日徐占彪楊世俊兩軍暗掘地道各軍又用礮連轟燹賊頗眾越二日徐楊兩軍所設地雷俱發世俊先登東城不見一賊方麾隊探升賊於城溝中發槍世俊中槍而亡時長圍密合賊糧竭乞撫願從戎出塞以贖罪諸將請急攻否則收降宗棠不許因念仰攻傷銳乃築大臺日以炸礮遙擊城回餓燹大半老弱出降日數百人

九月誅肅州逆酋馬文祿

即馬

等並客土各回肅州平

將軍金順率兵由東北城

缺口搶登城頭紮卡斷賊往來適劉錦棠率湘軍自西甯至駐營南門所撫陝回崔偉畢大才等馳馬城下呼馬四告以死期已至

甘肅新通志

卷四十七

兵防志 戎事下

三

善自為謀馬四自知生路已絕親詣大營乞降宗棠乃令先繳馬械以羣回分羈各營同日駢誅並誅客回一千五百七十餘及馬文祿等九名各軍入城縱火焚土回四千餘人肅州回族誅戮殆盡 按逆回據州城十年蹂躪殆徧始則土回肇隙繼則馬文祿以藍吉楨受逆首妄得璘偽封元帥兇饒益張藍吉楨死馬文祿以西甯獵戶糾聚撒拉番回及西甯河州巨盜偷息於此以通關內外各回消息西路安逆中路馬桂元東路馬化澂皆與之聯絡自中東兩路既平徐占彪一軍進勦大小數十戰始逼賊併聚一城金順繼至而圍始合宋慶繼至而圍始密東關既破關外援絕始得此屍骸枕藉之一城雖悍賊草薶無遺而軍民之勤勞塗炭亦極矣

冬十一月河州撫回閔殿臣復叛左宗棠檄各路防營進勦

初閔殿臣與馬

占鼇馬永瑞等素不相能占鼇欲納款穆圖善故殿臣焚省城五泉山寺以擾之及大軍進勦占鼇等就撫殿臣父子猶豫不決占鼇執以獻既就撫後陰蓄叛志殿臣子四人悍而暴其戚黑里布等尤凶狡殿臣倚為腹心至是假作會造軍械謀漸露河州鎮兵沈玉遂知州潘效蘇遣人於回民馬成家內搜獲所製旗械殿臣叛謀益堅劫殺行旅沈玉遂派勇往緝殿臣拒殺二勇餘負傷

逃回賊連日聚衆千餘夜襲甯河軍壘駐防宗岳軍總兵黃添泰憑壘拒守賊不勝而退乃遣黨赴河州詐言賊新集無多官軍當速撲滅沈玉遂率兵四百往勦見山前賊僅數百麾兵奮擊賊大隊忽從山後出而包鈔官軍敗績總兵傅永達馮永祥千總彭大發均戰歿沈玉遂奔還州城請兵助勦左宗棠聞警卽檄各路防軍進兵河州檄署西甯道劉錦棠率所部出大河家口自河州西北直搗賊巢馬占鰲馬永瑞聞閔殿臣復叛亦率回勇由積石關赴河州請赴南鄉勦賊官軍分道並進賊傾巢越山向馬蓮灘繞至河州攻西南兩關沈玉遂憑城固守馬占鰲等馳回助戰賊竄小西細韓家集等處尋至牟泥溝焚掠提督張仲春總兵凌春臺各率兵來援賊聞官軍至退回三十里鋪老巢張仲春等還甯河至麻木溝遇伏方戰賊放火彈適中藥桶延及槍隊藥袋盡燃總兵黃添泰凌默發副將李福興均戰歿官軍陣亡二百餘人賊遂攻甯河城焚西關

十二月張仲春凌春臺擊賊於甯河大破之賊宵遁

撫回崔偉馬占鰲等敗賊於河州城南二十里鋪

劉錦棠抵河州合提督黃萬鵬督同

崔偉馬占鰲等敗賊於城南二十里鋪次日賊據山梁綿互數里官軍列陣良久賊不出錦棠合馬隊由平川繞至山後自率步隊

甘肅新通志

卷四十七

兵防志 戎事下

叁

上山迎勦山梁飛石雨下官軍踴躍而登陣斬閔逆之子閔福賊敗走追斬千餘

賊竄買家集官軍合攻焚其堡逆首閔殿臣伏誅

賊至買家集築卡於打鼓臺劉錦棠

合各軍合圍分軍由姚家嶺上山山嶺賊隊如林錦棠由左進沈玉遂由右進賊蜂擁下山撲右路沈玉遂率隊奮擊賊以長矛指刺沈玉遂撲斷矛頭還以撞賊親軍環刺斃賊多名錦棠急合馬步翻山橫衝賊隊賊殊死戰黃萬鵬等軍由山梁下馬奮擊賊棄卡奔買家集郭家嘴等處時張仲春凌春臺在臺子街聞打鼓臺槍聲甚急率所部進至買家集而錦棠軍已出賊前布滿西北乃以所部分布東南賊見竄路已絕入買家集郭家嘴各堡錦棠合步軍分攻各堡馬隊列平川以絕賊竄縱火焚其堡賊冒火衝出馬隊截而殲之堡中二千餘賊焚殺無遺逆首閔殿臣率死黨逸去劉錦棠遣馬占鰲躡至焦家坪獲之並擒其黨解大營磔之按甘肅回變以來徧地皆賊而甯夏金積堡其首要也河湟其中堅也肅州其後勁也自左宗棠率師度隴東南兩路漸次廓清於是斬首要搆中堅摧後勁而關內一律肅清至閔逆再叛則亦回變餘波耳

德宗景皇帝

乙未

光緒二十一年春三月循化廳撤回爭教啟衅

先是衙子丁老教同日韓

努力與新教回目韓四以夙嫌互控已而械鬪經年未結時東方
倭氛方熾甘軍多應調赴京而循化撤回五萬餘人強悍者五六
千伺防營空虛藉爭教滋亂遂撲積石關旋圍循化城遊擊王法
德以辦教案駐循化署西甯道陳嘉績檄令赴援振德爲回所愚
軍於河北岸賊夜襲之馬步各軍俱潰傷亡無數總督楊昌濬檄
各路募土勇助戰守並電檄固原提督雷正綰往河州彈壓正綰
率千人抵河州漢回跪迎十餘里回族衆逾十萬正綰撫循之昌
濬復電檄甘州提督張永清率所部由間道赴西甯策應合提督
蘇貴興率新疆所募三營赴巴燕戎甘都堂一帶駐防並奏起事
顛末請以雷正綰節制各軍勦賊時賊目韓努力圍攻循化城甚
急昌濬檄西甯總兵鄧增率兵往援而西甯練軍兩旗至
河北加如莊賊夜襲之全軍覆歿惟兩旗官渡河倖免

夏四月西甯鎮總兵鄧增攻戈什灘賊寨不克河州東西鄉回亦叛

登增由貴德渡河出保安歷番族遊牧地重山複嶺攀援而過者
七晝夜抵扁都溝築壘溝外八里許前卽戈什灘距循化城四十
里爲第一要隘賊寨林立聚悍黨數萬守之以阻官軍進援路增
率所部屢戰不克河州東鄉回目楊梅連西鄉炭古牙等亦叛遙
爲響應雷正綰聞警卽令出師兜勦入坊回目叩馬乞免正綰乃
令捕首逆三人誅之又以東鄉幅帽遠聞自噴噴壩至大灣頃俱

甘肅新通志

卷四十七

兵防志

戎事下

七

合回日分防與之軍械保護運道並令馬永琳往諭撤回不知撤
回之叛彼陰嫉之於是以正綰合箭誘山窩難民出而歸里殺戮
無算

五月海城縣回逆李倡法作亂

李倡法叛夜聚千餘人劫獄焚縣署
大堂知縣惠福及幕友許茂梧均遇

害旋經官兵
勦撫略定

河州鎮總兵湯彥和襲漫崖工下白莊

先是彥和奉總督檄援循化
至上白莊賊寨環立彥和進

攻則漫崖工與下白莊接回紛集至是撤回詣營乞撫彥和乘其
無備襲破之把總羅俊儒中槍陣亡殲賊甚多餘賊退踞立莊彥
和進攻賊由孟達山窺官軍
由清水工張原工直達循城

鄧增攻克戈什灘賊走街子工遂解循化城圍

時循化困甚糧且盡
西甯道陳嘉績以辦

爭教案在城函致鄧增赴援增乃留提督張錫光李良發兩軍扼
碣樓部將梁東魁一軍出賊寨之西遣楊占元等率騎兵從東臺
河灘疾趨而下賊悉銳迎敵殊死戰增以賊勢注騎兵親督軍夾
擊之焚禮拜寺賊腹背受敵敗走街子工戈什灘遂爲官軍所據

次日進兵循化城圍遂解連日攻克長漢大寺蘇只孟達衙子等四工胥平之賊渡黃河趨巴燕戎增復奉檄追勦至札思觀道札什巴又陷直趨紅土坡分三路擊之陣斬甚多急攻其堡賊驅驟馬四出欲官軍爭取則乘間遁增合槍擊所縱牲畜盡斃之賊計窮縱火自焚官軍乘之遂復札什巴

河州八坊賊逆馬永琳喉閔伏英叛

馬永琳既聯合新舊教回匪夜焚花寺牌坊殺王永壽等數十

人遂噉閔殿臣之孫伏英糾黨為亂復分股向脅狄回圍攻狄道州城時以遊騎出沒渭源金縣境焚掠各堡警報時至省城戒嚴是時賊攻州東南甯河堡揚言破堡後即撲省城堡中團勇日夜苦戰殺賊甚眾賊屢卻屢攻布政使曾鈺派員由閒道資以糧械團勇戰守益力牽賊不得北行省城賴以無虞

循化賊攻積石關提督李日新總兵劉潤山陣亡

循化賊謀竄河州由鎮回堡渡河官

軍與戰於樊家峽賊走攻積石關李日新劉運山力戰而死馬福祿等率兵往援賊始歸巢

閩五月河州各鄉回復叛圍攻河州城

賊圍河州城雷正綰率軍出戰殺賊數百部將李振元等

甘肅新通志

卷四十七

兵防志

戎事下

奎

陷陣死之時賊眾數萬官軍僅數千坐困孤城糧且盡乃檄總兵湯彥和回援

六月賊謀馬似虎以利誘襲湯彥和軍於雙城集大破之彥和由槐

樹關逃入番地

彥和自起臺堡進至雙城集距河州僅四十里會日暮駐軍回謀馬似虎詣彥和言回眾願餽黃金三千

投誠彥和許之回弁馬福祿以不從逆在彥和軍中力爭不可謂似虎性狡黠叵測當即日進城否則恐為賊乘彥和不聽似虎又謂軍宜露宿先探賊而後進彥和從之似虎遂糾各路賊席捲而至彥和急率數十騎潛度大夏河逃赴槐樹關官軍鳥獸散賊乘之被殺及溺斃者無算開花礮及糧饟軍械盡以資賊河州城圍愈急雷正綰日夜親督戰守以俟援軍賊遂攻屠西鄉札地沙澶刁峽棹子山南鄉松鳴崖東鄉柳溝掌圈灣掌各堡寨

西甯賊酋韓文秀等糾眾犯鄧增營

逆首韓文秀馬成林糾眾回數萬分三路犯鄧增營增分軍迎

戰賊伏萬人於東山而以老羸距西山之巔為疑兵又列騎賊於平川誘官軍趨西南增先以番兵循東山之麓及審賊狀知有伏復合騎兵扼其衝俄頃賊伏果起番兵不能抵三路賊齊來校戰官軍將卻增急出督戰將士怯不進乃手刃偏將一諸將皆隕馬

陷陣槍斃賊首馬成林賊始潰官軍傷亡亦多哨弁孫泉清師興堂死之增料賊必復來於是調茶鋪一帶十族昂哨番兵及南川土兵亂思觀團勇以備策應次日平明賊果麴集官軍乘其未成列擊之賊方死戰忽驚逸蓋其巢已爲番兵焚毀賊遂不敢復出而西甯南北西川大通碾伯丹噶爾廳賊同時皆叛

賊陷西甯李十家長甯堡

賊陷長甯等堡殺漢民萬餘貫嬰孩於稍以爲戲西北川村堡盡被蹂躪矣

秋七月河州賊犯白塔寺川蓮花渡口之何家堡防軍與民團擊敗之

西甯東關回叛

東關回叛焚附近廟宇鄧增以進規巴燕戎之師赴援郡城與賊戰於小橋賊敗走時城中壯丁出東門

夾攻爲賊所敗死百餘人遂退入城增合陳正魁等結營小橋總兵鄧咸林等屯紙坊街賊遂焚掠東川及紅哈兩川又陷曹家堡殺千餘人

八月哆吧賊酋馬大頭三三韓成基犯西甯鄧增禦之於小橋賊敗

甘肅新通志

卷四十七

兵防志 戎事下

矣

走

馬大頭三三率悍賊萬餘犯西甯城披髮銜刃已薄小橋增欲出戰英國遊歷士沮之增曰賊氛甚惡意在圍城若不力遏之是示弱也城豈可恃且統帥不出將士孰肯用命遂急往小橋分重兩路迎戰將士踴躍爭先排槍連轟之接以短兵賊大敗返奔自此戰無不勝賊見鄧軍旗號不戰而遁

甘肅提督李培榮攻克大峽口賊卡進兵平戎驛

培榮由平番碾伯進兵西甯沮於大

小峽口賊卡培榮遣兵渡湟水伏於沙溝口以偏師繞出大峽山後自率大軍前進從峽口兩山猱升而上山後伏兵亦起賊敗竄遂進軍平戎驛拔賊堡四

河州賊攻踞附城民堡直撲州城雷正綰分軍兩路擊之

遊擊王正坤都司康達敗賊於馬坡口

正坤等由白塔寺川進兵援河州偵知賊將奪據哈腦渡

口沮官軍進援之路正坤康達等迎擊並合吳得助率民團潛由馬坡口截賊歸路方酣戰間民團包鈔而至賊潰追斬甚衆

賊據汪家山官軍與戰不利遊擊曾仁和等陣亡

官軍與賊戰於汪家山遊擊曾仁和

黃雨亭副將周萬生把總賀貴國均陣亡
官軍退至白塔寺哈腦渡遂為賊所踞

河州賊分路犯州城雷正綰遣各軍兜剿賊敗退

先是正綰聞賊由大河家結筏渡河

欲赴哈腦渡口圍防軍壘急撤防營管帶余成龍並派隊出東門
剿賊以分賊勢甫出城東鄉及八坊賊由北塬來撲隨合達春營
迎擊略有擒斬至是賊大股分路撲城正綰合韓廷芝礮隊擊西
門外賊沈勳照擊八坊賊鳳林營擊周家坡賊道員徐錫祺率親
兵扼北塬達春馬隊居中策應陳元尊率精選
後營迎擊正綰等督軍繼進四面兜剿賊敗退

王正坤敗賊於哈腦渡賊奔金家堡

正坤以賊踞哈腦渡勢甚猖獗慮為所乘乃伏兵於紅柳溝魏

家坡王墩山等處次日自率大兵由何家集進鎮西左營王在耘
傍河岸進賊分路拒戰伏兵鈔出賊反奔金家堡時李培榮亦敗
賊於小峽培榮先為賊所敗副將蕭孝田遊擊
英南童足耳守備瞿文貴把總李長驥俱戰歿

九月西甯回襲李培榮營培榮等擊敗之

東關回由小峽徑撲培榮營培榮及鄧全忠羅長春

等連敗之殲其逆首賊敗梟水而遁溺斃甚眾是夜賊復至連戰
二日始退時總督楊昌濬調甯夏鎮總兵牛師韓一軍駐安定甘
肅新通志

卷四十七

兵防志 戎事下

三

涼兩郡毗連西甯賊騎不時出沒乃以駐河橋驛副將劉
璞所部赴永昌一帶堵剿調武毅前營周文翔駐河橋驛

雷正綰與八坊回戰於北塬遊擊劉大貴丁體元陷陣死之

副將劉璞與賊戰於普麻溝劉進才等戰歿

璞率所部馬步兩旗由河橋驛拔回平番行抵

青沙嶺之普麻溝賊四五千截於東溝璞率軍迎擊合哨長郝萬
順堵南山賊路李進才趙太和力扼北溝飛檄劉進才助戰正危
急間進才軍至奮勇合擊進才中飛石陣亡哨長高得勝趙太和
會治堃均戰歿劉璞見賊勢甚銳斂兵扼險以拒適莊浪城守尉
英秀副將永明朱祥
興等來援賊始退

冬十月賊犯永昌縣城遊擊陳長生往援中途遇賊戰歿

署提督張永清合遊

擊陳長生率兵剿西甯竄賊行抵涼州水泉堡遇賊擊敗之次日
聞永昌縣城被圍遂即馳援出堡星許悍回突至長生入堡拒守
賊由缺處衝入長生戰死

賊擾鎮番撫彝境

賊分股擾及鎮番至撫彝之板橋堡楊昌濬檄劉
璞易順勝兩軍馳援賊竄入山日猖獗幾不可遏

新疆喀什噶爾提督董福祥進兵河州盪平三甲集太子寺各賊巢

誅逆首馬永琳等河州平

福祥奉命率甘軍由京兼程進至狄道營洮河東先鋒數營乘草囊渡洮連戰皆捷

捷營王家崙賊巢之東逆回教主牟佛諾浼回弁崔正午願輸糧求撫時福祥在河西相度營勢姑許之次日牟佛諾不至而賊大隊來犯官軍以快礮環擊斃悍賊數千進平王家崙賊巢拔隊仍渡洮河東移紮唐家崖造浮橋以渡大軍福祥率先鋒馬隊黎明已由下流淺涉渡河直抵三甲集老巢破之大軍繼之殺賊數千誅其逆首餘賊悉降乘勝過入仙口攻太子寺克之俘賊酋收降甚眾越日抵河鎮溝嚴陣以待賊不敢犯督隊進發過南陽坡歷四十里等鋪見沿溝賊卡火猶未滅急出溝渡大夏河直抵鳳林驛即入坊也賊倉皇跪迎乞降撒拉回已撤隊遁矣城圍立解是日即斬著名賊酋數人自是連日搜捕首逆馬永琳馬悟真馬福馬鎮馬如彪馬順娃周七十老馬騏把蘇池牟佛諾前後誅斬二千餘

楊昌濬遣督標中營副將湯仁和等出碾伯會牛師韓軍進解平戎

驛圍

初西甯東關賊乞撫鄧增知其詐不許時李培榮被圍平戎驛賊聞董軍將至遂解圍去

甘肅新通志

卷四十七

兵防志

戎事下

矣

董福祥進軍西甯府城

福祥由河州進規湟中攻奪漫坪米拉三溝大小峽口殺賊無算直抵西甯府城

十一月董福祥遣總兵張銘新攻克哆吧上五莊水峽北大通諸要

隘殄賊數萬

先是湘軍總統魏光燾進攻哆吧全軍敗潰失開花礮軍械無算至是張銘新攻破屠之

董福祥遣總兵何得彪規復南申中堡克之貴德路始通

丙申

二十二年春正月董福祥遣道員張成基總兵何得彪會西甯鎮

總兵鄧增克復北川營城

福祥遣張成基何得彪率入營進取西甯北川營深入侯子河賊十萬衆圍之鄧增

聞警率兵往援至紙坊街賊騎蜂擁至蓋賊酋馬大頭三三知甘軍被圍增必率兵赴援遂乘虛來政府城增麾軍迎擊賊不戰而遁直擣侯子河以騎兵衝之賊潰奔遂合張何二軍兜剿殺賊逾萬槍斃及墜澗落崖死者復數千次日克復北川營增還西甯驅

東關同於禮拜寺悉戮之

二月董福祥遣何得彪張銘新破賊於水峽

是時賊多破獨喇課倚水峽出沒草地青海者

尙數萬福祥遣得彪等將馬步二千破之賊竄水峽追擊之落水者無算餘竄青海草地適天大雪多凍餒死者

三月董福祥鄧增遣各軍分勦西路竄賊夏四月駐軍甘州

各軍進勦竄賊

五月追賊野牛溝賊聞風而遁六月賊出赤金峽擾玉門之昌馬湖聞官軍至星散而遁其逃至戈壁者困餓幾斃見官軍哀號乞命乃安插於淖布腦關內外肅清

冬十月鄧增抵固原提督任會甘軍搜誅海城叛回百餘名

己亥二十五年夏六月海城回田百連等叛固原提督鄧增遣兵勦平

之海城縣回民田百連馮老八馬三水等謀叛焚殺縣屬大溝門鄒家堡知縣徐光興會鹽茶都司派兵往捕賊攻破鄒家堡由蕭家灣入兌坪殷家坪草廠等處而竄鄧增合練軍馳往會勦並合副將郎永清及靜甯防營分路迎擊遇賊麻平川官軍槍礮環擊賊敗奔越山而遁次日郎永清率達春軍至雙河堡適各軍齊集賊又敗遁至司瓦溝等處賊已星散不敢復出遂搜捕馮老八馬三水田百連等首從四十餘人誅之反側始息

甘肅新通志

卷四十七

兵防志 戎事下

七

